

ტრადიციული ქართული სამედიცინო
კულტურა

I

მშობიარობასა და ჩვილი ბავშვის
მოვლასთან დაკავშირებული
წეს-ჩვეულებები საქართველოში
(ისტორიულ-ეთნოლოგიური გამოკვლევა)

"მეცნიერება"

თბილისი

1997

63.5 (21)

39 (479.22)

ტ 753

კრებულში. საქართველოს რამდენიმე კუთხის (სვესურეთი, სამცხე-ჯავახეთი, ქართლი, რაჭა-ლეჩხუმი, იმერეთი და სვანეთი) XIX საუკუნისა და XX საუკუნის I ნახევრის ყოფის ამსახველი მონაცემების საფუძველზე. განილულია ბავშვის დაბადებასთან დაკავშირებული რწმენა-წარმოდგენები და წეს-ჩვეულებები. მათი ურთიერთშეჯერების გზით ნაჩვენებია საქართველოს მთიხა და ბარის მოსახლეობის სამედიცინო ტრადიციათა საერთო მხარე და განსხვავება-თავისებურებანი.

The habits, customs, conceptions and beliefs concerning childbirth are considered in the present work on basis of the evidence representing the mode of life in several regions of Georgia (Khevsureti, Samtskhe-Javakheti, Kartli, Racha-Lechkhumi, Imereti and Svaneti) in the 19th and the first half of the 20th centuries. The general outline of the medical traditions, their peculiarities and differences are shown through the comparison of the abovementioned habits, customs, conceptions.

პასუხისმგებელი რედაქტორი

ისტორიის მეცნიერებათა დოქტორი

ი. სურგულაძე

რეცენსენტები

ისტორიის მეცნიერებათა დოქტორი

თ. თაჩიბაური

ისტორიის მეცნიერებათა კანდიდატი

თ. ცაგარეიშვილი

0505000000

დ -----

M 607(06)-9

© "მეცნიერება", 1997

შესავალი

ჯანმრთელობის დაცვის ხალხური სისტემა, რომელიც მედიცინის მუშაკთა და ეთნოლოგთა მომავალი კვლევის ერთ-ერთი აქტუალური პრობლემაა, პირველ რიგში ჯანსაღი თაობის აღზრდას გულისხმობს.

სხვადასხვა გეოგრაფიულ გარემოში - მთასა თუ ბარში, უდაბნოსა თუ ზღვისპირეთში მცხოვრებ სხვადასხვა სოციალური ფენის მოსახლეობას ისტორიის განვითარების ამა თუ იმ ეტაპზე განსწავებული მოთხოვნილებები გააჩნდა და მათი ცხოვრების წესი უმეტესწილად სწორედ ამ მოთხოვნილებების დაკმაყოფილებას ითვალისწინებდა. ყოველ საზოგადოებას სჭირდებოდა ფიზიკურად და სულიერად ჯანსაღი შთამომავლობა, რომელიც მაქსიმალურად იქნებოდა შეგუებული საცხოვრებელ პირობებსა თუ თავისი ხალხის ცხოვრების წესთან და ექნებოდა მათი გაუმჯობესების პოტენცია.

ბავშვის მომავალზე ზრუნვა იწყებოდა არა მხოლოდ ქალის ფეხმძიმობის დროს, არამედ გაცილებით უფრო ადრე, გათხოვებამდე, ახალგაზრდა ქალის დედად მომზადების მიზნით.

უძველესი დროიდან მსოფლიოს სხვადასხვა ხალხში ჩამოყალიბდა ქალის დედობისათვის მომზადების, მშობიარობის, ჩვილი ბავშვის მოვლის და საერთოდ მომავალი თაობის აღზრდის გარკვეული ტრადიციული სისტემები, რომლებიც სხვადასხვა საზღვრულ წესებს მოიცავენ. მათ თუ თანამედროვე პოზიციიდან შევაფასებთ, შესაძლებელია ჩვენთვის ბევრი რამ მიუღებელი იყოს, მაგრამ გარკვეულ გეოგრაფიულ თუ სოციალურ გარემოში, ისტორიის განვითარების ამა თუ იმ ეტაპზე მცხოვრებ საზოგადოებებში მოქმედი ყველა ხალხური წესი თუ ტრადიცია მათი ცხოვრების პირობებისა და დონის გათვალისწინების შემთხვევაში, როგორც ჩანს, ამ საზოგადოებებისათვის მისაღები და ოპტიმალური იყო.

საზოგადოების განვითარებასთან ერთად კი ეს წესები იხვეწებოდა და უფრო სრულყოფილი ხდებოდა.

ეთნოლოგიური კვლევის ერთ-ერთი მთავარი მიზანი ხალხური ტრადიციების გამოვლენა-შესწავლაა. მათი ფუნქციონირების მიზეზების ასსნაა. სამედიცინო ტრადიციების კვლევა ამ კუთხით საინტერესო შედეგებს იძლევა.

წინამდებარე კრებულში გვინდა აღვწეროთ და განვიხილოთ საქართველოს სხვადასხვა კუთხეში დამოწმებული მშობიარობის და ჩვილი ბავშვის მოვლის წესები, ვაჩვენოთ რა აქვთ მათ საერთო და რით განსვადებიათ ერთმანეთისაგან. თავს ვიკავებთ ზოგი საკითხის ანალიზისაგან, რადგან მიგვაჩნია, რომ მათი კვლევა კომპლექსურად, სხვადასხვა დარგის სპეციალისტებთან ერთად უნდა ჩატარდეს.

აქვე გვინდა აღვნიშნოთ, რომ ერთ-ერთი სტატიის თანაავტორია პროფესიონალი ექიმი დ. დიდებულიძე. ვფიქრობთ, ასეთი სახის მუშაობა მომავალი კომპლექსური კვლევის საწინდარი იქნება.

ნ. მინდაძე

ბავშვის დაბადებასთან დაკავშირებული წეს-ჩვეულებები ხევსურეთში

ნუნუ მინდაძე, დარეჯან დიდებულიძე

საქართველოს მრავალფეროვანმა გეო-კლიმატურმა პირობებმა, სოციალ-ეკონომიკურ, ისტორიულ და სხვა ფაქტორებთან ერთად, განაპირობა საქართველოს თითოეული კუთხის ხალხურ ტრადიციათა თავისთავადობა.

ამასთან აღსანიშნავია ის ფაქტიც, რომ ბართან შედარებით ყოფის არქაული რეალიები მეტად შემოინახა მთიანეთის რეგიონებმა, რომელთა შორის გამოირჩევა ხევსურეთი. ხევსურეთში ჯერ კიდევ ახლო წარსულში ფუნქციონირებდა ბევრი ისეთი ტრადიცია, რომელიც საქართველოს ბარის მოსახლეობის ყოფაში საერთოდ აღარ ან ნაკლებად გვხვდება. მათ რიცხვს განეკუთვნება მშობიარობის ხალხური წესები, რომლებმაც, XIX საუკუნიდან მოყოლებული დღემდე, არა ერთი ექიმის, ისტორიკოსის თუ მოგზაურის ყურადღება მიიპყრეს. მათ შორის აღსანიშნავია ი. მინკევიჩი (XIV), ნ. სიზანაშვილი (XXVI), გ. თედორაძე (X), ს. შაკალათია (XIII), ვ. ბარდაველიძე (V), ლ. სოლოვიოვა (XIV) და სხვ.

განსაკუთრებით ფასეულია ხევსურეთის მკვიდრის მელანია ბალიაურის მასალა (II: 3), რომელშიც საოცარი სიზუსტით არის აღწერილი ქალის მშობიარობა ხევსურეთში. სწორედ ეს მასალა, შემოჩამოთვლილ ავტორთა მონაცემებთან ერთად, საფუძვლად დაედო წინამდებარე სტატიას.

ხევსურეთში ახლად დაქორწინებული ცოლ-ქმარი პირველ ორ-სამ წელს შვილს არ გააჩენდა. ახალგაზოვილი ქალის დაფეხმძიმება, ისევე როგორც მრავალშვილიანობა, სირცხვილად ითვლებოდა. შესაძლებელია ეს გარკვეულწილად ხელს უწყობდა მცირემიწიან ხევსურეთში მოსახლეობის სიჭარბის თავიდან აცილებას (XXVII: 13).

ხევსურეთში, დაფეხმძიმებას ქალი მენსტრუაციის

ციკლის შეწყვეტით ადგენდა. ამ კუთხით საინტერესოა ფენქშიმე ქალის აღმნიშვნელი ხევესურული ტერმინი "უმრეცხლო", რაც ნიშნავს მენსტრუაციის, დედათწესის, იგივე "სარეცხის" არმქონეს და მისი. ანტონიმი "მრეცხელი", "მრეცხელი დედაკაცი", რაც თვითონიანი ქალის ერთ-ერთი სახელწოდებაა ხევესურეთში.

როდესაც ხევესური ქალი დაფენქშიმდებოდა, ცხოვრებას ჩვეულებრივად განაგრძობდა, შრომას არ ერიდებოდა, ასე იყო საქართველოს მთიანეთის სხვა კუთხეებშიც. ვაჟა-ფშაველას გადმოცემით: "ფშაველი ორსულ დედაკაცს არამც თუ არ აკეთებინებს საქმეს, საქიროდაც მიაჩნია ფენქშიმე ქალის მუშაობა, რომ ყრმა დიდი არ გაიზარდოს და შობა გაუადვილდეს" (IX; 11). მაგრამ ფენქშიმობის დროს ქალი გარკვეულ სიფრთხილეს იცავდა. მძიმეს არაფერს აწევდა - "მუცელი რომ არ წაესდინა". ნაყოფი რომ არ დაეზიანებინა, ცდილობდა მუცელზე მაგარი არაფერი მოხვედროდა; საქონელთან ყოფნის დროს - საქონლის რქა, კარაქის დღვების დროს - სადღვებელი და სხვა.

ფენქშიმე მდინარიდან ან წყაროდან წყალს "დაწაფებით", ე.ა. პირდაპირ არ დაღუფდა - ბავშვი დორბლიანი გამოვაო; წყალი წყაროდან პეშვით უნდა "ამოგკრა". ე.ი. ამოეღო და ისე დაელია, როგორც ჩანს, ამ შემთხვევაში, იგი უხერხულად დახრას-ერიდებოდა. ორსულს არ უნდა ეჭამა მწარე საქმელი, მაგ., ნიორი, იტყოდნენ - ბავშვი წირპლიანი გამოვაო; არ უნდა დაელია ლუდი ან არაყი - დააბირკვლებსო, მუცელს მოუშლისო და ა.შ.

ფენქშიმე ქალი ცოტას ჭამდა, ჭამის შადა მომატებულიც რომ ჰქონოდა, ზედმეტ საქმელს ვერ მოითხოვდა, რადგან ბევრი ჭამა სირცხვილად ითვლებოდა, ე.ა. იგი მსუბუქ დიეტას იცავდა, რაც თავისთავად ნაყოფის ზომიერ ზრდას უწყობდა ხელს და იოლი მშობიარობაც გარკვეულწილად გარანტირებული იყო.

ძველი ქართული მედიცინის მისედვით, ფენქშიმე ქალს

ბევრი ჭამისაგან თავი უნდა შეეკავებინა. XVI საუკუნის ერთ-ერთ ხელნაწერში წკითხულობთ: "და ორსულმან დედაკაცმან ბევრი საქმელი არ უნდა ჭამოს. და ცოტას საქმელსა უნდა სჭამდენ" (VI, 120).

მეცხრე თვეს. როდესაც ქალი "თვეში ჩადგებოდა", როგორც ფეხშიძივე, ისე მისი ოჯახსი "შირეულად", "უწმინდურად" ითვლებოდა და ქალს უკვე ბევრი რამ ეკრძალებოდა: ხატ-სალოცავებთან მისვლა, სალოცავის ყანებზე გავლა. ვერც ჯვარის - სალოცავის მსასურნა მივიდოდნენ მის ოჯახში, რადგან, როგორც აღვნიშნეთ, ოჯახსი უწმინდურად ითვლებოდა. ქალს ეკრძალებოდა ასევე სახლის ბანზე ან ზედა სართულზე - ქერხოში (მამაკაცის ხაძინებელში, სვესურული სახლის საკრალურ ნაწილში) ასვლა, გარკვეული ოჯახური საქმიანობა: პურის გამოცხობა, კარაქის შედღვება და სხვა.

როცა მუცელი ასტკივდებოდა, იტყოდნენ - სატკივარი გამააჩნდაო. ქალი სამრელოში, მენსტრუაციის მქონე - "შირეული", "ნარევი", ე.ი. უწმინდური ქალებისთვის განკუთვნილ სპეციალურ შენობაში წავიდოდა. მახ სამრელომდე დედამთილი, ან ვინმე მოკეთე ქალი მიაცილებდა. ის მისცემდა ყველაფერს, რაც ქალს სამშობიარო ქოხში სჭირდებოდა: ძველ ტასაცმელს, "სალოგინე ჩაღას", თუ ეს ჩაღა წინასწარ არ იყო ქოხში დაგებული, "დუქარდს" - მაკრატელს ჭიპლარის გადასაჭრელად, "ზიწონს" - მატყლის მსხვილი ძაფისაგან მოქსოვილ ბავშვის სპეციალურ შესახვევს, შალის ქუდსა და წინდებს ახალშობილისათვის, თუ ხაშუალება მქონდათ, ჩითის რბილ ბერანგსაც, ასევე პურს, ყველს, ნახშირს, იარაღს: ხმალს, სანჯაღს, ან თოფის მანრას ავი ხულების დასაფრთხობად და სხვა. სამრელოში ქალი რჩებოდა მანამ, სანამ - "სატკივარი არ დაუნიადაგდებოდა", ე.ი. ტკივილი არ გაუხშირდებოდა. შემდეგ კი გადადიოდა სამშობიარო ქოხში, რომელიც სამრელოს შორიასლოს იდგა.

აღმოსავლეთ საქართველოს მთიანეთში ხახლში მშობიარობა ხასტიკად ეკრძალებოდა. თუ ქალი ხახლში

მოილოგინებდა, სახლი უწმინდურდებოდა, ხატ-სალოცავები ხასტიკად გაუწყრებოდნენ, ოჯახის მამაკაცებს ავად გახდიდნენ, საქონელს დაუხოცავდნენ და სხვა (V, 238).

საერთოდ ცნობილია, რომ მენსტრუაციის მქონე, მშობიარე და მელოგინე ქალის უწმინდურად მიჩნევა, დაკავშირებულია საშოდან სისხლის დენის ფაქტთან. ცნობილია, რომ საშოდან ყოველგვარი სისხლდენა განიხილებოდა, როგორც საშიშროება და უწმინდურება. მშობიარესთან დაკავშირებით, განსხვავებული მოსაზრება აქვს გამოთქმული ვ.ბარდაველიძეს, მისა აზრით, მშობიარობის მომენტში, ქალი საშიში და უწმინდურია იმიტომ, რომ მას ბოროტი სულები ემტერებიან, ხოლო ბოროტი სულები ემტერებიან იმის გამო, რომ "ქალი ჭურჭელია, რომელშიც ისახება და იშვის ახალი სიცოცხლე ბავშვის სახით, იმდენად ის სალხის თვალში წარმოადგენს მიმზიდველ არეს კეთილი და ბოროტი სულების ჭიდილისათვის" (V, 253).

როგორც ვთქვით, მშობიარე და დედათწესიანი, ე.ი. უწმინდურ ქალთა სამყოფი ხევესურეთში სოფლის გარეთ იყო. ვ.ბარდაველიძე აღნიშნავს, რომ "ხევესურეთში ქალს ორი საცხოვრებელი ბინა აქვს. ერთი თავის ქმარ-შვილთან, როდესაც ის "საშინაო" ყოფაშია, ე.ი. მენსტრუაცია - მშობიარობის პერიოდების გარეშე, და მეორე - სოფლის გარეთ, ე.წ. "საჩხეში". საჩხე ეწოდება სოფლის გარეთ იმ მიდამოს, სადაც გაშენებულია ცალკე ბინები მენსტრუაციაში მყოფ და მშობიარე ქალთათვის და სადაც ისინი ამ დროს მიდი-მოდიან. ეს ბინებია: "სამრელო", "ქოხი" და "შენაქო" (V, 246-247).

სამრელო - სამირეულო, ე.ი. მირეულთა, უწმინდურთა, დედათწესიან ქალთა სამყოფი, თითოეულ სოფელს რამდენიმე აქვს. სამი-ოთხი ან მეტი მოსახლის ქალები შეერთდებიან და ერთ სამრელოს აშენებენ, თუ ოჯახი შეძლებულია. მას ცალკე სამრელო აქვს. სამრელოს აგებას ხევესურს ხატი უკრძალავს, ამიტომ ასაგებად იწვევენ სხვა კუთხის მცხოვრებს, უმეტესად მოსხევეებს და ხარჯს თანაბრად ინაწილებენ. არის შემთხვევები

რომ ღარიბი ოჯახის ქალები თვითონ აშენებენ სამრელოს.

სამრელო პატარა, დაბალი, ბანიანი შენობაა, სადაც თავსდება საშუალოდ 4-5 ქალი, შიგ ადამიანი ვერ გაიმართება, კარები აუცილებლად სოფლისაკენ არის მიმართული. კედლები ქვისაა. გადახურულია დიდი ხეებით, ჭერებით გადაჭრილი ტოტებგაცლილი ხეებით და სიპებით. ზემოდან აყრია შავი მიწა, რომელიც დატკეპნილია და აქვს საკვამე, რაც სანათურის მაგივრობას ეწევა (V, 247).

შენაქო წარმოადგენს ყორეზე მიდგმულ ფარდულს. სადაც კარგ ამინდში იკრიბებიან მესამრელოე ქალები თავისი ხელსაქმით და ერთობიან, სჯა-ბაასში ატარებენ დროს (V, 248).

სამშობიარო ქოხი შენდებოდა რიყის ქვისაგან, ერთი კედელი სიმყარისთვის ბუნებრივი იყო, ორი კი - ცალმაგი, ერთი ქვით ამოშენებული და შეუღესავი. წინ მეთხე კედლის ადგილი ღიად იყო დატოვებული შესასვლელად და ჩაღის კონები პქონდა აფარებული. ქოხი გადახურული იყო ჭერებით, რომელსაც ზემოდან ვეარა ქერის ან ჭვავის ჩალა (ყარტი). ქოხში წინასწარ დაგებული იყო ჩალა, ან ქალი ჩალას ქოხში შესვლის დროს თვითონ დააგებდა და ქვეშ ხმაღს, ხანჯალს ან ტყვიას ამოუდებდა ავი სულების დასაფრთხობად.

ქოხში შესვლამდე ქალს, რომელიც პირველად მშობიარობდა, გამოცდილი ქალები დაარიგებდნენ როგორ მოქცეულიყო, როგორ დამჯდარიყო, როგორ გადაეჭრა ბავშვისათვის ჭიპლარი და სხვ. სამშობიარო ქოხში ქალი სულ მარტო იყო და თუ ძალიან არ გაუჭირდებოდა, იქ ანაფინ შევიდოდა.

მშობიარე, ხანამ მას ძლიერი ტკივილები არ შეაწუხებდა, ქოხის ახლომანლო დადიოდა, რადგან ითვლებოდა, რომ სიარული ადვილად მშობიარობას უწყობდა ხელს. ძალიან ძლიერი ტკივილი რომ დაეწყებოდა, ქალი ქოხში შევიდოდა. მას ხშირად მიაკითხავდნენ სამრელოში მყოფი მენსტრუაციის მქონე ქალები და გარედან ეკითხებოდნენ: "სატკივარი როგორ უვლიდა", ბავშვი თუ მოძრაობდა და სხვ. მშობიარეც ხმამაღლა უპასუხებდა.

მესამრელოე ქალები ცდილობდნენ დახმარებოდნენ. ეს დახმარება სიტყვიერი იყო და გამოიხატებოდა იმაში, რომ ქოხის გარედან შეახსენებდნენ რა დროს როგორ მოქცეულიყო.

როდესაც ქალს განუწყვეტელი ტკივილი დაეწყებოდა, ბავშვის დაბადების დრო რომ მოვიდოდა - "მუხლის მოთხოვნას" ეძახდნენ, ე.ი. - ბავშვი მუხლებზე დაჩოქვას მოითხოვსო. მაშინ ქალი ჩაღაზე უნდა დაჩოქილიყო, ბავშვის დაბადება რომ არ გასძნელებოდა. მუხლები შეძლებისდაგვარად განზე უნდა გაეწია, ქოხის ჭერზე უმეტესწილად თოკი იყო ჩამობმული. დაჩოქილი მშობიარე ხელებით რომ ჩამოკიდებულიყო და "წელი შემსუბუქებოდა". ხევსური ქალები სშირად თოკს ან სარტყელს, რომელსაც წელზე ორჯერ შემოკრულს ატარებდნენ, მშობიარობის წინ ჭერზე თვითონ ჩამოაბამდნენ. მშობიარობის დროს ქალს ძლიერი ტკივილებიც რომ ჰქონოდა, არ უნდა განძრეულიყო - მოძრაობა მუცელში ბავშვს დააზიანებსო, არც ხმა უნდა ამოელო, ჩუმი კვნესაც კი სირცხვილად მიაჩნდათ.

თუ მშობიარობა გართულდებოდა, სხვადასხვა საშუალებას მიმართავდნენ. "მესამრელოე ქალები" მშობიარეს ცხელ, ზოგჯერ კარაქიან რძეს მიაწოდებდნენ, არ ერიდებოდნენ არყის მიცემასაც. თუ მაინც არ უშველიდა და მშობიარობა გაჭიანურდებოდა, მაშინ ქოხთან მიიყვანდნენ "გველ - მყვართ" (გველისა და ბაყაყის) გამყრელ დედაკაცს (ე.ი. ქალს, რომელმაც გველს დაჭერილი ბაყაყი გააგდებინა). ზოგჯერ მას თან ჰქონდა ქათმის კვერცხი, რომელსაც ქალს მკერდზე ესროდა, როცა კვერცხი გატყდებოდა, იტყოდნენ - "ესრემც მალე გეშველებისო, ესრემც მალე გაშორდებით დედა - შვილნი ერთი მეორეს, გველ - მყვარნი გამიყრიან, რო დედა შვილნი არ გავყარნო, გაეყარეთ დედა - შვილნი ერთმანეთს" (II, 12). ამ სიტყვებს სამჯერ გაიმეორებდა. რა თქმა უნდა, აქ მაგორ ქმედებებთან გვაქვს საქმე, არ არის გამორიცხული, რომ გველისა და კვერცხის ნაყოფიერების რელიგიურ სიმბოლიკასაც ჰქონდა მნიშვნელობა. თუ კიდევ არ დაეწყებოდა მშობიარობა, მაშინ ქალის ახლობელი

მამაკაცი ქოსის შორიხლოს თოფს გაისროდა - ავი სულები დაფრთხებიანო. თან მშობიარეც შეშინდება და ბავშვი დაიბადებაო.

ამ საშუალებებით თუ მშობიარობა არ დაჩქარდებოდა, მაშინ გამოცდილ დამხმარე ქალს მოიწვევდნენ. მის მოსვლამდე კი მესამრელოე ქალები გარედან უკარნახებდნენ მშობიარეს როგორ მოქცეულიყო. მაგ., თუ ბავშვი "უკულმა", "ფეხებით წინ მოდიოდა" და ქალი ამას შეატყობდა, დასარიგებდნენ - ზურგზე დაწოლილიყო, ფეხები მაღლა აეწია და ქვის ყორეზე დაეწყო - ბავშვი რომ შემობრუნებულიყო. თუ ქალი ძალიან დასუსტდებოდა, შეუძახებდნენ - "რას შვრები, რაზედ გვარცხვენ, რად გვჭრი თავს ხალსში, შეილი ვის არ გაუჩენია, მაგრამ ეგეთი ამბავი არავის ჩაუდენია - გამაგრდი, მადეი გონს და გული გაიმაგრე. ქალი არ ხარა, არ იცი სირცხვილი, რად გასტეხე ნამუსი, გამაგრდი გულს მაედ" (II; 14). ზოგჯერ ემუქრებოდნენ კიდევც. არ არის გამორიცხული, რომ ამ შემთხვევაში, ფსიქოლოგიურ შემოქმედებას ქმონდა გარკვეული ეფექტი. ამ დროს დამხმარე ქალიც მოვიდოდა. საინტერესოა, რომ იგი არ უნდა ყოფილიყო "მოწმინდარი", "შიბარებული" ან "დაკოჭვიებული". "მოწმინდარი" და "შიბარებული" ხალოცავის ქვეშემრდომი, მისი უშუალო მფარველობის ქვეშ მყოფი ქალები არიან. "შიბარებდნენ" ავადმყოფ ქალს, რომ ხალოცავის მეშვეობით გამოჯანმრთელებულიყო. მოწმინდარიც ძირითადად ხატის (ხალოცავის) რჩეული, ხატის მსახური ქალია. "მოწმინდარად" აყვანილი ქალები ხშირად რაიმე მსუბუქი ფსიქო-ნერვული დაავადებით იყვნენ შეპყრობილნი. "დაკოჭვიებული" კი ფსიქიური ავადმყოფი - ეშმაკეულია, რომელსაც ავი სულის გამოსადევნი რიტუალი "დაკოჭვა" აქვს ჩატარებული, მოკლედ რომ ვთქვათ, დამხმარე ქალი ფიზიკურად და სულიერად ჯანსაღი, მშვიდი, არანერვული პიროვნება უნდა ყოფილიყო. დამხმარე ზურგზე დაწოლილ ქალს ფეხებს აუწევდა და ქერზე-დამაგრებულ თოკზე ჩამოაკიდებდა; ისე რომ ქალს წელი ასწეოდა. ბეჭები კი ჩალაზე ქმონდა დადებული. თუ ეს არ უშველიდა, მაშინ

ფეხებს ჩამოუხსნიდა და დაჩოქილ მშობიარეს უკან მოუჯდებოდა, წელზე მუხლს მიაბჯენდა და ქალს მხრებით თავისკენ გადმოსწევდა ისე, რომ წელი დამხმარე ქალის მუხლებზე გადმოზნექილიყო. ამას რამდენჯერმე გაიმეორებდა, რომ დედის მუცელში მჯდომი ყმაწვილი "შევიწროებულიყო", "დაძრულიყო" და "გარეთ გამოსულიყო". თუ ესეც არ უშველიდა, ქალი მშობიარეს ზურგით თავის ზურგზე წამოიკიდებდა და რამდენჯერმე ახტებოდა; მშობიარე ქალი დაიბერტყებოდა - ეს უკვე უკიდურესი ზომა იყო.

თუ მშობიარე ქალს ზემოთ ჩამოთვლილი საშუალებები არ უშველიდა, მაშინ "ჯვრებს შეუსახელებდნენ სამეშვლოებს", სალოცავს დაპირდებოდნენ შესაწირავს, რომელიც სპეციალურად ქალის საშველად - "სამეშვლოდ" იყო განკუთვნილი, რადგან ქალის ოჯახი უწმინდურად ითვლებოდა, ჯვარის სახელს ვერ ახსენებდა და სამეშვლოს სხვა ოჯახი "შეუსახელებდა". ქალის ოჯახი კი "განათვლის" (განწმენდის) შემდეგ შეასრულებდა მსხვერპლშეწმრვის რიტუალს.

დამხმარე ქალს გარკვეულ გასამრჯელოს უზდიდნენ; ერთ ცოცხალ ძროხას - "ფეხითს", უმეტესწილად მეწველს, ან მის ექვივალენტს - ცხვრის, ჭილიუნძის, ხალიჩის ან სხვა სახით.

იშვიათ შემთხვევაში, როდესაც ქალი ვერასგზით ვერ იმშობიარებდა და ნაყოფი მუცელში დაელუპებოდა, ამისთვის რომ დედის სიცოცხლე გადაერჩინათ, მოიწვევდნენ მწყემსს, რომელსაც გარკვეული გამოცდილება ჰქონდა მიღებული საქონლის ძნელი მშობიარობის დროს. ის ქალის საშოდან მკვდარ ნაყოფს დანით ამოკაფავდა ე.ი. ატარებდა ემბრიოტომიას. უნდა აღინიშნოს, რომ ემბრიოტომიის ჩატარების ფაქტები მოწმდება საქართველოს სხვადასხვა კუთხეში, აღწერილია აგრეთვე ძველ ქართულ სამედიცინო ხელნაწერ წიგნებში: "რამ შვილი მუცელსა შიგან მოკვდეს მოიჭირვოს რომელ წამლითა გამოიღოს, და თუ არ გამოვიდეს დანითა დაჭრას და გამოიღოს" (XXII, 244).

ა.იაშვილის ცნობით, კავკასიაში ემბრიოტომიას

მწყემსები აკეთებდნენ (XXVIII; 76-77). ჩვენ დავუმატებთ, რომ საქართველოში დამოწმებულია ემბრიოტომიის ჩატარების პრაქტიკა ბებიქალის მიერ, რასაც ძველი ქართული სამედიცინო ხელნაწერებიც ადასტურებს. მაგ., XI საუკუნის "უსწორო კარაბადინის" მიხედვით მშობიარობის დროს "ოსტატი დედაკაცები" ოპერაციულ ჩარევასაც მიმართავდნენ: "ოსტატმან დედაკაცმან ხერხით გამოსჭრას სამართებლითა" (XX; 153), იგულისხმება შევდარი ნაყოფის ამოკვეთა.

თუ მშობიარობა ნორმალურად ჩაივლიდა, ნამშობიარები ქალი ახალდაბადებულის ჭიპლარს გადაზომავდა "ორი თითის დადებაზე", მაკრატლით გადაჭრიდა, ისე რომ ჭიპს ხელს არ მოაშორებდა და მაშინვე ბაწრით შეკრავდა. ჭიპის მოჭრის შემდეგ გარეთ დარჩენილ ნაწილს ხელს არ გაუშვებდა, ზოგჯერ ფეხის თითზე დაიხვევდა - უკან არ წავიდესო. ამბობდნენ, თუ "საშილე" (მომყოლი) უკან წავიდა, ქალი შეიძლება მოკვდესო. თუ მომყოლის გამოდევნა ქალს უჭირდა, მაშინ "ორაგულის მძივს" (ორაგულის ხერხემლის ძვალს) რძეში ჩაფხეკდნენ, წამოადულებდნენ და ჯერ კიდევ ცხელს დააღვინებდნენ. თუ ეს არ უშეუღლიდა, მაშინ თამბაქოს ბურნუთს მისცემდნენ - "თხევას (ღებინება) გამოიწვევსო" და "თხევის დროს ტანიდან გამოუვა მომყოლიო". თვლიდნენ, რომ ღებინება გამოიწვევდა ჭინთეებს და ხელს შეუწყობდა მომყოლის მოშორებას.

უნდა აღვნიშნოთ, რომ ღებინება, ისევე როგორც "ცხვირის დაცემინება, როგორც ცნობილია, მართლაც იწვევს მუცლის წინა კედლის შეკუმშვას, მუცლის ღრუში წნევა მატულობს და იგი საშილოსნოსაც გადაეცემა" (XV; 25).

მომყოლი ქალს დროზე თუ არ მოშორდებოდა - საბედისწეროდ ითვლებოდა, იტყოდნენ - "ქალი დასიედება და მოკვდებაო".

ქალს მშობიარობის შემდეგ მუცლის ტკივილი თუ დარჩებოდა, მაშინ აძლეოდნენ ცხელ წყალს, რძეს ან მცირე რაოდენობით არაყს, იშვიათად - წითელი დეკეულის შარდს. ან ცხარე, ორნახად არაყში ჩაყრიდნენ ზონნოტას (Bunias

orientalis) ძირებს, გააცხელებდნენ, ნამშობიარებს დაალეენებდნენ და სსვა.

მშობიარობის შემდეგ ქალი სამი დღე სამშობიარო ქოხში რჩებოდა. ამ დროს მას ნაკლებად უნდა ემოძრავა. მისთვის სპეციალურად დაგებულ "სალოგინეზე" - ჩალაზე იწვა ან იჯდა. ეცვა ძველი ტანსაცმელი, ტანსაცმელს და "სალოგინეს" არ გამოიცვლიდა. მასთან წყალი და საჭმელი მესამრელოე ქალებს მიჰქონდათ.

სამშობიარო ქოხში ქალს ძალიან უჭირდა ღამის გათევა, ღამის სიბნელეში მარტო დარჩენა. ხევესურების რწმენა-წარმოდგენების მისედევით, ავი სულები მზის ჩასვლის შემდეგ აქტიურდებოდნენ - "მზენ რო გავლენ (მზე რომ ჩავა - ნ.მ.), როდესაც სთისშვილნიც (სალოცავები, ანგელოზები - ნ.მ.) მიიკრიფებიან თავის საბძანებელს, სამყუდროს (ე.ი. დაბინავებიან - ნ.მ.) და კაცნიც შინ შავლენ, რჩებათ ეშმაკთ ზეობა (თავისუფლება) და გამაიშლებიან (II; 100). როგორც ზემოთ აღვნიშნეთ, ხევესურეთში მშობიარე - "მექოსე" (სამშობიარო ქოხში მყოფი) და დედათწესიანი - "მეკარე" (კარს, გარეთ, ე.ი. სახლს გარეთ, სამრელოში მყოფი) ქალი უწმინდურად მიაჩნდათ და ითვლებოდა, რომ მათ სალოცავები, მფარველი ანგელოზები, აღარ იცავდნენ, როგორც ხევესური იტყოდა: "მექოსე და მეკარე დიაცს სთისშვილნი ხყონ წამკრთალნი (მოშორებულნი - ნ.მ.), ახლოს ვერ ვკარების, შორით კი ვერ აქეთ იმდენ ძალაი და შაძლებაი, რომ უფერი (ეშმაკი - ნ.მ.) დააშინოსო . ამიტომ, მათი წარმოდგენით, მშობიარესა და დედათწესიან ქალს ეშმაკი ძალიან ემტერებოდა და იმარჯვებდა კიდევ (II; 100).

აგრეთვე მიაჩნდათ, რომ მფარველი ანგელოზი სატში, სალოცავში "მიბარებამდე" ახალშობილს საერთოდ არ იცავდა. მიბარების რიტუალი ტარდებოდა ბავშვის დაბადებიდან 9 კვირის, ე.ი. დედისა და ახალშობილის საბოლოო განწმენდის შემდეგ 1 წლამდე და გულისხმობდა ბავშვის მამის საგვარეულო სალოცავისათვის მიბარებას, ამ სალოცავში მის პირველ განათვლას, მისთვის მფარველი, "მისი მცავი", "მასზე

მდგომ - მაყალი" ანგელიოზის მყარეულობის შინაქებას (IV; 126).

უნდა აღინიშნოს აგრეთვე, რომ სვესურეთში საგვარეულო სალოცავში მხოლოდ ვაჟების შიბარება ხდებოდა, ქალს ამ შემთხვევაში არ აქცევდნენ დიდ ყურადღებას (II; 164) და უმეტესწილად შიბარებდნენ ხასმატის ჯვარს, რომელიც ქალების მფარველ სალოცავს წარმოადგენდა (IV; 126).

აღნიშნული რწმენა-წარმოდგენები, რა თქმა უნდა, აძლიერებდა ღამის სიბნელეში სამშობიარო ქოხში განცალკევებული, ძალაგამოცლილი და ნერვებასუსტებული ახალნამშობიარები ქალის შიშის განცდას, რასაც ბუნებრივია, საკმაოდ არასასურველი შედეგი შეიძლება მოჰყოლოდა.

ეს კარგად ესმოდა ადგილობრივ მოსახლეობას და ქალის შიშის გასაწეობად სხვადასხვა საშუალებას მიმართავდა, რაც ძირითადად, მაგიურ-რელიგიური ფორმით იყო წარმოდგენილი. მაგ., როგორც აღვნიშნეთ, სამშობიარო ქოხში მშობიარეს თან აქონდა საგნები, რომლებიც სვესურთა წარმოდგენით ავ სულელებს აფრთხობდნენ, პირველ რიგში სპალი და სანჯალი, ამავე დროს უწმინდურ "შექოსე" ქალს, რომელსაც წესით ეკრძალებოდა სატ-სალოცავების და სხვართოდ ყოველგვარი წმინდას სხენებაც კი, ნება ეძლეოდა ღამე მიემართა ხასმატის ჯვარის, დედა მარიამის, გამჩენი ღმერთისთვის, რომ მიხთვის ავი და "მავნე" მოეშორებინათ, მშვიდობიანი დილა გაეთენებინათ (II; 100). ადგილობრივ მოსახლეობას ღრმად სწამდა, რომ სალოცავების სხენება ავ სულელებს დააფრთხობდა.

ცივ სამთარშიც კი, განსაკუთრებით იმ შემთხვევაში, თუ ქალს ვაჟი შეეძინებოდა, ახალნამშობიარებს "ეშმაკების დასაფრთხოებად" ღამეს უთევდა თავისი ოჯახის წევრი იარაღისმშული მაშაკაცი; მამამთილი, ქმრის ბიძა, ან ქმარი თუ ის ძალიან ახალგაზრდა არ იყო. მამაკაცი იმყოფებოდა ქოხის ახლოს, ისეთ მანძილზე, რომ ქალს მისი სმა გაეგო. თუ მამაკაცი არ დარჩებოდა, მაშინ სამრელოში მყოფი ერთი ან რამდენიმე დედათწესიანი ქალი ღამე სამშობიარო ქოხთან მივიდოდა და

მექოსე, ქალს ნახშირს გადასცემდა. ამავე დროს ნახშირს დაყრიდა სამშობიარო ქოსის ირგვლივ - ავ სულთა დასაფრთხობად. როგორც ცნობილია, ნახშირი, ცეცხლი ავ სულთა საწინააღმდეგო ეფექტურ საშუალებად ითვლებოდა. "შესამრელოე" ქალი "მექოსე" ქალს ეტყოდა - "ნუ დაშინდები, შეაღამეს კიდევ მოვალ და სამრელოში დაწულ (დამწვარ) ნახშირებს გადმაგიყრი ქოსის კარში" (II, 100). ე.ი. ამშვიდებდა - ღამე მარტო არ დაგტოვებთო.

ყოველივე ზემოაღწერილს, პირველ რიგში, ფსიქოთერაპიული ზემოქმედება ქონდა, რაც განსაკუთრებით ეფექტური იყო ადგილობრივ მოსახლეობაში საკმაოდ ღრმად გამჯდარი რწმენა-წარმოდგენების ფონზე. ამავე დროს სამშობიარებ ქალზე დადებითად მოქმედებდა ღამის სიბნელეში ასლობელი მამაკაცის თუ შესამრელოე ქალის სიასლოვის შეგრძნება. ყოველივე ეს, რა თქმა უნდა, ნაწილობრივ მაინც უქარწყლებდა მას შიშის განცდას და ამშვიდებდა.

სამშობიარო ქოსში ქალი მძიმე პირობებში იყო, აქ მას აწუსებდა სიცივე (ზამთარში), წყურვილი, წყლის დალევის ერიდებოდა - მუცელში წყალი რომ არ "ჩადგომოდა". განსაკუთრებით კი - ცივი წყლის დალევის, გაციების შიშით. მაგრამ ქალს ყველაფერი უნდა მოეთმინა: მშობიარობისწინა და შემდგომი ტკივილები, თვით მშობიარობა - ჩხე რომ ერთსეულ არ დაეკვნესა, როგორც აღვნიშნეთ, წყურვილი, სიცივე და ბევრი სხვა გაჭირვება. იტყოდნენ: "სწორედ აქ (ე.ი. სამშობიარო ქოსში) გამაჩნდების დიაცის მათმენა და გულადობა. ეს ას (არის - ნ.მ) დიაცის ფარიც და ხმალიც, თორემ დიაცს სხვა გაჭირვება არა მიადგების კარზე ისეთი, როგორც კაცებს ადგების მტრის ძალითაო" (II; 88). ამბობდნენ ასევე: ვაკაცსა ხმალი გამოცდის, დიაცსა ქოს-სამრელოო (XIII; 82).

ჭიპლარის გადაჭრის შემდეგ, დედა ბავშვს შეამოწმებდა - მახინჯი ხომ არ იყო, ხელი ან ფეხი ხომ არ ჰქონდა მოკლე და სხვა, რომ გაესწორებინა, ხანამ ბავშვს ძვლები რბილი ჰქონდა. ყოფილა ასეთი შემთხვევაც: დედას უნახავს, რომ

ასაღდაბადებულს ენის წვერი "ჩაბმული". ე.ი. მიხორცებული ჰქონდა - მას შესორცების ადგილი მაკრატლით ჩაუჭრია სათანადო ზომამდე. შემდეგ კი თავისი რძით მოუბანია. ბავშვი "ენის ადგმის" შემდეგ, სრულიად ნორმალურად ლაპარაკობდა (II, 125).

როგორც აღვნიშნეთ, ასაღდაბადებული სამი დღე ქალის ქონში ყოფნის დროს ძირითადად დედის უბეში იყო და დედა ძუძუს იქვე აწოვებდა. თუ რძეს (საწოვს) ბავშვი კარგად ვერ მოწოვდა, თვითონვე გამოიწყელიდა და მიწაზე დაღვრიდა, იტყოდნენ: მიწა საწოვს არ მოიტაცებს, საწოვი არ გაშრებაო. ეს შესედულება, როგორც ჩანს, მიწის ნაყოფიერების უძველეს რწმენას ემყარება.

შექოსე ქალს რაიმე განსაკუთრებულ საჭმელს არ აქმევდნენ. ცოტა მეტ ერბოს მისცემდნენ - ღონეს მოუმატებსო.

მშობიარობის შემდეგ ქალს ასმევდნენ ცხელ რძეს (საუკეთესოდ ითვლებოდა ცხენის რძე) - პირი აქვს გამშრალი და მოუსდებოო. შემდეგ კი უმეტესად დოსა და ყველის შრატს - "შიწოვარ" (მეძუქურ) ქალს "ტულს და პირს" და უღატობს, რაქსაც მოუმატებსო. საერთოდ ცდილობდნენ, რომ ქალს რძე არ გაშრობოდა, რადგან, როგორც თვითონ ამბობდნენ, "საწოვი თუ გაგიშრა, მემრ ყმაწვილი ფურის ზისცვარით (რძე) უნდა გაზარდო და ფურის ზისცვარით გაზრდილი ყმაწვილი არ ვარგა, არ იქნება კაცთფერიო" (II, 99). თუ რძე მაინც გაუშრებოდა, მაშინ ასაღდაკლულ თხის ტყავს ძუძუს მოჭრიდნენ, წყალში დაალობდნენ, ბოთლს "თხის ძუძუს" - "დვალს" (საწოვარა) წამოაცვამდნენ და ბავშვს რძეს ამ ბოთლით ასმევდნენ.

საერთოდ ძუძუს წოვების რეჟიმი ზვესურვითში, ასევე, როგორც მთელ საქართველოში, თავისუფალი იყო - "დედა ბავშვს ტირილისთანავე ძუძუს აჭმევდა, ძუძუთი აძინებდა და ძუძუთი ართობდა" (II, 124). ოღონდ ცდილობდნენ, ჩვილს ღამე არ ეჭამა - ღამე მშვიდი ძილი უნდა ჰქონოდა, ხშირად არ უნდა გაღვიძებოდა და არ უნდა ეტირა. თუ ბავშვი ღამე ტიროდა, ცუდის ნიშანი იყო რა ხულებს, ეშმაკებს დააბრალებდნენ და

სალოცავს - ჯჯარს "საკლავებს შეუსახელებდნენ", ე.ი. შესაწირავს დაპირდებოდნენ.

დაბადებიდან მესამე დღეს კი დედა შვილს წმინდა სორბლის, იშვიათად ქერის პურის ნამცეცხვს ჩაუდებდა პირში - "სთის ნაწილს შეაქმევდა" - ითვლებოდა, რომ "სთისგან განჩენილი". "სთისგან განჩენილ პურშიაც და კაცთაშიაც" არ უნდა ყოფილიყო "წილუდებელი". ხვესურების წარმოდგენით, მსოლოდ ამის შემდეგ ჩაუდგებოდა ემაწვილს "კაცთფერი სისხლი", "მეცემოდა - ფერ-სორცი".

როგორც აღვნიშნეთ, სიძი დღის შემდეგ ქალი სამშობიარო ქოსიდან სამრელოში გადადიოდა. ტანს დაიბანდა, ტანსაცმელს გამოიცვლიდა, სალოგინე ჩაღას ქეებს დააყრიდა ან დაწვავდა და მსუბუქად ნაშენებ ქოსს "ქერსაც ზედ დააქცევდა", ე.ი. ქოსს დაანგრევდა. ქოსში ნაცვამ უწმინდურ ტანსაცმელს მდინარეში გარეცხავდა, რიყეზე დააფენდა და იქვე დატოვებდა. აღსანიშნავია ის ფაქტიც, რომ ქოსიდან სამრელოში ქალი და ბავშვი აუცილებლად მზის ჩასვლის შემდეგ უნდა გადასულიყვნენ. სამრელოში გადასვლის წინ, ქალი ბავშვსაც დაბანდა - ახალშობილს ცალ ხელზე გადაიწვენდა "ხელზე გადაიკიდებდა", სასლიდან მოტანილ თბილ წყალს პირში დაიგუბებდა და ჩვილს პირიდან ასსამდა, მეორე ხელით კი ბანდა, ამავე წესით შეასურებდა მას "იაზმას", ოჯახიდან გამოვზავნილ ნაკურთს წყალს (III; 249). უფრო გაბედული დედები ბიქს ცივ წყალსაც გადაავლებდნენ - მაგარი გამოვართ. ასე აბანავებდნენ 4-5 თვემდე, ხანამ დაჯდომას შეძლებდა, დაჯდომას კი ორი თვიდან ასწავლიდნენ. ირგვლივ რბილ ნაქრებს ან ჩაღას დაუდებდნენ და ცოტა ხნით, მაგრამ ხშირ-ხშირად დასვამდნენ სოლმე, საერთოდ კი ბავშვს ხშირად არ აბანავებდნენ, განსაკუთრებით თავის დაბანას ერიდებოდნენ, გაციების შიშით, თავზე კარაქს უხვამდნენ და ფროთსილად ჩამოვარცხნიდნენ, ხანამ თავის ძელები - საფეთქლები არ ეაუმაგრებოდა, ე.ი. ყოფლიბანდი არ შეეკვრებოდა. დაბანის შემდეგ ჩვილს ტანს კარაქით "გაუპოხავდნენ" "სორცს დაურბილებსო". დაბადებისთანავე ბავშვს ასურავდნენ მატყლის

რბილი ძაფისაგან მოქსოვილ შალის ქუდს. ატყევედნენ შალის წინდებს. მექოსე ქალს ხამრელოში გადასვლის შემდეგ. მოგვარეება და მოკეთებები აკითხავდნენ და მორიგეობათ მოაქონდათ საქმელი. უმეტესად ხავიწიანი ქადა და კუბატი (ნასვეარსფეროს ფორმის ნამცხვარი) (XXIII; 213).

ორი კვირის შემდეგ ნამშობიარები ქალის ოჯახში ტარდებოდა განწმენდის რიტუალი "სახლის სანათლავე". ამ დროს იკვლებოდა საკლავი სახლის ანგელოზის სახელზე. მოაყვდათ ხუცესი (სალოცავის მთავარი მსახური). რომელიც ხასლის ბანზე თავს მოსქრიდა საკლავს - "სანათლავს" და იტყოდა: "ამითამც დიდი ხარ სახლის ანგელოზო. ამითამც მაგეცემის ძალაი და შეძლებაი, ამითამც გეძლევის სიწმინდე. ხიწირფლე. ნაზღობი (ძღვენი) მიიღი. დალოცვილო. შამაწირული შაიწირი სახლს. სახლის ჯაღლაფხ. საქონს (საქონელს). კაცო. საქონის ნაწველს. ხარის ნახნავს. კაცის ნამუშევარს, ბარაქა მიეც. შინ მანეს, მაცილს (ავ ხუელს) რუ შამაუშევე. აყად მარხე (ცუდი საქმე) გაარიდი, მარცხით ბირკალი აარიდი დალოცვილო სახლის ანგელოზო. სახლს. კაცს და საქონს. შინ მყოფს. გარეთ ნამყოფს ჯვარი დასწერი. აყად მარხე აარიდი. კა (კარგი) საქმე უმარჯვი. სახლი ბედით და დაეღათით (დოვლათით) აავსი, სახლს წადმ დაადექი. დალოცვილო. კაცთაც. საქონთაც მანე. უფერი (ეშმაკი, ავი ხუელი). მამორი, ამ სახლში სულდგმული. კაციდ და საქონი შენ ვბარავა (ვაბარია) დალოცვილო. შეს ინიბარას (ანიბარას) არიან, შენ მამავძისან ყამს და უეიმოს. კა თუალ გული დიაქირი რუ ვაუუბარაქობ (ბარაქას რუ მოაკლებ) საქონს, ნაქონს. ამ სახლში დიდო სახლის ანგელოზო კაცნი ამრავლენი, წულისწული მიუმატეო და ხსე. (II; 129). ხუცესი საკლავს ყელს რომ გაშოსქრიდა, იქვე მდგომი მამაკაცი საკლავის სახლთით გააყსებდა ორ ჯამს და ერთს ბანიდან მოშორებით მღვომ დედაკაცს მიაწოდებდა, რომელიც ამ ჯამს "მექოსე". ნამშობიარებ ქალს წაუღებდა გასანათლავად. განათოლა ხამსხვერპლო საკლავის სახლთით განწმენდას გულისხმობდა (IV; 127). სოლო მეორეთი სახლს განათლავდა - ერთ ხელში

დაიჭერდა სისხლით საესე ჯამს და მეორე სელში ბალახის ან ჩაღის პატარა კონას, რომელსაც სისხლში დაასველებდა და მოაპკურებდა სახლის ყველა კუთხე-კუნჭულს. სისხლით განათლავდა ასევე ყველა იმ ადგილს, სადაც "თევში ჩამდგარ" ქალს სამშობიარო ქოხში წასვლამდე უხდებოდა მისვლა-მოსვლა.

საკლაეის სისხლით საესე მეორე ჯამი კი, როგორც აღვნიშნეთ, მიჰქონდათ სამრელოში და იქ ხდებოდა ნამშობიარები ქალისა და ბავშვის, მათი ყველა ნივთის თუ ტანსაცმლის განწმენდა-განთვლა. ამავე დროს სახლის სანათლაეის რიტუალის წინ, როგორც წესი, ქალის ცუცასის წვერები, ახალნამშობიარები და ახალშობილი აუცილებლად უნდა განბანილიყვნენ, სუფთა ტანსაცმელი ჩაცვათ, ბავშვის სალოგინე ჩალა გამოეცვალათ.

სახლის სანათლაეის რიტუალთან ერთად, ქალის ოჯახში ტარდებოდა ე.წ. *ქელებზე ასხმის* რიტუალიც, რომელიც, როგორც ჩანს, უშუალოდ ოჯახის წევრების მფარველი ანგელოზისადმი იყო მიმართული. ნამშობიარები ქალის დედაპთილი ან ოჯახის წევრი რომელიმე ქალი გამოაცხობდა ქაღებს. ოჯახის თითოეული წევრი ზღვრზე დაიჭერდა ქაღასა და ანთებულ ხანთელს (ან უსოლოდ ხანთელს, ქაღები კი ტაბლასზე - მაგიდაზე ეწყო). ხუცესი ან ოჯახის უფროსი მამაკაცი გაადიდებდა (დიდებას ეტყოდა) ოჯახის წევრების მფარველ ანგელოზებს და სალოცავს მოიხსენიებდა, უმცროსი მამაკაცების შემდეგ კი ქალების მფარველ ანგელოზებს გაადიდებდა, ეტყოდა: ღმერთმა გადიდას, ღმერთმა გაგმარგვას, ამაზე მდგომო, ჭვალო (უკ. მფარველო) ანგელოზო (სელოთ აწკინებდა ოჯახის იმ წევრზე, რომლის ანგელოზს თუ სალოცავს გაადიდებდა). ამითაშც დიდი ხარ, ამითაშც ძლიერი ხარ, ამითაშც გაქვს სიწირფლე თუ რა ღრებელი გქვს ამითაშც გესდებისო (II, 138).

ოჯახის წევრებთან ერთად ორივე რიტუალში მონაწილეობდა მშობიარის "დამხმარე ქალი" და ხდებოდა მისი განათვლა-განწმენდაც. რადგანაც იგი, როგორც თვით

მშობიარე. განათვლამდე უწმინდურად ითვლებოდა.

ამგვარად, მშობიარობიდან ორი კვირის შემდეგ, ქალის ოჯახში ტარდებოდა *სახლის სანათლაის* და *ხელებზე ასხმის* რიტუალები. მათგან, პირველი სახლის ანგელოზისადმი იყო მიზართული, ხოლო მეორე ოჯახის წევრების მყარეული ანგელოზებისადმი და სახლის, ოჯახის წევრების, პელოგინისა და მისი დამსმარე ქალის განწმენდას გულისხმობდა.

ამ რიტუალების ჩატარების შემდეგ ნამშობიარები ქალი "საწმინდარში გავიდოდა". ეს იმას ნიშნავდა, რომ ქალი ნაწილობრივ განწმენდილი იყო. სამრელოში შესული ახალნამშობიარები ქალი ორი კვირა, მესამრელოე ქალებზე უფრო უწმინდურად ითვლებოდა. მას მესამრელოე ქალები არ ეკარებოდნენ. იგი სამრელოს კარებთან გარცალკეებით იწეა ან იჯდა. შემოაღნიშნული რიტუალის ჩატარების, ე.ი. "საწმინდარში გასვლის" შემდეგ ნამშობიარები ქალი ნაწილობრივ განწმენდილი იყო. იგი უკვე, თუ შეიძლება ასე ითქვას, სიწმინდის ხარისხით მესამრელოე ქალების დონეზე ადიოდა. მესამრელოე ქალებს მასთან ურთიერთობის ნება ეძლეოდათ. ამავე დროს მას უკვე უფლება ჰქონდა შეხებოდა მამაკაცის ნივთებსა თუ ტანსაცმელს (შეეკერა ან მოექსოვა და სხვა), რაც ორი კვირის მანძილზე, საწმინდარში გასვლამდე ეკრძალებოდა. შეეძლო გასულიყო სამკალსა და ხათიბში თუ ეს აუცილებელი იყო. მაგრამ არა სალოცავის ასლომასლო ტერიტორიაზე და სხვ.

სამრელოში ბავშვი დედის უბეში აღარ იწეა. აქ მას "კორნეს" მოუმზადებდნენ (იშვიათად აკვანს). კორნე ახალდაბადებული ბავშვისთვის სპეციალურად მომზადებული წნელისაგან მოწნული დაბალი, მოგრძო, უსახელურო საწოლი იყო. კორნეს ძირი ბრტყელი ჰქონდა და არ ირწეოდა. შიგ "ნასეკრამდე" რბილი ჩალა ეგო. კორნეში ხიჩონში შეხეულ ბავშვს ჩააწევენდნენ. ხიჩონი, როგორც აღვნიშნეთ, მსხვილი მატყლის ძაფისაგან, მჭიდროდ, ნაქსოვი ქსოვილია, ერთი გრძელია, მეორე შედარებით მოკლე. გრძელ ხიჩონში ბავშვი გულმკერდამდეა გახვეული. მოკლე კი გულმკერდზე აქვს

შემოხვეული. შესევის შემდეგ სიჩონებში გასვეულ ბავშვს ძაფებით შეკრავდნენ. ე.ი. მატყლის გრძელ ძაფებს გადაახვევდნენ სიმაგრისათვის. კორნეში ბავშვს თავი აღმოსავლეთისაკენ უნდა ქქონოდა თვალებით დასავლეთისაკენ უნდა ეყურებინა. ჩაწვენის და ამოყვანის წინ დედა ეტყოდა: "ჯვარიმც გწერავ ცხრაჯერ ცხრა წმინდის ვიორგის დაწერილიო". კორნეს ქვეშ სძალს ან ხანჯალს ჩაუდებდნენ. თავსა და ფეხქვეშ ნახშირს ამოუდებდნენ, ავი სულებისა და ავი თვალისაგან დასაცავად. სამრელოში ყოფნის შემდეგ ქალი სახლში გადადიოდა.

როგორც ვ. ბარდაველიძე აღნიშნავს: "მელოგინე "საშინაო" ხდება (ე.ი. სახლში დაბრუნება შეუძლია, ნ.მ.) მხოლოდ მას შემდეგ, რაც ის ერთ თვეს, ან ექვს კვირას დაჰყოფს სამრელოში, ისიც იმ მომენტიდან, როდესაც ჩაატარებს ვ.წ. "მატუსეას", "შაფს-ეკებას" და "გადმოწეპას"... როდესაც ქალი თავის ქმარ-შვილის ბინაში ბრუნდება, სამრელოში გაკეთებული ხელსაქმე მან უნდა ცეცხლზე გადაატაროს სიტყვებით: "ცეცხლო, შენ სიწმინდე მიეცი" ("მატუსეა"), შემდეგ გარეთ გამოატანოს და დაბერტყოს ("გამოწეპა") და, უკანასკნელად, პირით წყალი შეასხას ("შაფს-ეკება"). ყველაფერი, რაც ქალთან ერთად სახლში ბრუნდება (აკვანი, კორნე, ჯამი, რკინეული და სხვ.), განიწმინდება თავისი ბავშვით და ბარგით ქალი ქმრის ოჯახში ხელამო ხანს, მზის ჩასვლის შემდეგ შედის (V; 250).

ამავე დროს ქალის ოჯახში იწვევენ ხუცესს. ქალის სათაენოდან (ქალის კუთვნილი საქონელი) იკვლება საკლავი - ცხვარი ან ხბო და ხდება ქალის სახლის და მისი ოჯახის მორიგი განათვლა (XIII; 184). ამ რიტუალში მთავარი მელოგინის განათვლა იყო. ხუცესი სახლის ბანზე ცხვარს დაკლავდა, ცხვრის ხისხლს მელოგინეს ხელებზე გადაავლებდა და "შუბლზე და გულ-მხარზე ჯვარულად წააცხებდა", ჯვარს გამოუსახავდა (XIII; 184).

აქვე აღვნიშნავთ, რომ ქალს განათვლის შემდეგაც არ ქქონდა ჭერხოში ასვლის, ე.ი. საკრალურთან ურთიერთობის

უკლება, რაც მას მსოლოდ 9 კვირის შემდეგ ეძლეოდა.

სახლში გადასვლის შემდეგ ჩვილს აკევანში ჩააწვენდნენ. აკევანში, ისევე როგორც კორნეში, ჩაწვენის დროს იტყოდნენ: ჯვარიძე გწერავ ცხრაჯერ ცხრა წმიდის გიორგის დაწერილიო. ხვესურული აკვანი* უშიბაქოა, შეკრულია ოთხი კარგად გამოთლილი ფიცრისაგან, ორი მოგრძო ფიცარი გვერდისაა, მოკლე კი "თავ-ფეხითისა". ფიცრებს ძირებს გაუთლიდნენ, ე.წ. "საგოგებს" - ფეხებს გაუკეთებდნენ, რომ აკვანი კარგად დარწეულიყო. "თავ-ფეხის ფიცრებს" ზედა მომრგვალებულ ნაწილში გახვრეტდნენ და აკვნის "ულელს" -სახელურს გაუყრიდნენ. გვერდის ფიცრებს ძირში რამდენიმე ადგილას გახვრეტდნენ და პატარა ჯოხებს გაუყრიდნენ, რაზედაც ორ მოგრძო ჯოხს ჩამოკიდებდნენ. ჯოხებზე კი მსხვილი ძაფისაგან დაწნულ "გადასაკრავს" დაამაგრებდნენ, რაც არტასის ფუნქციას ასრულებდა. აკევანში ჯერ ხის რამდენიმე წერილ ტოტს დადებდნენ, შემდეგ შვრიის ან ქერის რბილ ჩაღას ჩააფენდნენ, მერე სიჩონებს გადააფარებდნენ - პირველად აკვნის სიგრძეზე გრძელ სიჩონს დააფენდნენ და ბავშვს ფეხებიდან მთელ ტანზე შემოსხვევდნენ, მერე გულ-მკერდის სიჩონს გადააფარებდნენ ორივე მხრიდან და ხელებს დაუმაგრებდნენ. თუ სამთარი იყო, ზევიდან ბატკნის ტყავს დაახურავდნენ, შემდეგ კი გადასაკრავს "დაახლართავდნენ". ე.ი. გადასაკრავს გადააკრავდნენ, რომ ბავშვის ხელ-ფეხს არ ემოძრავა და ძილი არ დაფრთხობოდა.

უნდა აღვნიშნოთ, რომ ხვესურები ბავშვს ფეხებს არ "გაუკოჭავდნენ", ჩვილი აკევანში ფეხებგამლოლი იწვა. აკვნიდან ხშირად ამოიყვანდნენ, ბავშვი უნდა "გაიშალოს - ამოძრავდესო". ჩვეულებრივ აკვნის ფეხზე თოკი იყო გამოძმული და, როცა დედა სელსაქმობდა, აკვანს თოკით არწევდა.

* გამოთქმულია მოსაზრება, რომ ხვესურული აკვანი, საქართველოში XIII ს-მდე აღმოსავლეთის მომთაბარე ტომების მიერ შემოტანილი აკვნის დამკვიდრებამდე გავრცელებული ბავშვის საწოლის მსგავსი იყო (X, 27).

აკვანში ჩაგებულ სალოგინეს ხშირად ცვლიდნენ, სიჩონს კი არა. როცა დასველდებოდა, რბილ ჩვრებს შეუფენდნენ სოლმზე. აკვანზე ჩამოკიდებული იყო: ურძნის ხის (*Viburnum lantana L.*) მძივები და სხვადასხვანაირი შელოცვილი სამკაულები ავი თვალის საწინააღმდეგოდ, ღორის კბილი, არწივის ფესი კი - ავი სულების დასაფრთხობად. ამავე მიზნით აკვნის ქვეშ იდო ხანჯალი, სმალი ან თოფის ტყვია, ბავშვს თავსა და ფეხებქვეშ კი ნახშირი პქონდა ამოდებული.

დედა ჩვილს ძუძუს უმეტესად აკვანში აწოვებდა ხან ერთი მხრიდან, ხან მეორედან, ჩვილს თავი რომ არ გამრუდებოდა და თვალეები არ დაელმებოდა; განათება უკანა ან მხოლოდ ცალ მხარეს რომ არ პქონოდა აკვანს ხშირად უცვლიდნენ ადგილს, რადგან, მათი შეხედულებით, ბავშვს თვალეები სინათლისკენ "გაერბოდა", თუ უკნიდან ექნებოდა სინათლე თვალეები შუბლისაკენ "წაუვიდოდა", სოლო თუ მხოლოდ "ცალ გვერდზე". ე.ი. ერთი მხრიდან - თვალეები მხოლოდ ამ მხარეს დაუფიქსირდებოდა და გამოიწვევდა სიელმეს, როგორც თვითონ ამბობდნენ "თვალეების გამრუდებას". რასაც იწვევდა აგრეთვე ბავშვის თავის გაცეება. მას მხოლოდ "თავის სითბოთი" მკურნალობდნენ - ტყვიასა და სანთელს ერთად გადაადნობდნენ და ბავშვის თხემის ძვლის ახლოს, ცხვირის მიმართულებით "ჩამოასხამდნენ", ისეთ მანძილზე, რომ ეს პროცესი ბავშვის თხემის ძვალთან ახლო ყოფილიყო ოღონდ კანს არ უნდა შესებოდა. შესაძლებელია, სითბური მოქმედების გარდა, ერთად გადადნობილ ცხელ ტყვიასა და სანთელს გარკვეული ხანის გამოსხივება პქონდა და დადებითად მოქმედებდა ახალშობილზე. იცოდნენ აგრეთვე ოდნავ ცხელი ხავიწის (ერბოში მოხარშული ფქვილის) ბავშვის საფეთქლებზე დადება ხაფეთქლებს ჯერ რაიმე ჩვარს დაადებდნენ, შემდეგ ხავიწს და თავს შეუსხვევდნენ. ეს თვალეების გამრუდებას მკურნალობის უებარ ხაშუალებად ითვლებოდა.

ბავშვს თუ "ლაჯები" გამოეწვებოდა - "გამოეყვლებოდა"

დედის რძეს ან კარაქს, ძალიან დამწვარზე კი კარაქში აზელილ ნახშირის ფხვნილს წაუსვამდნენ სოლმე.

როგორც თანამედროვე ლიტერატურიდან ცნობილია, ბავშვის აკვანში გაზრდა მიზანშეწონილი არ არის*. აკვნის მთავარი ნაკლი იმაში მდგომარეობს, რომ ბავშვი აქ მჭიდროდ შეიწვეული, მაგრად გაკრულია, გაშლილად და ლალად არ წევს. თავისუფლად ვერ მოძრაობს, თუმცა, როგორც აღვნიშნეთ, სვესურულ აკვანს ამ მხრივ გარკვეული უპირატესობა აქვს. ბავშვი მსუბუქად არის შეხვეული და შედარებით თავისუფლად მოძრაობს.

მიუხედავად აკვნის ზემოაღნიშნული უარყოფითი თვისებებისა, იგი მაინც პოპულარული იყო საქართველოს მოსახლეობაში და ალბათ ამას თავისი მიზეზები ჰქონდა. პირველ რიგში ის, რომ აკვანში ჩაკრულ ბავშვს დედა ადვილად უვლიდა. ბავშვი აკვნიდან არ გადმოვარდებოდა, აკვნის გადაბრუნების შემთხვევაშიც კი იგი რამდენადმე დაცული იყო. ბავშვის შალის გადასასხვევი - სიჩონი სისველეს კარგად ატარებდა და ნაკლებად ინარჩუნებდა. ბავშვის დაძინებასაც დედა ისე ასერსებდა, რომ სამუშაოს, მაგ. სელსაქმეს არ მოსცდებოდა და სხვ. განსაკუთრებით აღსანიშნავია ის ფაქტი, რომ აკვანი გარე სამუშაოების დროსაც სამკალში თუ სათიბში დედებს თან დაჰქონდათ. როგორც ვაჟა-ფშაველა აღნიშნავს: "სიცხე-პაჰანაქებაში ხშირად პნასავთ ფშაყლის დედაკაცს საღმე ფერდობში ყანას მშვიდეს გაცხარებული, სოლო იქვე პალოებზე აკვანი იყოს მიბმული, რაშიც ბავშვი წევს ხის ტოტებით დაჩრდილული, მოსაგრილებელი" (IX: 351).

სწორედ ეს უკანასკნელი გარემოებანი, როგორც ჩანს, ამსუბუქებდა აკვნის ნაკლს და განაპირობებდა მის პოპულარობას ქართველი ხალხის ყოფაში.

ამგვარად, ჩვენ განვიხილეთ მშობიარობასთან დაკავშირებული წეს-ჩვეულებები სვესურეთში, ხადაც

* აღნიშნულ ხატიბზე ის. (XI).

აშკარად ჩანს როგორც უძველესი რელიგიური პლასტები, ისე შემდეგი ხანის დანაშრეკები.

პირველ რიგში ყურადღებას იმსახურებს ქალის მშობიარობა მიწაზე, ჩალაზე, რომლის უპირატესობა ერთ-ერთი სვესურულ თქმულებაშია ახსნილი. ამ თქმულების მიხედვით, საღამოს შინ დაბრუნებულ დაღონებულ მზეს მზის დედა დარდის მიზეზს ეკითხება. მზე უპასუხებს, რომ დაადარდიანა მშობიარე ქალმა, რომელიც სამი დღე წვალობდა, მაგრამ შვილს ვერ აჩენდა. აღმოჩნდა, რომ ხალხით გარშემორტყმული ქალი მშობიარობდა "გაკირულ" ე.ი. შელესილ სასლში, ოქრომკვდით ნაქსოვ ხალიჩაზე, მზის დედამ ძნელად მშობიარობის მიზეზად სწორედ ეს ჩათვალა და შვილს ასწავლა ქალი როგორ მოქცეულიყო: "მშობიარე ქალს ის უშველის, რომ რიყეზე აუშენონ "ღორღის ქოხი" (წვრილი ქვის ქოხი) ზედ ჩალით გადასურონ, ქვეშაც ჩალა გაუშალონ. ქოხში მარტო მშობიარე ქალი შავიდას სხვა ნურვინ შესყვების და ქალი ჩალაზე მუხლის კვერებით (მუხლის თავებით - ნ.მ) დაჯდას და მაშინვე გაუჩნდეს შვილიო (II; 12).

მდიდარი ეთნოგრაფიული მასალის და ჩვენ მიერ შემომოყვანილი სვესურული თქმულების ქართლ-კასური ვარიანტების განსილვის შედეგად, ვ.ბარდაველიძემ დაასკენა, რომ მიწაზე მშობიარობა გავრცელებული იყო მთელ საქართველოში და არა მარტო დაბალ სოციალურ ფენებში, არამედ არისტოკრატიულ წრეებშიც, რის საბუთად მიაჩნია ვახტანგ ბატონიშვილის შემდეგი ცნობა: "რა ჟამს განთავისუფლდეს ქალი იგი და იშვას ყრმა... *დღესა მესამესა* ჟამსა ბინდისასა შეაწვენენ ქალს ტასტსა ზედა..." (VII; 18-19).

ვ. ბარდაველიძის აზრით, "ქალი თავის ურთიერთობაში მიწასთან მეტად ახლო დგას, რომ ის დედა-მიწის ღვთაების წინაშე, თუ შეიძლება სვესურული გამოთქმა ვისმართო, წილნაყარია". ამავდროს იგი შესაძლებლად თვლის საქართველოში დამოწმებული მშობიარობის წესების კავშირს დემეტრას კულტთან (II; 272).

მნიშვნელოვანია ერთი ფაქტი - წმ. ნინოს ცხოვრების ამსახველ ქართულ წერილობით წყაროებში ("მოქცევაჲ ქართლისაჲ", "არსენ ბერის თხზულება" და სხვ.) შემონახულია ერთი ცნობა, რომლის მიხედვით სამეუფეო სამოთხის მცველ ცოლ-ქმარს (ანასტოსსა და მის მეუღლეს) შვილები შეეძინათ მხოლოდ სამეუფეო სამოთხის "ნაძუთა ქუეშე ბაბილოთა" შვილიერების მიმცემა მიწის ჭამის შემდეგ. ნ.ხაზარაძის აზრით: "ამ ცნობაში ასახულია, როგორც მიწისაგან ადამიანის შესაქმისა და მიწითა და წყლით ნათლისღების შესახებ არსებული თვალსაზრისები. ასევე დედამიწის კულტთან დაკავშირებული ქართველთა უძველესი რწმენა-წარმოდგენები" (XXIV; 59).

ირ. სურგულაძე აღნიშნული საკითხის შესახებ წერს: "ქართველთა წარმოდგენით, მიწა დედურ საწყისს განასახიერებს, ეს მოდელი ორიგინალური არ არის და თითქმის სრული სიზუსტით მეორდება მთელ ძველ სამყაროში, ანალოგიური ვითარება განსაკუთრებით თვალნათლივ ჩანს ბერძნულ მითოლოგიაში, ქალისგან ყრმის შობა გაიგივებული იყო მიწისაგან ნაყოფის შობასთან (XVIII; 82).

ამგვარად, მიწაზე მშობიარობის უძველესი წესი, რომელიც შემდგომ პერიოდში ტრადიციად იქცა, ხევსურეთში დასტურდება მითოლოგიური სიუჟეტით. საინტერესოა, რომ საქართველოს სხვა კუთხეებში, იქ, სადაც ქალი მიწაზე აღარ მშობიარობს, მაინც აქტიურია მიწის სიმბოლიკა სამშობიარო ადგილზე. მიწის დაყრის ან ჩალის დაფენის სახით მშობიარობის ტრადიციულ წესებში. მიწაზე მშობიარობა ერთ-ერთი უძველესი პლასტია და მიწის დედურ საწყისთან. მიწის ნაყოფიერების რწმენასთან არის დაკავშირებული.

როგორც აღვნიშნეთ, მშობიარობის დროსა და მშობიარობის შემდეგ ხევსურული რწმენა-წარმოდგენების მიხედვით ქალი უწმინდურია. აქ გარკვეული მნიშვნელობა ენიჭება აგრეთვე ადგილობრივ კოსმოგონურ წარმოდგენებს, რომლის მიხედვით სამყარო ვერტიკალურ ჭრილში

წარმოადგენს ზეკნელს ანუ ზეცას, ღვთაებათა სამყოფელს, ქვეკნელს - საიქიოს, შავეთს - ავ სულთა და უწმინდურთა სამყოფს და სკნელს - სამზეოს - ადამიანთა, ცხოველთა, მცენარეთა - სამყაროს (XIX; 82).

პორიზონტალური სამყარო კი წარმოადგენს "გარეს" - ქაოსურ მოწესრიგებულ სივრცეს - უწმინდურთა და ავ სულთა სამყოფს, ლა "შინას" - მოწესრიგებულ ადამიანთა საზოგადოებას, ცხოველებისა და მცენარეების სამყაროს (XVIII; 134).

"შინა" სოციალური ფგუფისა და ინდივიდის საარსებო მოწესრიგებული სივრცეა, რომელიც ისევე უპირისპირდება "გარეს", როგორც კოსმოსი-ქაოსს. "გარეს" გააზრებაში შენარჩუნებულია "ქაოსური" ბუნება და ამიტომ თუ "შინა" საკრალური და წმინდაა, "გარე" შეიძლება უწმინდური და მავნე იყოს (XVIII; 134).

მშობიარე ქალი, როგორც უწმინდური, "შინადან" - "გარე" სამყაროში - უწმინდურთა სამყოფში გაყდადის და მის უკან დაბრუნებას - "შინ მობრუნებას" გარკვეული დრო (40 დღე) სჭირდება*.

ამ პერიოდში ხდება ქალის განწმენდა ეტაპობრივად. ხამი დღე მშობიარობის შემდეგ, როდესაც ქალი სამშობიარო ქოხშია, ყველაზე უწმინდურად ითვლება. მას ეკრძალება შინა სამყაროსთან თითქმის ყოველგვარი ურთიერთობა. განსაკუთრებით კი შეხება საკრალურთან. არ შეუძლია ასხენოს სალოცავის, წმინდანის სახელი, იშვიათად, მხოლოდ განსაკუთრებული გაჭირვების დროს. საშველად შეუძლია მიმართოს ხახმატის ფვარსა და დედა მარიამს (II; 98).

ბავშვის დაბადების დღეს, ქალი თვითონ გადაივლებს წყალს, დაიბანს ტანს, მესამე დღეს კი კვლავ განიბანება თვითონ და აბანავებს ბავშვს, გადაივლებს ნაკურთხ წყალს თვითონ და

*ქალის ნაშრელოდან ხახლში გადასვლის დრო ხხვადხხვა ავტორის მონაცემების მიხედვით მურყეობს 4-დან 6 კვირამდე. ფეოქრობით, რომ ეს დრო, ისევე როგორც მთელ საქართველოში 6 კვირით უფრო სწორად 40 დღით განისაზღვრებოდა, რომელიც ქალის საოჯახო საქმიანობაში ადრეულად ჩართვის მიზნით ზოგჯერ ირღვეოდა.

გადააწვებს ბავშვსაც, ე.ი. ატარებს თავის განწმენდის ზეგონს და ბავშვის განწმენდის პირველ რიტუალს. წვავს სალონიკის ჩაღას, მდინარეში რეცხავს ტანსაცმელს, რომელსაც იქვე რიყეზე ტოვებს და ბოლოს ქოხსაც "ჩამოაქცევს". დაანგრევს.

საინტერესოა, რომ მენსტრუაციის მქონე უწმინდურ, მირეულ ქალს, ზევსურეთში "გარეთ მყოფს" უწოდებენ, რაც მიუთითებს, რომ იგი ამ პერიოდში გარე სამყაროს მკვიდრია. ამ კუთხით საინტერესოა ძველი ქართული ტერმინი "გარეშე მჯდომელი", რომელიც ილ. აბულაძის განმარტებით, "დედათა წესის მქონეს ეწოდება"(1).

როგორც ცნობილია, წარმოდგენა მენსტრუაციის მქონე, მშობიარე და მულოგინე ქალის უწმინდურობის შესახებ უძველეს და ფართოდ გავრცელებულ რწმენა-წარმოდგენათა რიგს განეკუთვნება. ასევე არქაულია ამ პერიოდში ქალის იზოლირების წესი, განსაკუთრებით საყურადღებოა ის ფაქტი, რომ ზემოაღნიშნული ბიბლიურ ტრადიციასაც წარმოადგენს. უწმინდურობის პერიოდში, ე.ი. მენსტრუაციის დროს და მშობიარობის შემდეგ 40 დღის (ვაჟის გაჩენის შემთხვევაში) და 80 დღის (ქალის გაჩენის შემთხვევაში) მანძილზე ქალი იმყოფებოდა ე.წ. "განწმენდის ხისხლში".

1. ელაპარაკა უფალი მოხეს და უთხრა:

2. ელაპარაკე ისრაელიანებს: თუ დედაკაცი დაორსულდება და ვაჟს გააჩენს, შობის შემდეგ შვიდ დღეს უწმიდურია იგი. როგორც წიფოვანების დროს, ისე უწმინდურდება.

3.

4. ოცდაცამეტი დღის მანძილზე უნდა დარჩეს ქალი განწმენდის ხისხლში; წმიდას არაფერს შეეხოს, არც ტაძარში შევიდეს, ვიდრე განწმენდის ვადა არ გავა.

5. თუ გოგო შვა, ორ კვირას იქნება გაუწმიდურებული, როგორც წიფოვანების დროს. ხამოცდაექვსი დღის მანძილზე

უნდა დარჩეს განწმენდის სიხსლში (VIII, ლევიანნი 12: 1-5)*.

ამგვარად, მშობიარობის შემდეგ ქალი ისოლირებული იყო, განსაკუთრებით პირველი 7 დღე, როდესაც იგი ისევე უწმინდურად ითვლებოდა, როგორც მენსტრუაციის დროს. გამორიცხული არ არის, რომ ამ პერიოდში ქალი ხასლის გარეთაც ყოფილიყო, თუ გავითვალისწინებთ იმ ფაქტს, რომ დედათწესიან ქალს *გარეშე მკედომელიც* ეწოდებოდა (I, ე.ი. გარე სამყაროს მკვიდრად იყო მიჩნეული).

საყურადღებოა, რომ სულხან-საბა ორბელიანი, სახლის დეფინიციის დროს, გამოყოფს სამშობიარო ხასლს, რომელსაც კეიტონს უწოდებს. "კეიტონ - არს ხასლი (იქ სადა დედანი შეიღთა შობენ, გინა ხასლი ხალხინო) (XVI), ეს ტერმინი ბერძნულია და საწოლს, საწოლ ოთახს ნიშნავს. უნდა ვიფიქროთ, რომ აქ იგულისხმება საწოლი ოთახი, ხადაც ქალი მშობიარობდა. მაგრამ სულხან-საბა კეიტონს სახლად, ცალკე ნაგებობად მიიჩნევს. ეს უკვე განსხვავებულ აზრს ბადებს და მომავალი კვლევის საინტერესო პერსპექტივას ხასავს.

სამშობიარო ქოსის შემდეგ, როგორც აღვნიშნეთ, ქალი გადადის სამრელოში, რომელიც ასევე "შირეული". უწმინდურ ქალთა ხპეციალური შენობაა. მაგრამ მშობიარე ქალი მესამრელოე ქალთან შედარებით უფრო უწმინდურად ითვლება, ამიტომ მას ახალშობილთან ერთად აწვევენ განაპირას, კარების ასლოხ და ორი კვირა ძალიან ერიდებიან. მის ნივთებს, ქურჭელს, ტანხაცპელს ასლოხ არ ეკარებიან (V, 67)

განწმენდის შემდეგი ეტაპი მშობიარობიდან ორი კვირის იავზეა, როდესაც ქალის სახლში ტარდება ჩვენ მიერ წემობღწერილი "სელებზე ასსმისა" და "საჩლის ხანათულავის" რიტუალი. ამას, როგორც აღვნიშნეთ, "საწმინდარში გასვლა"

* ვაეა-ფშაველა თავის ეიროგრაფაულ ნაწერებში ეხება დედათაწესიანი ქალების უწმინდურობის ზაკთის და მიიჩნევს, რომ "ეს ჩვეულება ებრაულია. ეთანხმება მოსეს რჯულსა და უძვეს ხარჩულად ხარწმუნაიებრივი მოსაზრება, ხოლო ხაფუქვლად ჩვეულება" (IX, 350).

ქქია, ამ რიტუალის შემდეგ ქალი ნაწილობრივ განიწმინდება. შეუძლია ხელი შეახოს მამაკაცის ტანსაცმელს და ავი სულებისაც ნაკლებად ეშინია.

განწმენდის მორიგი რიტუალი უკვე დაასლოებით 4-6 კვირის, 40 დღის შემდეგ ისევ ქალის სახლში ტარდება, როდესაც ქალი, ასალშობილთან ერთად, ოჯახში ბრუნდება, ებმება ოჯახის ჩვეულებრივ საქმიანობაში, მაგრამ ჯერ კიდევ არ არის სრულიად განწმენდილი, მას არ შეუძლია ქერსოში ზედა სართულში, მამაკაცთა საძინებელში, სასლის ყველაზე წმიდა ადგილში ასვლა.

განწმენდა-განათვლის უკანასკნელი ეტაპი 9 კვირის შემდეგაა, როდესაც ქალი საბოლოოდ განიწმინდება და შეუძლია საკრალურთან უთიერთობა.

პირველი განბანის გარდა, ქალის განწმენდის რიტუალები სრულდება თავის ოჯახში და გულისსმობს სუცესის მიერ დაკლული საკლავის სისხლით თავისივე ოჯახის წევრებისა და სასლის, ბოლოს, თვი ო ქალის განათვლას.

როგორც ვხედავთ, განწმენდის ამ ეტაპების შედეგად ხდება ქალის თანდათანობით გარედან შინ დაბრუნება-გადანაცვლება პორიზონტალურ სივრცეში სამშობიარო ქოხიდან, სამრელოში, შემდეგ კი უკვე სახლში. ამავე დროს უნდა ვიფიქროთ, რომ სდება ქალის გადანაცვლება ვერტიკალურ სივრცეში, ქვევიდან-ზევით მიწიდან-ქერსოში, როგორც ზ. კიკნაძე აღნიშნავს: "გზა, რომელსაც გაივლის დედაკაცი ახალშობილთან ერთად ბოსლიდან ქერსომდე, სიბზოლურად გამოხატავს ჯვარისაკენ მიმავალ განწმენდის გზას, აღმავალ გზას შობის ადგილიდან ჯვარამდე" (XII; 223).

ამგვარად, ქალის განწმენდას, მის დაბრუნებას გარედან შინ სჭირდება 40 დღე, ასევე 40 დღე სჭირდება ბავშვის გარედან შინ უწესრიგო ქაოტური სამყაროდან - მოწესრიგებულ სამყაროში შემოსვლას.

საინტერესოა, რომ ეს სწორედ დროის ის მონაკვეთია, როდესაც მიცვალებულის სული ტოვებს შინას და გადადის გარე სამყაროში, საიწუოდან მიდის საიქიოში. ამ კუთხით ყურადღებას

იმსახურებს ერთი დეტალი: ბავშვის "კორნესა და აკვანს ისე დადგამდნენ, რომ ბავშვს თავი აღმოსავლეთისაკენ პქონოდა, შებრუნებით დაწვენა არ შეიძლებოდა. იტყოდნენ: "არ ვარგა "ყმაწვილისადო" - ისე მკვდარს აწვენენო თავი დასავლეთისკენ და ფეხებით აღმოსავლეთისკენო". ამიტომ ყმაწვილი თვალებით დასავლეთისკენ უნდა იყურებოდეს, აღმოსავლეთს კი არ უნდა ხედავდეს" (II, 124). ეს კი იმაზე მითითებს, რომ, სვესურული რწმენა-წარმოდგენების მისეგვით, ახალშობილის გარკვევან შინ შემოსასვლელი და მიცვალებულის სულის შინიდან გარეთ გასასვლელი გზა ერთი და იგივე იყო და მათ მიერ ამ გზის გავლას, სხვადასხვა მიმართულებით, დროის ერთი და იგივე სანგრძლივობა - 40 დღე ქირდებოდა*.

ამ კუთხით საინტერესოა სვესურული რწმენა-წარმოდგენების ანალიზის საფუძველზე ზ. კიკნაძის მიერ გამოთქმული მოსაზრება: "ადამიანი როცა იბადება, ის უწმინდური იბადება; როცა კვდება ადამიანი, ის კვლავ უწმინდური ხდება. "ცივი", როგორც მიცვალებულს უწოდებენ ტაბუირებულ ენაზე, ჯვარისაგან განრიდებულია; ისევე შორს არის ჯვარისაგან, როგორც ბოსელში თუ ქოხში ახლადშობილი ყრმა ... დამმარხველნი ტანს განიბანენ, როგორც ახლად მოლოგინებული და ახლად შობილი იწმინდებიან. ზოგიერთ საყმოში, მაგ., არხოტში, "მიცვალებულს ასვენებენ ბოსელში" ... ჩანს, საყმო რაღაც საიდუმლო კავშირს ხედავდა ადამიანის შობასა და სიკვდილს შორის" (XII, 223-224).

როგორც აღვნიშნეთ, ქალი და ბავშვი 40 დღე უწმინდურ გარემოში იმყოფებიან და ხდება მათი მხოლოდ ნაწილობრივ განწმენდა, ამიტომ მათ განსაკუთრებით ერჩიან ბოროტი ძალები, ავი სულები. სწორედ ამიტომ ამ პერიოდში

* შუა აზრის მკვიდრთა, კერძოდ ტაჯიკების რწმენა-წარმოდგენების ანალიზის შედეგად, გამოთქმულია მოსაზრება, რომ დაბადებიდან 40 დღის მანძილზე ბავშვი იქვეყნოურია და ამქვეყნოური, ხაიქოხა და ხააქაოს, მიცვალებულთა და ცოცხალთა საშუაროს განსაყარზე და განიცდის გარდაცვლილ წინამართა სულების ზღაფელენას მისი უკან - ხაიქოხი დაბრუნების მიზნით (XXI, 137).

განსაკუთრებით ფართოდ იყენებდნენ ავი სულებიგან დასაცავ სხვადასხვაგვარ მაგიურ წესებსა თუ საშუალებებს. 9 კვირის შემდეგ კი, როდესაც სრულდება განათვლის - განწმენდის ხაბოლოო რიტუალი. შეიძლება ბავშვის ხალოცავში მიბარებ., რაც, როგორც აღვნიშნეთ, სალოცავის მიერ ბავშვის მფარველობის ქვეშ აყვანას, მისთვის "მცველი ანგელოზის" მფარველობის მინიჭებას გულისხმობს.

საინტერესოდ გვეჩვენება ერთი ფაქტი. როგორც აღვნიშნეთ, 40 დღის მანძილზე, ხევსურების რწმენა-წარმოდგენების მიხედვით, უწმინდურ მელოგინესა და ახალშობილს განსაკუთრებით ერიიან ბოროტი ძალები, ამიტომ მათ გაყვანას ქოსიდან თუ სამრელოდან მზის ჩასვლის შემდეგ, რაც ავსულთა აქტიურობის დროდ ითვლებოდა, ერიდებოდნენ. მიუხედავად ამისა, მელოგინისა და ჩვილის გადასვლა ქოსიდან სამრელოში და სამრელოდან სასლში უნდა მომხდარიყო აუცილებლად საღამოს, მზის ჩასვლის შემდეგ, საინტერესოა, რომ ვახტანგ ბატონიშვილის მიხედვით, სწორედ საღამოს ხდება მშობიარობიდან შესამე დღეს ქალის გადაწვენა: "დღესა შესამესა ყაშსა ბინდისასა (საზი ჩემია - ნ.მ) შეაწვენდნენ ქალს ტახტსა ზედა ..." (VII; 18). ვფიქრობთ, რომ ეს დროის და სივრცის აღქმის ერთ-ერთი არქაული პლასტია. ცნობილია, რომ არქაულ დროში სივრცისა და დროის კატეგორიები არ იყო ერთმანეთისაგან გამიჯნული, ერთ განუყოფელ ქრონოტიპს ქმნიდა. სივრცის გააზრება ყოველთვის დროის ასპექტსაც გულისხმობდა (XXV; 118).

აქედან გამომდინარე, *დღე და ღამე, ნათელი და ბნელი* ბინარულ წყვილთა ისეთივე კატეგორიას განეკუთვნებოდა დროში, როგორც *გარე და შინა* სივრცეში. ე.ი. თუ *გარე* სივრცე გულისხმობდა მოუწესრიგებლობისა და ბოროტების ამხასველ ცნებას, ასევე საღამო, მზის ჩასვლის შემდეგი დრო - *ბნელი* გულისხმობდა მოუწესრიგებლობისა და ბოროტების ამხასველ ცნებას დროში და პირიქით, *შინა* - წესრიგი და ხაკეთე სივრცეში, *ნათელი*, *დღე* წესრიგი და სიკეთე დროში. ე.ი. *შინა*, *დღე*, *ნათელი* წარმოადგენდა პოზიტიურ, ხოლო

გარე, საღამო, ბნელი ნეგატიურ კატეგორიას.

ამიტომ, როგორც ჩანს, *გარედან შინ* შემოსასვლელი გზა, გზა მოუწესრიგებელ, არაორგანიზებულ სივრცეში უწმინდურ ქალს უნდა გაეელო ასევე მოუწესრიგებელ და არაორგანიზებულ დროში - მზის ჩასვლის შემდეგ, ბნელში, და მხოლოდ განწმენდის-განათვლის შემდეგ, რაც სრულდებოდა მეორე დღეს სასლის ბანზე (მანამდე ქალი სახლის ქვედა სართულში, ბოსელშია) შესაძლებელი იყო ქალი ზიარებოდა მოწესრიგებულ სამყაროს - ჩაბმულიყო ჩვეულებრივ ოჯახურ საქმიანობაში. მხოლოდ, როგორც აღვნიშნეთ, საკრალურთან ურთიერთობის უფლება მას ჯერ კიდევ არ ჰქონდა და იგი ეძლეოდა მშობიარობიდან 9 კვირის შემდეგ.

როგორც ვსვდავთ, ამ შემთხვევაში სივრცისა და დროის არქაულ გააზრებასთან გვაქვს საქმე.

მშობიარობასა და ასალშობილთან დაკავშირებულ წეს-ჩვეულებებში უძველეს რელიგიურ რწმენა-წარმოდგენებთან ერთად ჩანს ქრისტიანული რელიგიის გაულენა, მაგ., სამი დღის ბავშვისთვის ჰურის ნამცეცის - ზთის ნაწილის მიცემა ქრისტიანული ზიარების ასოციაციას იწვევს. ასევე ქრისტიანული ელემენტია ბავშვის კორნესა და აკვანში ჩაწვენის დროს წმინდა გიორგისადმი მიმართული რიტუალური ფორმულის წარმოთქმის აუცილებლობა და სხვა.

ამგვარად, ჩვენ მიერ ზემოთ აღწერილ რიტუალებში აშკარად ჩანს უძველესი რელიგიური პლასტები და შემდგომი ხანის იდეოლოგიური დატვირთვით მოდიფიცირებული ფორმები.

მშობიარობასთან დაკავშირებული რწმენა-წარმოდგენებისა და წეს-ჩვეულებების განსილვის შედეგად, ჩვენ შევეცადეთ, ნაწილობრივ მაინც, წარმოგვედგინა აღნიშნულ წეს-ჩვეულებათა ფუნქციონირების რელიგიური ასპექტები ხევსურეთში.

ზემოაღწერილი წეს-ჩვეულებები, თუ მათ თანამედროვე მედიცინის პოზიციიდან განვიხილავთ, სხვაზე რომ არაფერი ვთქვათ, შორს დგას ელემენტალური პიგიურული ნორმების დაცვისაგანაც კი. მაგრამ როგორც ყოველი ხალხური

ტრადიცია, ისე ეს წეს-ჩვეულებებიც უნდა განვიხილოთ იმ გარემოსა და პირობების გათვალისწინებით, რომლებშიც ისინი მოქმედებდნენ.

აქედან გამომდინარე, თუ მხედველობაში მივიღებთ, რომ ხევსურეთი XX საუკუნის 30-40-იან წლებშიც კი წელიწადის უმეტესი დრო მოწყვეტილი იყო ბარს, ასევე ცსოერების პირობებს, რომლებშიც უხდებოდათ ხევსურებს ცსოერება, მათი რწმენა-წარმოდგენების თავისებურებებსა და სსვ. არ არის საკვირველი, რომ მშობიარობის უძველესი და საკმაოდ მკაცრი ტრადიცია სწორედ ამ კუთხემ შემოინახა.

ამასთან ერთად, უნდა აღინიშნოს, რომ ბევრი წესი, რომელსაც ქალი იცავდა ფესმძიმობის, მშობიარობის დროს თუ შემდეგ, სავსებით მიზანშეწონილი აყო თანამედროვე მედიცინის თვალსაზრისით, ხოლო ზოგიერთი ჩვეულება სრულიაღ მართებული.

პირველ რიგში, ეს შეეხება ფესმძიმობის დროს და განსაკუთრებით კი უკანასკნელ თვეში ქალის ფიზიკური დატვირთვის შემსუბუქებას, ზედმეტი საკვების მიღებისაგან თავის შეკავებას, გარკვეული საკვების აკრძალვასა და სხვა.

როგორც ვაჟა-ფშაველა და გ.თედორაძე აღნიშნავენ, მშობიარის იზოლირება მთიელთა არცთუ მცირეწევრიანი ოჯახიდან გარკვეულწილად გამართლებული იყო როგორც ოჯახის სიმშვიდის დაცვით (IX: 349), ისე პიგიენური თვალსაზრისით და ქალს ინფექციისაგან იცავდა.

ამავე დროს, მიუხედავად იმისა, რომ ქალი მარტო მშობიარობდა განცალკევებულ სამშობიარო ქოხში, იგი მიტოვებული არ იყო, ყოველთვის იმყოფებოდა ოჯახის წევრებისა თუ ასლობლების ყურადღების და მზრუნველობის ქვეშ, რაც პირველ რიგში, ქოხთან ოჯახის წევრი მამაკაცის დამის თევასა თუ მესამრელოე ქალების ხშირ მოკითხვასა და გამხნეებაში გამოიხატებოდა. ყოველივე ეს, რა თქმა უნდა, ქალს მშობიარობის დროს და შემდეგ სულიერად ამხნეებდა. ხაზი უნდა გაესვას იმ გარემოებასაც, რომ მძიმე მშობიარობის შემთხვევაში მშობიარესთან მოდიოდა ხანშიშესული დამხმარე

ქალი, რომელიც მეანობაში კარგად იყო გაცნობიერებული, ხოლო ექსტრემალური სიტუაციის დროს, როდესაც მშობიარობა ძალიან გართულდებოდა და ზოგ შემთხვევაში ნაყოფი იღუპებოდა, დედის გადარჩენის მიზნით ხევესურება, რომლებიც რელიგიური ნორმების დაცვის სიმკაცრით გამოირჩეოდნენ, ამ ნორმებს არღვევდნენ და მშობიარესთან - "უწმინდურ დედაკაცთან", დამხმარედ მოჰყავდათ მამაკაცი მწყემსი, ემბრიოტომიის ჩასატარებლად.

მიზანშეწონილი იყო ბევრი ის წესი, რომელსაც ქალი იცავდა უშუალოდ მშობიარობის დროს, წინ თუ შემდეგ. პირველ რიგში ინტენსიური მოძრაობა მშობიარობის დაწყებამდე (ქონის ახლომასლო სიარული), დაჩოქილი მშობიარობა, რომელიც ხელს უწყობდა ნაყოფის თავით წინ მსვლელობას სამშობიარო გზებში. მშობიარობის შემდეგ სამი დღე უძრავად ყოფნა ერთგვარი პროფილაქტიკა იყო ძლიერია სისხლის დენის თავიდან ასაცლილებლად. ასევე მელოგინე ქალის დაცვა მძიმე შრომისა და ქმართან ურთიერთობისაგან ორმოცი დღის მანძილზე, რა თქმა უნდა, სავსებით გამართლებული იყო. ახალშობილის ჯანმრთელობაზე ზრუნვით უნდა აიხსნას სამი დღის განმავლობაში დედის უბეში მისი ყოფნა, როგორც ჩანს, სათანადო თერმული გარემოს შენარჩუნებისა და შესაძლებელია ახალ გარემოსთან მისი თანდათანობით ადაპტაციის მიზნით. ასევე დადებითად უნდა ჩაითვალოს ჩვილის ძუძუთი კვების თავისუფალი რეჟიმი, რაც, ერთი მხრივ, ბავშვის საკვებით სრულ დაკმაყოფილებასა და მისი ნერვული სისტემის სიმშვიდეს უწყობდა ხელს. მეორე მხრივ კი დედის რძის მატების გარკვეული გარანტიაც იყო.

ზემოაღნიშნულის საფუძველზე, უნდა ითქვას, რომ მშობიარობის წესები ხევესურეთში, ადგილობრივი მოსახლეობის ცხოვრების პირობების გათვალისწინების შემთხვევაში, შესაძლებელია, ოპტიმალურად ჩაითვალოს.

წყაროები და ლიტერატურა

- I აბულაძე ილ. ძველი ქართული ენის ლექსიკონი, თბ., 1979
- II ბალიაური მ., ბავშვის დაბადების და აღზრდის წესები ხევსურეთში, ივ. ჯავახიშვილის სახ. ისტორიისა და ეთნოგრაფიის ინსტიტუტის ეთნოგრაფიული არქივი, სელნაწერი, 1938
- III ბალიაური მ., ხალხური მკურნალობა ხევსურეთში, ივ. ჯავახიშვილის სახ. ისტორიისა და ეთნოგრაფიის ინსტიტუტის ეთნოგრაფიული არქივი, სელნაწერი, 1941
- IV ბარდაველიძე ვ. ქართველი ხალხის რელიგიური აზროვნების ისტორიიდან (მრავალსულიანობის კონცეფცია) მიმოხილველი I, თბ. 1949.
- V ბარდაველიძე-ლოშია ვ., ბავშვის დაბადებასთან დაკავშირებული რიტუალი მთიან ქართლში, საქართველოს მუზეუმის მოამბე -4, ტფ., 1928
- VI ბატონიშვილი დავით, იადიგარ დაუდი, თბ., 1985
- VII ბატონიშვილი ვახტანგი, ისტორიები აღწერა (ხ.კაკაბაძის გამოცემა), ტფ., 1914.
- VIII ბიბლია, თბ., 1989
- IX ვაყა-ფშაველა, პუბლიცისტური და ეთნოგრაფიული წერილები, თხზ., ტ IX, თბ., 1964
- X თედორაძე გ., ხუთი წელი ფშავ-ხევსურეთში, ნაწ. I-II, თბ., 1930
- XI კაპანაძე ნ. ბავშვის აღზრდის ქართული ხალხური ტრადიციები, თბ. 1994
- XII კიკნაძე ზ., ქართული მითოლოგია, I, ჯვარი და საყმო, ქუთაისი, 1996
- XIII მაკალათია ხ., ხევსურეთი, თბ., 1984
- XIV Минкевич И.И., Сравнительное изучение народных средств и обычаев медицинских на Кавказе. Отношение хевсур к их роженицам. Протоколы Заседания Императорского медицинского общества, 1891, прот. 21.

- XV სააკაშვილი მ., გელაშვილი ა., საქართველოს მედიცინის ისტორია, ტ. III, წ. I, თბ., 1956
- XVI Соловьева Л.Т., Грузия, этнография детства. М., 1995
- XVII სულხან-საბა ორბელიანი, ლექსიკონი ქართული, ტ I-II, თბ., 1993
- XVIII სურგულაძე ი., სივრცობრივი ასპექტები ქართველთა რელიგიურ და მითოსურ წარმოდგენებში, მასალები საქართველოს ეთნოგრაფიისათვის, XXIII, თბ., 1987
- XIX სურგულაძე ი., ქართველთა აგრარული რწმენა-წარმოდგენების ისტორიიდან (მოკვდამი და აღდგენადი ღვთაებები), მასალები საქართველოს ეთნოგრაფიისათვის, XIX, თბ., 1978
- XX ქანანელი, უსწორო კარაბადინი, თბ., 1940
- XXI Чвырь Л. Опыт анализа одного современного образа в свете древневосточных представлений. Крებ. Средняя Азия, Кавказ и Зарубежный восток в древности, М., 1983
- XXII წიგნი სააქიმოდ, თბ., 1936
- XXIII ქინქარაული ალ., სევსურეთის თავისებურებანი, თბ., 1960
- XXIV საზარაძე ნ., წმ. ნინოს ცხოვრების ერთი ცნობის ინტერპრეტაციისათვის, რევას კიკნაძის ხსოვნასადმი მიძღვნილი სამეცნიერო ხესია, მოხსენებათა თეზისები, თბ., 1994
- XXV სიდაშელი მ. არქაული საზოგადოების მსოფლხატი, საქართველოს მეცნიერებათა აკადემიის მაცნე, ისტორიის, ეთნოგრაფიისა და ხელოვნების ისტორიის ხერია, 1991, №1
- XXVI სიზანაშვილი ნ., ეთნოგრაფიული ნაწერები, თბ., 1940
- XXVII Худатов Н.А. Заметки о Хевсуретии, Тф., 1887
- XXVIII Яшвили А. Народная медицина в Закавказском крае, Тф., 1904

მშობიარობასა და ჩვილ ბავშვთა მოვლის ხალხური ტრადიციები ქვემო ქართლში

ნანა გვათუა

ქვემო ქართლის მოსახლეობა ქალის გარდატეხის ასაკს ძირითადად 12-13 წელს უკავშირებდა, ასაკს, როცა იწყებოდა მენსტრუალური ციკლი ანუ "წესი". სახელწოდება - წესი მიგვანიშნებს, რომ ამ ციკლის დაწყება გარკვეული ასაკიდან ქალისთვის ბუნებრივად და აუცილებლად ითვლებოდა.

უძველეს ქართულ ხელნაწერებში, ბიბლიის წიგნებსა და სასარების ტექსტებში, თვიური სისხლის დენას "წიდოვნება" ეწოდებოდა [1; 10:]). "ეს სიტყვა ამ მნიშვნელობით შემდეგ ხაუკუნეებშიც იხმარებოდა "დედათა წესის", "თვიურის" და "სამთვარიოს" გვერდით" (XVIII; 30).

"წესი" ყველას უნდა "ენახა" - "მოსელოდა" 12 - დან 16 წლამდე. ასევე ბუნებრივად ითვლებოდა "წესის არმოსვლა" ორსულობისა და ძუძუს წოვების დროს.

დადგენილი ასაკის (12 წელი) ქვევით "წესის ნახვა" მიაჩნდათ "უწესობად", 16 წლიდან - "დაგვიანებულად". ხოლო კარაბადინების მიხედვით - "სწულებად"; "თუ მისგან უფრო ადრე მოუვიდეს და ან უფრო გვიან სწულებისა ნიშანია" (XIX; 156).

მენსტრუაციის დაწყების შემდეგ თუ წესი რამდენიმე თვე დაიგვიანებდა - "აქალწუნებას", "აქანწულებას" ეძახდნენ. აღდგენის მიზნით, ქალს ოხრახუშის (*Petroselinum crispum* [Mill.])^{*} ძირების ნახარშს დააღვინებდნენ, თუ ეს არ უშველიდა და მას "წესი დაეკარგებოდა" (ე.ი. შეუწყდებოდა) ადრეულ და არა დადგენილ კლიმაქსურ (45-55 წწ.) ასაკში, ნორმალურად არ ითვლებოდა, იტყოდნენ: "ის სისხლი ჯანში დადის, ქალს ჯანი უხურდება, ალივით არტყაშს, მალე ქკუაც ერევა და გიყდება"

^{*} ტექსტში მოყვანილი ლათინური სახელწოდებები მოყვანილია ა. მაყაშვილის ბოტანიკური ლექსიკონიდან (XIII).

(IV; 7). ამ შემთხვევაში ნაადრევი კლიმაქსი იგულისხმება. ხოლო 45 წლის შემდეგ "წესის დაკარგვა" ისეთივე ნორმად ითვლებოდა, როგორც "წესის ნახვა" 12 წლის შემდეგ. მიაჩნდათ, რომ დროულ კლიმაქსს შეიძლებოდა გამოეწვია: სისუსტე, უხასიათობა, "სისხლის მოწოლა სახეში" (აღლები). მაგრამ არა გაგიყება - "ჭკუიდან გადასვლა".

საინტერესოდ გვეჩვენება ხალხის დამოკიდებულება იმ ქალების მიმართ, რომლებიც მენსტრუაციას ე.ი. "წესს" საერთოდ "ვერ ნახულობდნენ". ეს დადგენილი ნორმიდან გადახრად, "წესის ღარღვევად" ითვლებოდა, ამიტომ ასეთი ქალი ავადმყოფად მიაჩნდათ; მაგრამ ვინაიდან მას სისხლდენა საერთოდ არ ჰქონდა ე.ი. "უწმინდური", "მურტალი" არ ხდებოდა, "წმინდა ავადმყოფს" ეძახდნენ.

"წმინდა ავადმყოფად" მიაჩნდათ აგრეთვე ქალი, რომელსაც მენსტრუალური ციკლი დროულად დაეწყო (იგულისხმება 12-17 წლამდე), მაგრამ ადრეულ ასაკშივე შეუწყდებოდა. ხოლო ქალი, რომელსაც ციკლი 30 წლის ზევით უწყდებოდა "წმინდა ავადმყოფად" აღარ ითვლებოდა.

ძველი ქართული სამედიცინო წყაროები კლიმაქტერულ პერიოდში თვიური სისხლის დენის შეწყვეტას სისხლის გაგრილებითა და მისი "წახდენით" ხსნიდნენ (XVIII; 29).

"მენსტრუაციის ისეთი მოშლა, როგორიც არის მისი სრული შეწყვეტა ანუ როგორც ახლა უწოდებენ - ამენორეა, ძველთაგანვე ყოფილა ცნობილი. თვიურის არმოსვლას "დედაკაცის წესისა უკუდგომა", "წიდოვნების შეკრულობა" ეწოდებოდა" (XVIII; 31). ჯანმრთელ ქალს, თუ ის ფეხმძიმედ არ იყო, მენსტრუაცია ყოველ თვეს უნდა ჰქონოდა. ამ პერიოდში იგი უწმინდურად ითვლებოდა და უფლება-მოვალეობები მკვეთრად ეზღუდებოდა. "წესიან ქალს" მკაცრად უნდა დაეცვა სხვადასხვა ხასის აკრძალვები, მაგ., კრძალვებოდა სალოცავში მისვლა და თუ მაინც შევიდოდა, როგორც ამბობდნენ, მას საქმე კარგად არ წაუვიდოდა. კრძალვებოდა სხვადასხვა ოჯახური

საქმიანობა, მაგ., არ უკონდა პურის გამოცხობის უფლება, არ შეეძლო მარანში შესვლა, ხეხილთან მისვლა - ხე ვახშებო, - იტყოდნენ. ეკრძალებოდა მამაკაცთან სქესობრივი ურთიერთობა და სხვა*.

წესის დამთავრების შემდეგ ქალი ჯერ თბილი წყლით დაიბანდა ტანს, შემდეგ ნაკურთხ წყალს, "ნათლის წყალს" გადაივლებდა "განსაწმენდად".

ნაკურთხი წყალი ყველა ოჯახს უკონდა. წყალკურთხევის - ნათლიების დღეს (19 იანვარს) მღვდლის მიერ სახლისა და წყლის განათვლა აუცილებელ რიტუალს წარმოადგენდა. ნაკურთხ წყალს ოჯახი მთელი წელი ინახავდა და გარკვეული დაავადების თუ განწმენდის სხვადასხვა რიტუალის ჩატარების დროს საჭიროებისამებრ იყენებდა.

უნდა აღინიშნოს, რომ ქალის უფლება-მოვალეობათა შეზღუდვა უფრო მეტად იყო საქართველოს მთაში, კერძოდ ხევსურეთში (II; 18), ფშავში, თუშეთში, მთიულეთში (XII) და სხვა. სადაც ქალი დედათქვის დროს, უწმინდურობის პერიოდში იზოლირებული იყო და ოჯახის გარეთ სპეციალურ ნაგებობაში იმყოფებოდა.

ქვემო ქართლში თვიურიან ქალთან დაკავშირებული აკრძალვები უფრო შერბილებული იყო. აქ არ იყო მიღებული ამ დროს ოჯახიდან ქალის გასვლა, თუმცა გარკვეული წესების დაცვა აქაც, როგორც ზემოთ ვთქვით, აუცილებელი იყო.

შესჯდულებას მენტრუაციის დროს ქალის უწმინდურობის, მის მიერ ზიანის მოტანის და დედათქვისიანი ქალის უფლება-მოვალეობათა შეზღუდვისა თუ იზოლირების აუცილებლობის შესახებ ვსვდებით მსოფლიოს სხვადასხვა

*ამავე სახეობის ცრუმორწმუნეობა დღევანდელ ევროპაშიც შემონახულია. სადაც ჯერ კიდევ ხწამთ, რომ თუ თვიურიანი ქალი ხალხში შევა - ლუდი მწარდება, რძე და ღვინო ფუჭდება, მიხე ხელის შესებით ვარდი და ყვავილი ჭკნება და სხვა (XXI, 137-138).

ხალხებში. რაც ვრცლად აქვს აღწერილი ჯეიმს ფრეზერს (XX; 201-203)*.

უწინ ქალის გათხოვება 13 წლიდან (ე.ი. მენსტრუალური ციკლის დაწყებიდან) დასაშვები იყო. გათხოვებისთანავე ის ქმრის ოჯახში გადადიოდა საცხოვრებლად.

გარკვეული ხნის მანძილზე ქალი თუ ვერ დაფესმძიმდებოდა. მიმართავდა ბებიაქალს, რომელიც სოფლის მეანს წარმოადგენდა და ე.წ. ქალურ დაავადებებს მკურნალობდა. ის აუღმყოფს გამოკითხავდა. გასინჯავდა და გაარკვევდა უშილობის მიზეზს. მაგ., ქალს თუ მენსტრუალური ციკლი არეული ქონდა - "წესს წესიერად ვერ ნახულობდა", ეტყოდა: "მისი საშველი არ იქნება, გადამწვარი საკვერცხე აქვს" და მკურნალობას ხელს აღარ მოკიდებდა.

თუ საქმე საკვერცხეების ანთებას ეხებოდა, რის სიმპტომებს, გადმოცემით, ქვედა მუცლის ტკივილი და გამონადენი წარმოადგენდა, მაშინ ბებიაქალი პაციენტს სითბურ პროცედურებს ჩაუტარებდა: სხვადასხვაგვარ ბალახს (სასელები ვერ დავაზუსტეთ) კასრში ჩაყრიდა და მდუღარე წყალს დაასხამდა. ოდნავ შეაგრილებდა და ქალს წელს ქვევით ჩასვამდა. აბაზანის შემდეგ ქალი თბილად უნდა ყოფილიყო. ან პურის საცხობ ღუმელს - ფურნეს გასეხავდა, გაასურებდა და ქალს შიგ მოათავსებდა მანამ, სანამ ის სიმხურვალეს გაუძლებდა. შემდეგ საწოლში ჩააწვენდა. ან ქალს პატარა მუცელზე ნივრის მოხარშულ "ფოჩს" (ღეროებს) დაადებდა და თბილად დაასურავდა; პროცედურას რამდენჯერმე გაიმეორებდა.

როცა ქალს "მუცელი არ რჩებოდა", ე.ი. 2-3 თვის მუცელი ხშირად ეშლებოდა, წელის სისუსტეს აბრალებდნენ,

*მაგ. სამხრეთ აფრიკის მეჯოგე ტომები თვითონ ქალს ცალკე ოთახში ათავსებდნენ. რადგან ემინოდათ ამ მდგომარეობაში მყოფი ქალის ხსისხლის ხაბოვარ იალღაღზე დაწვევება. რასაც შეიძლება გამოეწვია მთელი ჯოგის მოწამელა და გაწვევტა. ჩრდ. ამერიკის ინდიელი ქალები მენზიხის დროს სოფლიდან ისინებოდნენ ქოხებში განმარტოებით. ამ დროს მათ არავინ ეკარებოდა. ხასლში დაბრუნება კი მხოლოდ გახუფთავების შემდეგ შეეძლოთ.

იტყოდნენ: "წელი აქვს ბოშე" ან "მუცელი აქვს მობოშებული" ("დუნე, ფონე, მოშვებული, არამაგარი" (XXII). ასეთ შემთხვევაში, ბებიქალი პირველ რიგში წელის დაჭიმვას, "წელის გაწევას" მიმართავდა. ქალს პირქვე დააწვენდა ბოძთან ახლოს, ფეხებს ბოძზე დაუბამდა, სერსემალს ერბოთი ან რაიმე სხვა ცხიმით დაუშლდა. უფრო მეტად - "იმ წერტილს, სადაც ხაშილოსნო იყო მიმაგრებული". შემდეგ ხელებს იღლიებში მოჰკიდებდა და "დაქანავდა" ისე, რომ "წელი გატკაცუნებულიყო". ამ პროცედურას "ყველაფერი თავის ადგილას უნდა ჩაესვა" (VII, 12). წესით, ერთხელ დაჭიმვა ხაკმარისი უნდა ყოფილიყო.

შემდეგი ეტაპი გულისხმობდა წელის გაკვრას "იასოთი", რომელიც სხვადასხვაგვარად მზადდებოდა. მაგ., კარგად ათქვეფილ კვერცხის გულს შეურევდნენ თხის ბეწვს - "ბალანს" და პურის ფქვილს, ან თაფლის სანთელს, საკმეველს "საკმელს" და ხელის ფქვილის ფაფას (გაცრილი ქერის ფქვილი). კვერცხის გულს ურევდნენ აგრეთვე თაბაშირს ან კირს იმდენს, რომ მაწვნის კონსისტენციის მასა მიეღოთ.

იასოს წაუსვამდნენ ქსოვილზე - ნარმაზე ("ბიაზზე", "ამერიკაზე") და ქალს წელზე შემოადებდნენ. ამის გარდა "ფისის იასოსაც" ამზადებდნენ: თხის ტყავზე წასმულ ფიჭვის ან ნაძვის გადამდნარ თბილ ფისს. ქალს წელზე დააკრავდნენ. შესაკრავად ხმარობდნენ აგრეთვე წელის ზომამზე დაჭრილ თხის ტყავს, რომელიც წებოსავით ეკრობოდა კანს.

ბებიქალი იასოს ხელს არ მოკიდებდა, სანამ ის თვითონ არ აძვრებოდა.

აქვე აღვწერთ ქვემო ქართლში მცხოვრები სხვა ეროვნების ხალხის ზოგიერთ ტრადიციას.

მამაძიანური მოსახლეობა ქალს წელის გასამაგრებლად 1-2 საათით ცხვრის ტყავში გაასხვედა - "ჩასვამდა". ხმარობდნენ იასოსაც, რომლის დამზადების წესი ჩვენ მიერ ზემოთ აღწერილი ის იდენტურია.

სომეხი მოსახლეობა ასეთ შემთხვევაში ბებქალს "ჰავაჩს//ჰევაჩს" ან "ტადმერს" (შდრ. ქართულ კარაბადინებში

- "ტატმერი") მიმართავდა. იგი ქალს ჯერ ქონში მომუშაული ხასვით დაუზღვდა წელს, შემდეგ "იასთი" გაუკრავდა. მეექვსე დღეს ქსოვილს პირს ისე აუწევდა, რომ წელიდან არ მოშორებოდა; იასოს არყით დაასველებდა, ისევ შეკრავდა და ხელს აღარ მოკიდებდა, ვიდრე იასო თავისით არ მოძვრებოდა.

ზოგ შემთხვევაში წელის ერთხელ გაკვრა საკმარისი იყო. ზოგჯერ კი პროცედურას ორ-სამჯერ იმეორებდნენ. თუ შედეგს მაინც ვერ მიაღწევდნენ, ე.ი. ქალი არ დაფხვამდებოდა, ბებიაქალი მას "ხელს აღარ მოჰკიდებდა". იტყოდა: "ეს ჩემი ავადმყოფი არ არის".

იმ შემთხვევაში, თუ მკურნალობა ნაყოფიერად ჩაივლიდა და ქალს "მუცელი აყვებოდა", ბებიაქალი მას "პატარა მუცელს" ფრთხილად "აუწევდა". რბილ ნაჭერს ან თავშალს შემოახვევდა, რომ მუცელი დაბლა არ დაწეულიყო - "არ დაბოშებულყო" და ისევ არ მოშლოდა.

ქვემო ქართლში უშიგლობის მიზეზად "გამრუდებული", "გადავარდნილი", "გადახრილი", "გადაკეტილი" საშიგლოსნოც ითვლებოდა, რომელიც, ადგილობრივ მეანთა გადმოცემით, შეიძლება თანდაყოლილი ან პირველი მშობიარობის შემდეგ რაიმე გართულების შედეგი ყოფილიყო. ბებიაქალი "პატარა მუცლის" ზემოდან ხელით გასინჯვით მიხვდებოდა, საშიგლოსნო გამრუდებული იყო თუ არა. ამის შემდეგ პატარა მუცელს ქონით ან ერბოთი დაუზღვდა. მსუბუქი მასაყით მუცელს აუწევდა, საშიგლოსნოს გაუსწორებდა და კოტომს (თიხის პატარა ქილახ) "მოჰკიდებდა" ზევით ამოწევის მიზნით. კოტომის მოვარდნის შემდეგ კი მათექსირებელ ნასვევს დაადებდა.

არსებობდა მკურნალობის სხვა მეთოდიც - ბებიაქალი პაციენტს გულაღმა დააწვენდა, წელიდან თემოების გავლით ხელს გამოატარებდა, საშიგლოსნოს არეზე ზევიდან "ხელსაფქვავს" დაადებდა და მოატრიალებდა. ეს პროცედურა კეთდებოდა დილით, უზმოზე. სამი დღის განმავლობაში. წესით სამი დღის შემდეგ საშიგლოსნო უნდა გასწორებულიყო.

ჩვენ დავამოწმეთ ხალხური "დიაგნოსტიკის" ერთი საინტერესო მეთოდი: ბებიაქალი წყალში გამოსხარშულ თბილ

ნაბადს გადმობრუნებულ სათლზე დააფენდა. შუაში კვერცხის გულს დადებდა, ზედ ქალს გადააჯენდა. თუ "საშვილოსნო კვერცხის გულს შეიწოვდა", როგორც თვითონ იტყოდა, "საშვილოსნო გადაკეტილი არ იყო" და ქალი მალე მორჩებოდა, თუ არ შეიწოვდა. საშვილოსნო "გადაკეტილად" ან "გამრუდებულად" ითვლებოდა და ასეთ შემთხვევაში მკურნალობას ბევრი დრო სჭირდებოდა. ეს გონებამახვილური მეთოდი, როგორც ჩანს, ფალოპის მიღების გამტარუნარიანობის დადგენის ცდას წარმოადგენდა.

ადგილობრივი მებანები უშვილობის მიზეზად ჭიპის "დაწევა" - "ჩავარდნასაც" მიიჩნევდნენ, რაც შესაძლოა ტრანეპის ან მძიმე ჯაფის შედეგად განვითარებულიყო. როგორც ბებიაქალები გვისხნიან, "ჭიპი ნელ-ნელა საშვილოსნოს ეწეპებოდა და ხელს უშლიდა დაფესმძიმებას". მებანი ჭიპს მარჯვენა ცერით გასინჯავდა. თუ "ისე ფეთქავდა, რომ მოსვენება არ ჰქონდა, ჭიპს ჩავარდნილად მიიჩნევდა, ჭიპის დაწევამ, როგორც ამბობდნენ - "მუსლის მოკვეთა, მოზარმაცება და ტკივილი იცოდა" (VI: 3).

ამ შემთხვევაში ქალის მკურნალობა "საშვილოსნოს (აღბათ საშვილოსნოს ყელის, ნ.გ.) გასაფართოებლად" აბაზანებით და შეორთქვლით იწყებოდა. ბებიაქალი პაციენტს სხვადასხვა ბალახებისა და ყვავილების (მათი სახელები გასაიდუმლოებულია) ცხელი ნაყენის ან ნახარშის, აბაზანებს გაუკეთებდა ან "შემოსულ" ლენცოფას - "ღრიანცოფას" (*Hyoscyamus niger* L.) და ქათმის განაფალს ერთად წამოადუღებდა და ავადმყოფ ქალს ცხელი ნახარშით სავსე ხათლზე დასვამდა.

შემდეგი ეტაპი დაზეღვას გულისხმობდა. ბებიაქალი ჭიპის არეს და წელს დათვის ქონით ან სხვა რაიმე ცხიმით დაზეღდა - "შემოზეღდა". მერე ჭიპს კოტოშს მოჰკიდებდა. არსებობდა კოტოშის მოკიდების რამდენიმე მეთოდი, მაგ., ჯოსზე წამოცმულ, არაყში დასველებულ ან ცხიმწასმულ ნაჭერს ცეცხლს მოუკიდებდა და კოტოშს შიგნიდან მოაფლებდა. პაციენტს ჭიპზე დაადებდა და გააჩერებდა 15-20 წუთი. თუ

ჭიპი ძალიან იყო ჩაფარდნილი. შესაძლოა ქილის ზომამაც ამოწეულიყო და ისე მაგრად "მოკიდებოდა სორცს", რომ მოსახსნელად ბებიას ქალს მისი გატეხვა დასჭირვებოდა; ზოგჯერ შეანი პატარა თეთრ ქსოვილში ჩაყრიდა ნაცარს, პირს ისე მოუკრავდა, რომ ნაცრიანი მსარე ბურთს დამსგავსებოდა. "ნაცრიან ბურთს" დაადებდა ჭიპზე. ნაჭრის ზედაპირს თხის ან სხვა ცხოველის ცხიმს მოუსვამდა, ცეცსლბ მოუკიდებდა. ზედ კოტონს დაადებდა, ცეცსლი ჩაქრებოდა, ქილა მუცელს "მოეკიდებოდა" და "დაწეული ჭიპი" ზევით ამოიწევდა, ინფორმატორის სიტყვებით: "ვისაც ძალიან ჩაფარდნილი ჰქონდა ჭიპი, იმის სორცი ცომის გუნდასავით ამოიწევდა ქილაში და მისი მოძრობა ძნელი იყო" (V: 15).

სმირად უშვილობას "განუვითარებელ საშვილოსნოს" აბრალებდნენ, რისთვისაც, როგორც ამბობდნენ, დამახასიათებელი იყო მენსტრუალური ციკლის არევა (ორ-სამ თვეში ერთხელ). ზედმეტი თმიანობა და სხვა. ერთ-ერთი ბებიას ქალის გადმოცემით, ასეთი ავადმყოფის მორჩენა შეიძლებოდა, მხოლოდ შედეგი (ე.ი. დაორსულება) შეიძლება გვიან მოაყოლოდა.

ზოგიერთი ბებიას ქალი ხელს არ მოკიდებდა განუვითარებელი საშვილოსნოს მკურნალობას, რადგან თვლიდა, რომ ის თავისით განვითარდებოდა და გარკვეული დროის შემდეგ, მკურნალობის გარეშე, შეიძლებოდა ქალი დაფესმძიმებულიყო, სოფ. ხატისსოფელში აღწერილი გვაქვს შემთხვევა, როცა ქალს ოცდაორი წელი შვილი არ უჩნდებოდა განუვითარებელი საშვილოსნოს გამო. ბოლოს ყოველგვარა მკურნალობის გარეშე დაფესმძიმდა და შემდეგ ხუთი შვილი გააჩინა.

ძველ ქართულ ოფიციალურ მედიცინაში ქალის უნაყოფობის მრავალ მიზეზს იცნობდნენ.

"XI საუკუნის წყაროებში უშვილობის მიზეზად დასახელებულია საშვილოსნოს სიმსივნური დაავადება, აგრეთვე თვიურის აშლა... საშვილოსნოს მდებარეობის შეცვლა

XIII საუკუნის წყაროებიდან ირკვევა, რომ ამ ხანად,

გარდა აღნიშნული მიზეზებისა, უნაყოფობას უკავშირებდნენ ქალის სქესობრივ განუვითარებლობას.

XV-XVI საუკუნეებში უშვილობას მიაწერდნენ საშვილოსნოს შიგნითა გარსის ანთების შედეგად განვითარებულ ცვლილებებსაც (XVIII; 38).

ქვემო ქართლში ქალები ნაყოფის შენარჩუნების მიზნით, ხშირად მაგიურ ან რელიგიურ საშუალებებსაც მიმართავდნენ. მაგ., მუცლის სშირი მოშლით შეწუსებული ქალი მონახავდა მაკე ძაღლს ან კატას და იტყოდა: "შენ დაგესოცოს შვილები და მე დამრჩეს". ამ მაგიური ქმედებით მისი სატკივარი თუ სისუსტე, რის გამოც მუცელს ვერ ინარჩუნებდა, თითქოს გადავიდოდა მაკე ცხოველზე, მუცლის შერჩენის ძლიერი, ცხოველური უნარი კი - მასზე.

მუცლის შერჩენის მიზნით ქალის მღვდლის პერანგში გაძვრენაც იცოდნენ. ამ შემთხვევაში, ალბათ წმინდა ძალების იმედი ჰქონდათ.

ჩვეულებრივ, ქართველები უშვილობის დროს ღვთისმშობელს მიმართავდნენ. როდესაც თხოვნა არ ქრიდა ან შედეგი იგვიანებდა, შვილს მონატრებული მშობელი, მიზნისთვის რომ მიეღწია, დაპირებას იძლეოდა: "ოღონდ შვილი გამიჩნდეს და ურჯულოს მივცემ", ან "თათრულ სახელს დაუარქმევ", ან "თათარს მოვანათლინებ".

ქვემო ქართლში მცხოვრები ბერძნული მოსახლეობა ასეთ შემთხვევაში კი დასასმარებლად წმ. დემეტრეს თხოვდა შეველას.

ზოგიერთი ქალი პირიქით სშირი ორსულობით იყო შეწუსებული. ფესმძიმობიდან თავის დასაცავად ან მუცლის მოსაშლელად ისინი ბებია, ძლებს მიმართავდნენ. აქვე უნდა აღინიშნოს, რომ მშობიარობიდან 3-4 წელი, ვიდრე დედა ბავშვს ძუძუს აწოვებდა, მას ფესმძიმობიდან თავის დაცვა არ სჭირდებოდა, რადგან, ამ პერიოდში მისი დაფესმძიმება ნაკლებ მოსალოდნელი იყო.

როდესაც ქალს შვილის გაჩენა არ უნდოდა, იგი სხვადასხვა საშუალებებს იყენებდა. მაგ., დედალი.

ლექსები დაყრილი მგლის ნაწლავს შემოიკრავდა წელზე, რომ შვიდ წელიწადს არ დაორსულებულყო. ადგილობრივთა შეხედულებით მგლები შვიდ წელიწადში ერთხელ ყრიდნენ ლექსებს. ამიტომაც მისი ეს თვისე? ამ ქმედებით ქალზეც უნდა გადასულიყო.

თუ ეს საშუალება არ გაამართლებდა და ქალი მაინც დაორსულდებოდა, მიმართავდნენ მუცლის ხელოვნურად მოშლას, "მუცლის გაფუჭებას", "მუცლის წასდენას". რაც ზოგჯერ სავალალო შედეგით მთავრდებოდა, განსაკუთრებით მაშინ, როცა ქალი ყურმოკრულ მეთოდს თვითნებურად იყენებდა. მაგ., შუშას დანაყავდა და დაღვედა. ზოგჯერ დიდ ხელსაფქვავს მუცელზე დაიტრიალებდა. სიმაღლიდან გადმოსტებოდა და სხვა. ასეთი მეთოდების გამოყენების შედეგად ზოგ შემთხვევაში ქალი იღუპებოდა (III; 17).

უფრო ეფექტური და უვნებელი იყო ბებიაქალის მიერ გამოყენებული მუცლის მოშლის მეთოდები, იგი მოსალოდნელი სისხლის დენის შესაჩერებელ გარკვეულ საშუალებებსაც ფლობდა. ბებიაქალი მუცლის მოსაშლელად მხოლოდ ერთი - ორი თვის ფეხმძიმეს მოკიდებდა ხელს, უფრო დიდი ხნის დაგვიანებულად ითვლებოდა.

ჩვენ ჩავიწერეთ "მუცლის გაფუჭების" რამდენიმე მეთოდი: ერთ შემთხვევაში ბებიაქალი პაციენტს დააწვეინდა, კუჭის არეზე მასაჟს გაუკეთებდა და თან, "კუჭის თავს" ოდნავ მოუგრუნდა და ასე "წაუხდენდა" მუცელს.

სოფ. განთიადში ერთ-ერთმა ბებიაქალმა ჩაგვაწერინა აბორტის თავისებური მეთოდი; როცა ქალს "წესი" გადასცდებოდა, ბებია მაშინვე აუწვევდა "პატარა-მუცელს" - საშვილოსნოს არეზე მასაჟს გაუკეთებდა. თუ სისხლის დენა არ დაიწყებოდა ეს იმას ნიშნავდა, რომ სისხლი მუცელში იღვრებოდა და ნაყოფიც შეიძლება შიგ ჩარჩენილიყო, რაც სასიფათოდ ითვლებოდა. მაშინ ის კიდევ გაიმეორებდა მუცლის წასდენის ამ მეთოდს. თუ ესეც უშედეგოდ დამთავრდებოდა (ე.ი. ნაყოფი არ ჩამოვარდებოდა), მაშინ ბებიაქალი პაციენტს დააწვეინდა, მენჯის ქვეშ მუთაქას

დაუდებდა, ფესებს ზეით ააწვეინებდა. ხელს მცირე მენჯში შეუყოფდა. იქ, სადაც საშვილოსნოს ყელი მდებარეობდა, დააწვებოდა ისე, რომ ქალს წელი ტკენოდა, რის შემდეგაც, წესით, მას მუცელი უნდა მოშლოდა. ხოლო თუ არ მოეშლებოდა მაშინ ბებიაქალი ამას გაიმეორებდა მანამ, სანამ "ერთი ხორცის ნაქერი", როგორც ჩანს, "სისხლის კოლტი" არ ჩამოვარდებოდა და სისხლის დენა არ დაიწყებოდა, რაც მათი თქმით - "საშვილოსნოს სულ გამოასუფთავებდა" (VII; 22).

თუ სისხლის დენა ჩვეულებრივზე მეტსანს გაგრძელდებოდა, ბებიაქალი "კირის წყალში" (ერთ ჩაის ჭიქა წყალში გახსნილი 12 ჩაის კოვზი კირი) დასველებულ საფენს ქალს წელზე შემოადებდა. იცოდა აგრეთვე: ბექებზე ცივი ტილოს ან საშვილოსნოს არეზე დამწვარი შაქრის ფხვნილის დადება.

საერთოდ, მუცლის გაფუჭება-წახდენა ცოდვად ითვლებოდა. ერთ-ერთი ბებიაქალი თავის "ცუდად ყოფნას" ღმერთისგან გამოგზავნილ სასჯელად მიიჩნევდა ქალებისათვის გაწეული დასმარების გამო: "ღმერთი მტანჯავდა, მაგრამ ამას იმისთვის ვაკეთებდი, რომ ქალები მეცოდებოდნენ", აგვიხსნა მან (VII; 23).

ადგილობრივი მოსახლეობის გადმოცემით, ბებიაქალებს ზოგჯერ შეეძლოთ ფესმძიმე ქალისათვის დაუდგინათ - გოგო ეყოლებოდა თუ ბიჭი, იტყოდნენ: "გოგო გუდასაებრ გდია მუცელში, ბიჭი კი ხვლიკივით დაძვრებაო".

ნაყოფის მუცლად ყოფნისას სქესის დადგენის სსვადასსვა ნიშანია აღწერილი კარაბადინებში, მაგ., "კიდევ დედაკაცი რომე ორსულად იყოს და დამძიმდეს, მუცელი უნდა გაუსინჯოთ, თუ მუცელი მარჯვენასა მხარსა უფრო დიდი აქუს, უსათიოდ ვაჟითა არის და თუ მუცელი მარცხნით უფრო დიდი აქუს, უსათიოდ ქალითა იქნების ...

კიდევ დედაკაცი რომე დღეზღდა იდგეს, მოიტანე ერთი ჯამი და წყლითა აავსე, მოიტანე ამა ორსულისა დედაკაცისა რძე და ამა წყლით სავსესა ჯამშიგა ჩაასხით, თუ ესე რძე წყალზედა დადგეს, უსათიოდ ვაჟითა არის, და თუ რძე ძირს

წავიდეს, და ქალითა იქნების ..." (IX; 224-225) და სსვა.

ხალხის შესედულებით, ორსულ ქალს ოთხ თვემდე არ ენძრევა მუცელი, რასაც მოსახლეობა შემდეგნაირად ხსნის: "ოთსი თვის შემდეგ საიქიოს მყოფი მამ: პაპის სულელებიდან ერთ-ერთი სული წამოვა და ფსიზელ ან მძინარე ქალს დამოქნარების ან სსვა შემოსევაში ჩაუძვრება მუცელში და უნძრევს მუცელს. იმიტომ არი რომ უყვართ მამა-პაპაი. სული სულსა სცნობს. მკედრის სული ჩაუძვრება, ხორცს შეისხამს და დაიბადება. ვისი სულიც იქნება იმას გავს, იმისთანა სასელოვანი გამოვა ბავშვი. ყველა სცნობს, როცა იბადება, რომ იმის სულია. სული უკვდავია" (XV; 30).

წერილობითი წყაროების მიხედვით კი: "რა სუთის თვისა შეიქნას ქალსა მუცელი იძრასო" (VIII; 71), ე.ი. ქალის "მუცლის განძრევა" ორსულობის ხუთი თვის თავზე უნდა მომხდარიყო.

~~მონტანე~~ ითვლებოდა ცხრათვიანი და შვიდათვიანი ორსულობაც. იგივეს ვკითხულობთ XI საუკუნის წყაროშიც: "...რა გათავდეს დღენი ორსულობისაგან დაიბადების მეშვიჯესა თვესა ან მეცსრესა" (XIX; 34).

ექვსი ან რვათვიანი ბავშვი "დღენაკლულად" ითვლებოდა და მისი გადარჩენა შეუძლებლად მიაჩნდათ. ძვ. სამედიცინო ლიტერატურის მიხედვითაც: "და თუ რვა თუედ რშვას, უკუნისამდე დარჩომაი მისი არ ეგების....." (XXV; 17).

როცა ფესმძიმე ქალს მშობიარობის დრო მოუწევდა, სამშობიაროდ დედის სახლში მიდიოდა. ამ წესს განსაკუთრებით პირველ მშობიარობაზე იცავდნენ. ქალის დედის ოჯახში ოთახს საგანგებოდ დაასუფთავებდნენ. იმ ადგილას, სადაც ქალს უნდა ემშობიარა, დააფენდნენ ნაჭერს, ზედ დაყრიდნენ მიწას (თუ იატაკი მიწის არ იყო) და ჩაღას, რომ მშობიარობის დროს გამოყოფილი სისხლი მასზე დაღვრილიყო. იქვე დადებდნენ მუთაქას. ბებიაქალს ოჯახის რომელიმე წევრი, მეზობელი ან ნათესავი ქალი ეხმარებოდა. სასტიკად იკრძალებოდა "წესიანი" ქალის დასწრება, რადგან გადმოცემით, მას შეეძლო ზიანის მოტანა როგორც დედისთვის, ისე შვილისთვის. შემდეგ შემოიყვანდნენ

მშობიარეს, დააჩოქებდნენ. მუხლებს მუთაქაზე დაადებინებდნენ. დამსმარე ქალი წინ-მუხლებთან დაუდგებოდა, ალბათ ამიტომაც მას "მუხთბალიშ" უწოდებდნენ. საინტერესოა, რომ სამცხე-ჯავახეთში სამშობიარო ტკივილებზე იტყოდნენ: "სამუხლემ დააყარაო" (XXIV; 18). მშობიარე დამსმარე ქალს ხელებით კისერზე დაეკიდებოდა. დამსმარე დრო და დრო მუცელზე ხელს უსვამდა. მსუბუქ მასაჟს უკეთებდა. მუცელს დაუქერდა - "საშვილოსნომ გულზე არ დაარტყას".

ბებიქალი მშობიარეს ზურგიდან დაუდგებოდა. წელზე მასაჟს გაუკეთებდა. მუცელს დაიქერდა და ბავშვის მიწვევ-მოწვედა: იმოსრავს, იფართსალოს ბავშუშაო. თუ მშობიარობა გაქიანურდებოდა, იგი ქალს წამოაყენებდა, ოთახში გაატარებდა, ზოგჯერ იატაკზე გაშლილ ფარდაზე გადააგორ-გადმოაგორებდა. რასაც თითქოს უნდა დაეჩქარებინა და გაეადვილებინა მშობიარობის პროცესი.

ჩენი მასალა ანალოგიას პოულობს კარაბადინებში დაცულ ცნობებთან: "...როდესაც დედაკაცსა ტენა დაუწყოს, ხშირ-ხშირად წასძრან-წამოსძრან და როდესაც დაჯდომა უნდოდეს, სკამზედა დასეან..." (IX; 121).

სანაყოფო წყლების დაღვრის შემდეგ, მშობიარობა თუ ყოვნდებოდა, ბებიქალი მშობიარეს უკნიდან ზურგით მიეყრდნობოდა. მკლავებს მკლავებში გამოსდებდა და რამდენჯერმე გადაწევდა - წელი "მობუჟდესო". ან მუცელზე ხელს მაგრად დაუსვამდა - ზევიდან ქვევით "ჩაქნევდა", "ჩაბღერტავდა" - წელი და საშვილოსნო - გაიხსნასო.

თუ ეს არ უშველიდა, ხელზე ცხიმს ან საძონს წაისვამდა და საშვილოსნოს ყელის გახსნას შეეცდებოდა. მიუხედავად ამ ზომების მიღებისა, ასეთი მშობიარობა იოლად ითვლებოდა. მშობიარობა მძიმედ, რთულად მიაჩნდათ იმ შემთხვევაში თუ "ბავშვი მუცელში მრუდეთ" იყო, ე.ი. "ფესებით მოდიოდა". ამ დროს ბებიქალი მშობიარეს მუცელზე მასაჟს გაუკეთებდა, რითაც ცდილობდა ბავშვის შემობრუნებას.

ნაყოფის არასწორ მდებარეობაზე, რომელიც

გართულეებული მშობიარობის ერთ-ერთ მიზეზად ითვლებოდა. ძველ სამედიცინო წყაროებში კვითხულობთ: "და ესეც უნდა იცოდეთ. თუ მარტვილი (ჩვილი, ნ.გ.) ცალსა მხარსა წევს, ის მარტვილი უსათუოდ ადრე და ადვილად დაიბადების, და თუ მართლად და გაწონით უწევს და სწორად ბოქუენშიგა აქირებს, ის მარტვილი მწოედ ძნელად და სარჯელით დაიბადების" (IX: 120).

"ძნელად შობისა მიზეზი... ერთი მისგან კიდე, რომე მისგან ყმაწვილი უკუღმა მოვიდეს ფერდათკე ანუ გვერდით ანუ მუხლთაკე" (XIX: 152).

მძიმე მშობიარობის დროს ზოგჯერ ქალს ფარდაგში გაასვევდნენ და ფრთხილად გააგორებდნენ - "ბავში გასწორდესო", ან ტახტიდან გადმოასტუნებდნენ - "ადვილად დაიბადოსო", ან მშობიარეს ფეხებს აუწევდნენ, ერთად მიაწყობინებდნენ და კარებზე მიარტყმევიებდნენ - "ბავში ჩქარა დაიბადებაო". როდესაც ქალს ჭინთეები არ ჰქონდა, ხელში ცარიელ ბოთლს დააქერინებდნენ და შიგ ჩააბერინებდნენ, რომ ხელოვნური ჭინთვა გამოეწვიათ. იყენებდნენ აგრეთვე სითბურ საშუალებებს, მაგ., ფეხებს შუა ნაკვერჩხალს დაუდებდნენ, ან მაგრად მოხარშულ კვერცხს ცხელ წყალში ჩააგდებდნენ და დაუდგამდნენ, რომ: "ბავში ჩქარა წამოვიდესო". გარდა ამისა, მშობიარეს ტკბილ თაფლიან წყალს დააღვეინებდნენ - ძალას მისცემსო.

მშობიარობის გაადვილების მიზნით სითბური პროცედურის ჩატარების წესი აღწერილია ძველ ქართულ სამედიცინო ხელნაწერებში: "და ასრე უნდა როდესაც დედაკაცსა ტესა დაუწყოს და ტესა გაუძნელდეს აბანოშიგა აბანონ და ტანზედა და წელზედა ბევრი თბილ-თბილი წყალი დაასსან და თუ წელთამდისინ თბილს წყალში ჩასმენ და ბოქუენსა, მუცელსა და ზურგის მიივებსა (ხერხემალი, ნ.გ.) კარგად დაუშელენ, ისი ხჯობს". ან "...კიდეც ტესა დაუწყოს და გაუძნელდეს, სოიტანე ტუსტი (Althaea, ნ.გ.) და ან მალოქი (ბალბა, Malva, ნ.გ.) და ან თეთრი გვირილა, და თუ სამივე ერთად არის ისი ხჯობს, და წყლითა კარგად მოხარშონ, და

მტეხიარე ადამიანი წელთამდისი შიგ ჩასვან და მუცელი და ფერდები კარგად და ძალიანად ამოუზილონ. და ღვთისა შეწევნითა ადრე და უზიანოდ დაეხსნების და მორჩების" (LX: 121).

გართულებული მშობიარობის დროს ზოგჯერ მაგიურ ქმედებებსაც მიმართავდნენ, მაგ., გაიხსნიდნენ კალთას და იტყოდნენ: შენი წელი ასე გაიხსნასო. მოიყვანდნენ ისეთ ადამიანს, რომელსაც "გველ-ბაყაყი ყავდა დაშორებული". სოფელში გველს, რომელიც ბაყაყის შექმას ცდილობდა, გულგრილად არავეინ ჩაუფლიდა გვერდს, უეჭველად პირიდან გააგდებინებდა, რომ შემდეგ, საჭიროების შემთხვევაში სარგებელი მოეტანა ქალისათვის. ასეთი პიროვნება, ერთი მაინც, ყოველ სოფელს ჰყავდა. მას ქალის მუცელზე ხელს წაასმევინებდნენ და იტყოდნენ: ბაყაყი გაათავისუფლა. ქალიც ასე გაათავისუფლოსო. ამ შემთხვევაშიც იმიტაციურ მაგიასთან გვაქვს საქმე - გველის პირში მოთავსებული ბაყაყის განთავისუფლება - საშოდან ბავშვის გამოდევნის მსგავსად განიხილებოდა. იცოდნენ აგრეთვე თოფის გასროლა ავი სულების გასადევნად.

ზოგჯერ მშობიარე ქალის ქმარს გაუშვებდნენ სალოცავში, თან ხილაბანდს გაატანდნენ, რაც მას ღვთისმშობლის სატისთვის უნდა ესროლა და ეთქვა: შენი წელი ასე გაიხსნასო. აქაც მაგიურ ქმედებას აქვს ადგილი. ხილაბანდი, რომელიც სატზე სროლის დროს გაიშლებოდა მშობიარე ქალის "წელის გახსნის", ე.ი. დროული მშობიარობის გამომწვევ ქმედებად მიიჩნდათ, რასაც ადასტურებს ამ დროს წარმოთქმული სიტყვები. მეორე მხრივ კი, რა თქმა უნდა, ღვთისმშობლის ნაყოფიერების ფუნქციას ენიჭებოდა მნიშვნელობა.

იყო შემთხვევები, როცა ნაადრევი, მოულოდნელი მშობიარობის დროს ქალს ყოველგვარი მომზადებისა და ბებიაქალის დახმარების გარეშე უხდებოდა მშობიარობა. ასეთ დროს ის ხის დიდ გობს - "გეჯას" დადგამდა და იმაზე იმშობიარებდა.

მშობიარობის მსგავსი წესები მოწმდება ქვემო ქართლში მცხოვრებ სომხურ, ბერძნულ და მაჰმადიანურ მოსახლეობაში. სომეხი ბებიაქალი ქალს მუცელზე მასაჟს გაუკეთებდა. თუ ბავშვი შებრუნებულად იყო, მშობიარეს ჯერ "დაფერთსავდა" (ე.ი. გადაწევდა - "ჩაბღერტავდა", ისევე როგორც ზევით აღვწერეთ) და შემდეგ ბავშვს მასაჟით მოაბრუნებდა.

როდესაც ქალის მშობიარობის დრო მოაწევდა, მაჰმადიანები ბებიაქალთან ერთად მიმართავდნენ "ჯინდარჯის" (აღამიანს, რომელიც ავ სულებს ანუ ჯინს ებრძვის შელოცვებითა და ავეგაროზებით - "ჰამაილით". (ჰამაილი იგივე ნუსსა, ყურანის სათანადო ტექსტის ქალაღდზე დაწერილი ფრაგმენტია), რომ "ჰამაილი" გაეკეთებინა; ან "ჰამაილს" დროებით სსვისგან ითხოვდნენ.

მშობიარობის დროს თუ ქალი ცუდად გასდებოდა, გონებას დაკარგავდა, მას ყურებს დაუსულებდნენ და ზევით აუწევდნენ, თან თოფს გაისვრიდნენ ავი სულის - "ჯინის"* დასაფრთხობად. იტყოდნენ: სროლაზე ჯინი გაეცლება და ქალს გაანთავისუფლებსო. სროლის ხმაზე ქალი შეკრთებოდა და გონს მოვიდოდა. თუ მშობიარობის დამთავრების შემდეგ ისევ ცუდად იყო, გამოიყვანდნენ ცხენს და ქალის დასანახად აქმევდნენ ქერს, მათი შესედულებით, ამას მშობიარეზე კარგად უნდა ემოქმედა (IV; 4;).

ბერძნულად, ისევე როგორც ქართველები, მშობიარობის წინ, სამშობიარო ტკივილების შემსუბუქებისა და მშობიარობის გაადვილების მიზნით, ქალს მოსალული ქერის ტკბილ ფაფას აქმევდნენ. დასახმარებლად კი ფენმძიმე ქალი წმ. მარიამს მიმართავდა თხოვნით: კარგად მამშობიარე და ბავშვით შენს კარებზე მოვალო.

ქვემო ქართლში ჰავშკი დაიბადებოდა თუ არა, ბებიაქალი ქიპლარს ჩვეულებრივი მაკრატლით გადაქრიდა.

*ჰამაილიანთა შესედელებით ჯინი ადამიანის მსგავსია. თუ მას ვინმე დაინახავს და ნებას ჩაურჭობს, საშუალოდ მისი ტყვე გახდება.

შემდეგ ბამბის ან აბრეშუმის ძაფს მაგრად მოუჭერდა; შაქარს ან ნიგოზს პურის გულთან ერთად გაღეჭავდა, დაამრგვალებდა, ქიპზე დაადებდა და გადაუსვევდა; ან ფუტურო სის ფქვილს დააყრიდა და ბავშვს ქიპს ისე შეუკრავდა. ყველა ეს საშუალება ხელს უწყობდა ქიპის "მოკრეფა, მომშრალება, მოშუშებას", ე.ი. ქიპის სწრაფ და გაურთულებლად შეხორცებას და მოსალოდნელი "წყალმანკის" თავიდან აცილებას.

ხუთი, შვიდი, ზოგჯერ ცხრა დღის შემდეგ ქიპი თავისთავად ძვრებოდა. ქიპის მოვარდნის შემდეგ თუ ქიპის არე დასივდებოდა, უმარილო ყველს პურთან ერთად დასრესდნენ და ზედ დაადებდნენ. მომძვრალ ქიპს ინახავდნენ და სხვადასხვა ავადმყოფობის დროს ბავშვის სამკურნალოდ იყენებდნენ. მაგ., მუცლის ტკივილის დროს გამსმარ ქიპს წყალში ან დედის რძეში გალესავდნენ და ბავშვს დააღვინებდნენ (ამ მიზნით თხის გამსმარი ნაღველის გამოყენებაც იცოდნენ). თუ ბავშვი გაცივდებოდა ან ტანზე გამოაყრიდა, ქიპს წყალში ჩააგდებდნენ და ამ წყლით დაბანდნენ.

თუ ქიპს არ შეინახავდნენ, მაშინ ის მიწაში უნდა ჩაეფლოთ. მისი გადაგდება არ შეიძლებოდა - ცხოველს რომ არ შეეჭამა. ხალხი დიდ მნიშვნელობას ანიჭებდა იმას, თუ სად იყო ქიპი "დამარხული", ითვლებოდა, რომ ამას გარკვეული ზეგავლენის მოხდენა შეეძლო ბავშვის მომავალზე. მაგ., თუ მას სკოლასთან ახლოს ჩაფლავდნენ - ბავშვი "ნასწავლი" გამოვიდოდა; თუ ბაღში, რომელიმე ლამაზი ხის გვერდით - ლამაზი იქნებოდა; თუ სახლთან ახლოს - სახლი ეყვარებოდა და "არა გარე-გარე სიარული" და ა.შ. ამ შემთხვევაშიც, როგორც ვხვდავთ, იმიტაციაურ მაგიასთან გვაქვს საქმე.

ბავშვის მომყოლსაც ("ამხანაგი" - "ტყუპი") და საფენებსაც, ქალს მშობიარობის დროს რომ ეგო, მიწაში ღრმად ჩაფლავდნენ. "დამარხავდნენ", რომ ძაღლებს არ შეეჭამათ.

თუ მომყოლის გამოძევება გაძნელდებოდა, ბებიაქალი ქალს ბოთლში ჩააბერიანებდა, თან მუცელზე ხელს მოუჭერდა

და დააწვებოდა. იცოდნენ აგრეთვე ქიპლარზე ძველი ქალაქის ძაფით მიბმა - "მომყოლი გამოვიდესო".

ამგვარად თავდებოდა მშობიარობის პროცესი და იწყებოდა დედა-შვილზე ზრუნვის ახალი ეტაპი.

სამი დღე ქალი თივაზე უნდა წოლილიყო; შემდეგ ბებიაქალი მელოგინეს პატარა პუცელს აუწევდა, "თავშლით" შეუკრავდა, რომ "საშვილოსნო - სავაშლე დაბინავებულიყო" და საწოლში ჩააწვენდა.

ქალს თუ რაიმე სამშობიარო ტრავმა ჰქონდა, ბებია ქსოვილის ნაჭერს გადამდნარი ზეთისა და სანთლის ძალამოს წაუსვამდა. მტკივან ადგილს დაადებდა "მოსაშუშებლად" (ქვემო ქართლში მცხოვრები მაჰმადიანები პურის ფქვილში შეურევენენ "იარფუზის" [პიტნის მსგავსი მცენარეა, ქართული შესატყვისი ვერ დავადგინეთ, ნ.გ.] დასრესილ ფოთოლს და მტკივან ადგილს დაადებდნენ).

მშობიარობის შემდეგ, სისხლდენის შემთხვევაში, ქალს მუცელს მაგრად გაუკრავდნენ - "გაუკოჭავდნენ" და ისე დააწვენდნენ, რომ ფეხები შემალლებულად ჰქონოდა, ან ფეხებს "კირის წყალში" ჩააყოფინებდნენ, ან ფარსმანდუკის - მელიკუდას (*Achillea millefolium* L.) და ჭინჭრის (*Urtica urens* L.) ნაყენს ასმევდნენ და სხვა.

მშობიარობის დამთავრებისთანავე ბებიაქალი ბავშვს ფეხებით დაიჭერდა. თუ ბავშვი "დაბნედილი" - "გაგუდული" დაიბადებოდა, მას სახეში ან საჯდომზე ხელის დარტყმით მოაბრუნებდა. შემდეგ, თბილ ან "ნათლის" ნაკურთხ წყალს შეასწურებდა და იტყოდა:

სუქ-სუქო!

დათვი მჭლე და შენ მსუქანიო,

გაივსე და გახაშხაშიდი,

შეგემატოს დღე და ჯანიო.

დაბანის შემდეგ ბავშვს კისერზე, ბეჭებზე, ილიებში და საზარდულებში აუცოლებლად მარილს დააყრიდნენ, რომ არ გამოეყვლოდა, იტყოდნენ: "არ გამოეყვლება და მაგარი იქნებაო". თუ ახალშობილი ხუსტი - "ბოშე" იყო, მას ყოველ

დაბანასე წყალში მარილს უყრიდნენ გამაგრება-გაკაყებისთვის. ბავშვს 40 დღის განმავლობაში ყოველდღე აბანავენდნენ გობში. წყლიდან ამოყვანის შემდეგ, ნაბან წყალს სამჯერ შეაპკურებდნენ და სანამ არ ჩაიძინებდა, წყალს არც გაანძრევდნენ და არც გადაასხამდნენ, რომ ბავშვს "ტკბილი ძილი ჰქონოდა".

მაჰმადიანი მოსახლეობის ეთნოგრაფიული მასალის მიხედვით ბავშვს დედა 40 დღე შემდეგნაირად აბანავენდა: 40 ცალ ქერის მარცვალს ჩააგდებდა წყალში, შემდეგ ამ წყალს სუფრის კოვზით ბავშვს თავიდან ბოლომდე ორმოცჯერ გადაასხამდა.

დაბანის შემდეგ ბებიაქალი ჩვილს მაშინვე საჩვენებელი თითით ყელს ამოუხელდა, "სასას აუწევდა", რომ ძუძუს წოვის დროს "სასა არ ჩამოსვლოდა". შემდეგ მიტკლის ხილაბანდში (XXIII) - "ბარულაში" (XXII) - "ფალასებში", რბილ ნარეცხ ნაჭრებში გასვეულ ბავშვს "სოჭიჭზე"* მოათავსებდა და დედას გვერდზე ან ფეხებთან მიუწვენდა. ბავშვის სოჭიჭში ყოფნის დრო ჭიპის მოვარდნით განისაზღვრებოდა, ე.ი. დაბადებიდან ერთი კვირა - ათი დღე.

ჭიპის მოვარდნის შემდეგ ბავშვი აუცილებლად აკვანში უნდა გადაეწვინათ. აკვანს შემდეგნაირად გააწყობდნენ: თავდაპირველად ჩადებდნენ "ჩალახეშს" (საბას მიხედვით: ჩვილის საგებელი, აკვანის საგებელი), რომელიც ჩვეულებრივ ტბის პირებზე დაკრეფილი მცენარეების, როგორც ჩანს, ლერწამის ან "წმინდა" რბილი თივის პატარა ლეიბს წარმოადენდა. გამოიყენებოდა აგრეთვე მატყლის ან ბამბის "ჩალახეშიც". თუმცა უპირატესობა ჩალისას ეძლეოდა, ვინაიდან უფრო გრილი იყო და ბავშვს არ "ჩაახურებდა".

ჩალახეშზე მაგრდებოდა შიბაქი, ბიჭისა და გოგოს შიბაქი ფორმით განსხვავდებოდა. ვისაც შიბაქი არ ჰქონდა, შავ მიწას ნაჭერში გამოკრავდნენ, გაასწორებდნენ, მისცემდნენ

*"სოჭიჭი" იყო ხწორი ფიცარი, რომელსაც აკვანით პატარა ფეხები ჰქონდა. სულხან საბას მიხედვით "მცირე აკვანი" (XVII).

პატარა ლეიბის ფორმას და ჩალასეშე დადებდნენ. შარდის გაწოვის მიზნით, ზევიდან მიტკლის ზეწარს - "ჩარსავს", "ჩარსაფს" გადააფარებდნენ, რომელსაც შეიძლება ირგვლივ არ შიაც კქონოდა მოყოლებული. შემდეგ ჩადებდნენ "მხართბალიშს" (პატარა ბალიში), ბავშვს ბექები რომ დაედო. გადმოცემით, ის სერხემლის სისწორეს უწყობდა ხელს, "კუზიანი არ გაიზრდება, თავი კი მრგვალი და ლამაზი ექნებაო".

ბავშვს ნაქერში მაგრად შეახვევდნენ და აკვანში ჩააწვენდნენ. ფეხების სისწორის მიზნით, მუხლებზე "მუსთბალიშს" დაადებდნენ, ზევიდან კი "არტახს" (საბასთან - "არტახი" - ბრტყელი და მაგარი შესაკრავია) გადააკრავდნენ, რომ ფეხები არ ტკენოდა. მეორე არტახს ბავშვს მკერდზე გადააკრავდნენ. არტახი ორმაგი ნაქრისგან იკერებოდა, რომელსაც ცალ მხარეს ღილ-კილო კქონდა, მეორე მხარეს ნაქერი აკეცილი იყო, რომ შიგ შამფური ან "წმინდა" სუფთად გათლილი ჯოხი გაყრილიყო. ბავშვს სახეზე პირსახურავს, ტანზე კი მატყლისაგან შეკერილ საბანს დააფარებდნენ.

აკვანი ბავშვის ჩაწვენისას ცარიელი არ უნდა ყოფილიყო. თავთან და ფეხებთან ორ-ორ ახალ გამომცხვარ წმინდა ზორბლის პურს - "მუსლის პურს" დაუდებდნენ, რომ ბავშვი "სავსე", "თვალმაძლარი", "დოვლათ-ქონებიანი" ყოფილიყო და სიღარიბე არ ენახა; პურ-მარილიანი გამოსულიყო და შიმშილი არ ცოდნოდა. სამი ან შვიდი დღის შემდეგ "მუსლის პურს" ბებიქალს გაატანდნენ. ბავშვს გვერდზე ერთ ჯამ ფქვილს და ერთ ჭიქა მარილს ჩაუდებდნენ: "ბარაქიანად ყოფილიყო და მუდმივად პურმარილი კქონოდა". ზოგჯერ, იმავე მიზნით, მარილს და წყალს აკვნის ქვეშ დადებდნენ.

აკვნის საგანგებოდ აღჭურვის შემდეგ იმართებოდა ბავშვის ჩაწვენის რიტუალი, რომელსაც ბებიქალს ან "ვინმე სნიერ დედაკაცს" შეასრულებინებდნენ.

ბავშვს აკვანში აუცილებლად - "სავსე" - "ბადრ" მთვარეზე ჩააწვენდნენ, რომ ის მომავალში ბედნიერი ყოფილიყო, კარგი ზრდა და "სავსე ჯანი" კქონოდა; დღეც უნდა შერჩეულიყო. "კარგ დღეებად" - სამშაბათი, ხუთშაბათი და

შაბათი ითვლებოდა.

ხალხის შეხედულებით, ახალდაბადებულ ბავშვს და მელოგინეს განსაკუთრებით ერჩოდნენ ავი სულები. ამავე დროს ჩვილი ადვილად "იღებდა" როგორც ცუდ თვალს, ისე კარგ-
"სიყვარულის" თვალსაც, რასაც დიდი ზიანის მოტანა შეეძლო მისთვის. "კარგ, სიყვარულის თვალად" ითვლებოდა დედის ან ბებულის თვალი, ადგილობრივთა გადმოცემით, სწორად დედა ან ბებია, როგორც კი ბავშვზე რაიმე კარგს გაიყიქრებდა ან იტყოდა, ეს ბავშვი მაშინვე აყად გახდებოდა ან მას რაიმე ფათურაკი შეემთხვეოდა.

ავი სულების ასეთ დაინტერესებას დედა-შვილით ადგილობრივი მოსახლეობა ხსნიდა ერთი მხრივ ქალის უწმინდურობით 40 დღის მანძილზე, განწმენდის რიტუალის ჩატარებამდე, მეორე მხრივ - ბავშვის მოუნათლაობით 40 დღემდე. მისი მონათვლა 40 დღის შემდეგ ერთ წლამდე ნებისმიერ დროს შეიძლებოდა. რაც უფრო ადრე მონათვლებოდა უკეთესი იყო, რადგან მონათლული ბავშვი, ხალხის წარმოდგენით, დაცული იქნებოდა ავი სულებისგან. მონათვლამდე კი ავი სულები ბავშვს ძალიან ერჩოდნენ და ამიტომ მათ საწინააღმდეგოდ ამ პერიოდში სხვადასხვა მაგიურ ქმედებას მიმართავდნენ.

ადგილობრივ მკვიდრთა წარმოდგენით ავი სულებს რკინა ეჯავრებოდათ. ამიტომ არტახში შამფურს უყრიდნენ; თან არტახი მძიმდებოდა და ბავშვს განძრევის საშუალებას არ აძლევდა. ავი სულების დასაფრთხობად კიშქარზე ან ხახლში შესასვლელ კარებზე ცხენის ნალის მიმაგრებაც იცოდნენ, "ავი ქარი" (ავი სული) შინ რომ არ შესულიყო.

როგორც ცნობილია, რკინა და რკინისაგან დამზადებული საგნები, განსაკუთრებით კი იარაღი ავი სულების საწინააღმდეგო ერთ-ერთ უნივერსალურ წარმოდგენს.

ამასვე გვიდასტურებს ხალხური ზეპირსიტყვიერებაც: "ეშმაკმა თქვა, სადაც თბილი საბანია, ნახე ჩემი ბაბანია, საცა ხმალი შიშველია, მე იქ ვერას გიშველია".

გადმოცემით, ავი სულს - ავი ქარს უყვარდა წითელი ფერად.

შავს კი არ ეტანებოდა. ამიტომაც "ჩალასეშის" ქვეშ შეეტარიან დანას ან მაკრატელს ამოდედნენ. ბავშვს თავქვეშ შავ ნაჭერს დაუდედნენ, რომელსაც ძილის დროს თვალებზე დააფარებდნენ. ნასშირს, ერთ ნატეხ შაქარს და ერთ ლუკმა პურს ერთად გაახვევდნენ და აკვანს დაჰკიდებდნენ ავი ქარის მოსაგერიებლად. იმავე მიზნით ბავშვს თავთან გამსმარი ღორის დინგს ჩამოუკიდებდნენ. აკაკის - "ჰაკაკის" (Celtis) ხისგან ჯვარს გამოთლიდნენ და აკვანზე მიამაგრებდნენ. გარდა ამისა, აკვანზე აუცილებლად უნდა დაეკიდათ "ჩანჩხურა" - "სათვალღვინჭილა". ეს იყო მძივების ასსმა, რომელშიც შედიოდა: "სათვალე მძივი" - (გიშერივით შავი თეთრწერტილიანი ან თეთრლაქიანი მძივი)*, "შვიდ კვირამალზე [შაბათ საღამოს] შელოცვილი" მრგვალი გიშრის მძივი; "შელოცვილი ღვინჭილა" - "ლოკოკინა მძივი" (უსწორმასწორო, უფრო სშირად ნიჟარების ასსმა); "ჭიაყელა მძივი" (ტყეში პოულობდნენ) თავი ვიწრო, ბოლო განიერი და სქელი, მთელ სიგრძეზე ჩაჭრილი და ორივე მხარეს ხერხისებრი "მძივების" ასსმა (V; 5); ქარვის მძივი და სხვა.

ადგილობრივთა განმარტებით, ჩვილს მძივების ასსმა ავი თვალისაგან იცავდა და კიდევ ართობდა.

ბავშვს მშვიდი ძილი რომ ჰქონოდა, ნაჭერში გამოკრულ "ასკილის გონჯს", რომელსაც "ძილისგუდასაც" ეძახდნენ (მთხრობელთა აღწერით: "მუწეკვივით არის ხეზე გამოყრილი"), თავთან დაუკიდებდნენ. ამგვარად აღჭურვილ აკვანში ბებიაქალი ბავშვს შემდეგი სიტყვებით ჩააწვევდა: "ღმერთო! შენ დასწერე შენი წმინდა ჯვარი".

თუ ბავშვი ვერ იძინებდა, შფოთავდა, ითვლებოდა, რომ მას ავი სულელები არ ასვენებდნენ. ხალხის რწმენით, მათი განდევნა მხოლოდ მაგიური ქმედებით შეიძლებოდა, რისთვისაც შავი კატის ბალანს და ნივრის ფოჩის დაყრიდნენ კრამიტზე, წაუკიდებდნენ

*ერთ-ერთმა ანთროპოლოგმა შემდეგი ცნობა მოგვანოდა: "ჩემს შვილს 'სათვალე' მძივი აკვანზე გაწესდა. ეს ძალიან კარგია, რადგან აღარასოდეს მიიღებს თვალს" (VI; 22).

ცეცხლს. აკენის ქვეშ დადებდნენ და "უბოლებდნენ" "უსრჩოლებდნენ": ან საკმელს დაწვაოდნენ და ჯერ აკენის ირგვლივ შემოატარებდნენ, შემდეგ ქვეშ დაუდებდნენ და "შეუბოლებდნენ": ან ცეცხლზე დაყრილ შაქარს "შეუსრჩოლებდნენ". ამ შემთხვევაში ცეცხლთან ერთად მაგიური ძალა ენიჭებოდა შავ კატას, ნიორს, სანთელსა და შაქარს.

ხალხის შეხედულებით, ავი ქარი იგივე ავი ანგელოზია: ეშმაკისეულია, რომელიც კვირის ცუდ დღეებში, განსაკუთრებით კი ოთხშაბათსა და პარასკევს, დღეში სამჯერ: დილით, შუადღეს და საღამოს ქარივით დადიოდა. საერთოდ საღამო, მზის ჩასვლის შემდგომი პერიოდი, ავსულთა აქტიურობის ხანად ითვლებოდა. აღნიშნულის გამო კვირის ცუდ დღეებში და დღე-ღამის ზემოხსენებულ მონაკვეთებში ბავშვის ვარეთ გაყვანას ერიდებოდნენ, ან გაყვანისას ტანსაცმელში აუცილებელ ნივთებს (შავტარიანი დანა, მაკრატელი და სხვა) ჩაუდებდნენ. ბავშვს კაკლის ან მუხის ხის ქვეშ არ გაატარებდნენ, რადგან ხალხის რწმენით ავი ქარი ამ ხეებზე ბუდობდა და შეიძლებოდა ბავშვს იქიდან რაიმე დაავადების სახით აპყოლოდა.

ყველა შემთხვევაში აღწერილი საშუალება, როგორც აღვნიშნეთ, გამოიყენებოდა ბავშვზე ავი ქარის შემოქმედების თავიდან ასაცილებლად და წარმოადგენდა ერთგვარ პროფილაქტიკას. როცა ეს საშუალებები არ "ჭრიდა" და ბავშვი მაინც ავად ხდებოდა, ამ დაავადებას ადგილობრივი მოსახლეობა უმეტესწილად "ავ ქარს" მიაწერდა.

ქვემო ქართლში ჩვენ მიერ ფიქსირებული მასალა საშუალებას გვაძლევს ავი სულის, ავი ქარისაგან გამოწვეულად მიჩნეული დაავადებები და მათი მკურნალობის ხალხური საშუალებები პირობითად სამ ტიპად დავყოთ.

I - მსუბუქ ფორმას ახასიათებდა: სიცხე, სისუსტე, ჭირვეულობა.

ჭირვეულ ბავშვს "ძილისგუდა ჭიას" ("მუხლუხოსავით" ჭიას, ფოთლებზე დადის (V; 7)) დაუდებდნენ თავთან

დასაძინებლად. მტირალა. "გაანჩხლებულ" ბავშვს სშირად დედის რძეში არეულ მცირე რაოდენობის დაფქული საშხაშის თესლის მსუბუქ ნაყენს დააღვეინებდნენ დასამშვიდებლად.

II შედარებით რთულ ფორმას ახასიათებდა ბავშვის ფერის შეცვლა: გაშავება-გალურჯება, ჩაბუირებამდე ტირილი, პირიდან დუჟი - "ბუჟი". დადამბლაგება - "დამონაგება". ასეთ შემთხვევაში: ბავშვს თავზე ლურსმანსა და კვერცხს შემოავლებდნენ, ლურსმანს იმ ადგილას ჩაარჭობდნენ, სადაც ბავშვი ცუდად გასდებოდა და კვერცხს ზედ დაახლიდნენ; სამი დღე და ღამე გააჩერებდნენ და თან ავი ქარის შელოცვას იტყოდნენ. შემდეგ ღმერთს ახსენებდნენ: "გამჩენო ღმერთო! შეელა შენ მიეცი". ან ბავშვს სახეზე შავ ნაჭერს გადაათარებდნენ ისე, რომ მის სახელს არ ახსენებდნენ.

იმ ოთახში, სადაც ბავშვი იწვა, კრამიტზე დაყრილ შაქარს, შავი ქათმის ბუმბულსა და ძაღლის ბეწვს ცეცხლს მოუკიდებდნენ და ირგვლივ "უბოლებდნენ", რომ სუნი დატრიალებულიყო, რაც თითქოს ავ ქარს ეჯავრებოდა, თან შეულოცავდნენ, რის შედეგად, როგორც ამბობდნენ, ავი სულები ავადმყოფ ბავშვს დატოვებდნენ.

ვინაიდან ავი ქარი ბავშვს ბეჭებზე, ხელის და ფეხის გულეებზე, იღლიებში და ყურის ძირებში "არტყამდა" - აღურჯებდა სუთი თითის ანაბეჭდივით, ამიტომაც ამ ადგილებში ძმარში გახსნილ ლილას უსვამდნენ.

თუ ამ ქმედებების შედეგად ბავშვი ამოაღებინებდა, კარგი იყო, იტყოდნენ: "ყველაფერს (ე.ი. ავ ქარსაც, ნ.გ.) აძოიდებსო" და გადარჩენის იმედიც უჩნდებოდათ.

ბავშვის ჭირვეულობა როდესაც დიდხანს გრძელდებოდა, მიმართავდნენ მოლას, რომელიც იძლეოდა "სამ პატარა დაწერილ ქალაღდს", ამას "მოლის ქალაღდს" ეძახდნენ. ერთ ქალაღდს დილით ჩააგდებდნენ წყალში და ამ წყალს ბავშვს დღეში სამჯერ დააღვეინებდნენ. ზოგჯერ მოლას დაწერილ ნაჭერში გამოხვეულ ქალაღდს ბავშვს ყელზე ჩამოკიდებდნენ ან ბალიშის ქვეშ ამოუდებდნენ.

ადგილობრივთა გადმოცემით, ზემოაღნიშნული

"მკურნალობა" ბავშვზე კარგად მოქმედებდა, მას ამშვიდებდა, აწყნარებდა და შეიძლება ერთი-ორი წელიწადი ასეთი შეტევა აღარ ჰქონოდა, ხოლო თუ გაუქმორებდა, მაშინ "მკურნალობას" ისევ გაიმეორებდნენ.

III ფორმაში შეიძლება გავაერთიანოთ ის მძიმე შემთხვევები, როცა ბავშვის გადარჩენა პრაქტიკულად ვერ ხერხდებოდა. მის სიმპტომებად მიაჩნდათ: გაშავება და ბექებს შუა ხუთი თითის ანაბექედი, რომელიც ავი ქარის ხელის ანაბექედად იყო მიჩნეული.

ქვემო ქართლში დიდი ყურადღება ექცეოდა ბავშვის სწორ კვებას. მის ძირითად საკვებს დედის რძე წარმოადგენდა, რომელსაც იგი 2-3 წლის მანძილზე იღებდა. დედა ბავშვს ძუძუს დაბადებისთანავე აძლევდა. რამდენიმე დღე სანამ ქალს რძე მოუვიდოდა ჩვილი ხსენით იკვებებოდა.

ბებიქალის მოვალეობას წარმოადგენდა მშობიარობის შემდეგ (ზოგჯერ მშობიარობამდე) ქალის ძუძუს დამუშავება. ბავშვის კვების წინ იგი მელოგინეს სველი საპნიანი ტილოთი ძუძუს თავს მსუბუქად დაუსვლდა. შემდეგ თბილი წყლით კარგად მობანდა; ბავშვს ლოგინში ჩაუწვენდა, ჩვილს თავს თვითონ დაუქერდა - ძუძუ მოხერხებულად რომ ჩაედო პირში და ადვილად მოეწოვა. ხსენის მოწოვა აუცილებლად ითვლებოდა, რომ "ძუძუ გახსნილიყო". იმის შიშით, რომ ქალს რძე არ გაშრობოდა - "საწოვარი (რძე) არ გადავარდნოდა", "რძე უკან არ გაბრუნებოდა", ძუძუს სხვასაც (ბავშვს ან ზოგჯერ მოზრდილსაც) მოაწოვებინებდნენ. ასე გრძელდებოდა სამი დღე, ვიდრე ქალს რძე მოუვიდოდა. მანამდე კი, როცა ბავშვს მოშივდებოდა, რადგან ხსენი ნოყიერებას მოკლებული იყო, მარლაში (დოლბანდში) გაწვეულ პურთან ერთად გაღვჭილ შაქარს აწოვებდნენ, იტყოდნენ: სიტკბო ჩაუვიდესო.

როდესაც დედას რძე არ ჰქონდა, ბავშვს ძროხის ცხიმგაცლილ რძეს აძლევდნენ. რძე ერთი და იმავე ძროხისა უნდა ყოფილიყო, რომ ბავშვზე რძის შეცვლას ცუდად არ ემოქმედა - კუჭი არ აშლოდა და სხვა.

მელოგინის საკვებზე ზრუნვა არანაკლებ მნიშვნელოვანი

იყო, რადგან ეს განსაზღვრავდა ქალის ჯანმრთელობას, რძის მოყვანას. უფრო მეტიც, არსებობდა შეხედულება, რომ თუ მელოგინე იტყოდა: "მშიაო"- მთელი ქვეყანა დაიმშეოდა. ე.ა. მელოგინეს "მოშიება" არ შეიძლებოდა. ამიტომაც ცდილობდნენ მას საჭმელი არ მოკლებოდა.

დაკარგული ენერჯისა და ჯანმრთელობის აღსადგენად საუკეთესო საკვებს "ხავიწი" წარმოადგენდა, რადგან ხალხის აზრით, მშობიარობის შემდეგ ქალს "იარა გულ-მუცელში კქონდა" და შეიძლებოდა მუცლის "ჩსვერა (ტკივილი) ასტეხოდა". მიაჩნდათ, რომ "ხავიწი" იარას აღბობდა - აშუშებდა. მისი დამზადების წესი თითქმის ერთნაირი იყო, ერბოში ჩაყრიდნენ ხახვს, პურის ფქვილს და ერთად მოშუშავდნენ, ან შავ ღვინოს, ცოტა წყალს და პურის ფქვილს ერთად მოადუღებდნენ და ერბოს დაუმატებდნენ.

გარდა ამისა, ქალს სამი დღე ერბოკვერცხს მიცემდნენ. ცივ წყალს არ დააღვევინებდნენ, მხოლოდ თბილ, გადადუღებულ წყალს ასმევდნენ, რომ "გულ-მუცელი თავის ადგილზე დამდგარიყო". აძლევდნენ აგრეთვე შავი ღვინის კისელს.

ამავე დროს ქალს ეკრძალებოდა მთავე და მწარე საკვების მიღება, ითვლებოდა, რომ ეს ცუდად იმ, ქმედებდა როგორც ქალის ორგანიზმზე, ისე ბავშვზე, იტყოდნენ: "ბავშვს თვალები დაეწირპლება", ქალს არიდებდნენ აგრეთვე - კარტოფილიანი კერძისა და ვაშლის ჭამას. ამბობდნენ, რომ მშობიარობის შემდეგ ქალს საშვილოსნო-"სავაშლე" (ზოგი მთხრობელი სავაშლეს - საკვერცხესაც ეძახის) უზიანდება და თუ ვაშლს შეჭამს, მას "სავაშლე დაებერება და ასტკივლებათ".

რძის მოსაყვანად ჩაის დააღვევინებდნენ, ან რძეში არეულ კარაქსა და ფქვილს მისცემდნენ.

ძველი ქართული სამედიცინო ლიტერატურა რძის მოსაყვანად შემდეგ რჩევებს იძლევა: "და თუ სძე ცოტად ედგას ცერეცოდსა თესლი და ნესვისა თესლისა წყალი ჯულაბსა გარიონ და იხმარებოდეს, და მიწყით თხისა და ფურისა სძესა თეთრითა შაქრით ჭამდეს, და შორაბასა მუხუდითა და ხახვითა

და ცერეცონსა თესლითა და ბადიანითა შექნილსა ჭამდეს..." (XXV; 36).

ქალის მკერდზე ზრუნვა ფესმძიმობიდანვე იწყებოდა. ძუძუს თავებს უმი ხახვით უსუელდნენ. თუ ასალ ნამშობიარევს ძუძუ მანც გაუმბარდებოდა, მიმართავდნენ სხედასსვა მეთოდს: პირველად, როცა ძუძუ გაუწითლდებოდა, დაუსივდებოდა - "სიმსივნე ექნებოდა", კოკით წყალს მიუტანდნენ, ძუძუს თავს კოკაზე დაადებინებდნენ და ხის საეარცსლით ზევიდან ქვევით დაუეარცხნიდნენ (საეარცსლის მაგივრობას ზოგჯერ თხუნელის გამსმარი ფეხიც ასრულებდა), რადგან ითვლებოდა, რომ ქალს ბეწვი ქონდა ჩაყოლილი და საეარცსელს უნდა გამოეტანა. თუ "სიმსივნე" არ დაცხრებოდა, დაადებდნენ - კომბოსტოს ფურცელს ან ხახვს, შინდის ან ქერის ფაფას, რძეში მოხარშულ ხახვს. იცოდნენ მრავალძარღვას დადებაც, ეს საშუალებები გამწოვად ითვლებოდა, კომპრესის მოვალეობას ასრულებდა, თუ ეს არ უშეელოდა, მაშინ დაადებდნენ რძეში მოხარშულ ხახვს ან მრავალძარღვას ფოთოლს "გამოსაპირავად", გამოსარწყავად კი ხმარობდნენ ფისიანი თაფლისა და თამბაქოს, ან კვერცხის გულისა და ერბოს ნარევს, პურის საფუარში - "ხაშში" ჩაფხკვილ სარეცხის საპონს; ერთად გადადუღებულ ერთ წილ ერბოსა და სანთელს, ან მუხესუმზირის ზეთსა და სანთელს, რომელსაც კვერცხის გულს შეურევდნენ. მთხრობელთა გადმოცემით, ეს მალამოები დამწიფებასა და გამოპირვასთან ერთად ხელს უწყობდა იარის სწრაფ შესორცებას.

მაჰმადიან მოსახლეობაში ჩირქის "გამოსატანად" ცხვრის დუმაც იხმარებოდა.

დასასულებულ მალამოებს ხმარობდნენ დაირავებული ძუძუს თავის მოსაშუშებლადაც. სუფთა ქსოვილზე წაუსვამდნენ, ძუძუს თავს შემოადებდნენ, ზევიდან კი კაკლის ნაჭუჭის ნახევარს წამოაცმევდნენ, რომ ნახვევს არ ემოძრავა.

თუ მდგომარეობა გართულდებოდა, ე.ი. ჩირქი არ გმოვიდოდა, მიმართავდნენ მარტივ ქირურგიულ ოპერაციას (პუნქციას): ქირურგიული ჩარევა უმეტესად დალაქების საქმე იყო. მსგავს მანიპულაციას ხშირად ბებიქალებიც ატარებდნენ.

ქვემო ქართლში მცხოვრებ მაკმადიანურ მოსასლეობაშიც მკერდის მოვლა ბებიაქალის მოვალეობას წარმოადგენდა. იგი ზემოადწერილი "პუნქციის" ჩასატარებლად წინდის გასურებულ ჩსირს სმარობდა.

ოპერაცია შემდეგი თანმიმდევრობით მიმდინარეობდა: მკურნალი (დალაქი ან ბებიაქალი) დაჩირქებულ ძუძუს პიტნის ნაყენით ან საპნიანი წყლით მობანდა და ნესტარის (ლანცეტის მსგავსი დანა) დარტყმით პირს გაუწსნიდა ჩირქის გამოსაპირავად. შემდეგ ფიჭიდან წვერიან სანთელს "ფითილს" გააკეთებდა, მალამოს წაუსვაძდა და ჭრილობაში ჩადებდა (იმავე მიზნით გასანთლულ ბამბასაც იყენებდნენ). ამ საშუალებების დანიშნულება ჩირქის ამოღება იყო, ამავე დროს იგი ხელს უშლიდა იარის სწრაფ "პირის მოკვრას" - შესორცებას. სანთელს სშირად უცვლიდნენ. ასე გრძელდებოდა იქამდე, სანამ ჩირქი მთლიანად არ ამოვიდოდა.

შემდეგი ეტაპი ქრილობის მოშუშებას, შესორცებას, "ხორცის მოყვანა-მოქსოვას" ითვალისწინებდა. ზემოთ ჩამოთვლილი მალამოები ამ მიზნითაც გამოიყენებოდა.

მელოგინე ქალზე ზრუნვა 40 დღის განმავლობაში, ჩვეულებრივ, ოჯახის წევრთა საქმეს წარმოადგენდა. პირველი კვირის გამოკლებით, როცა ამ მოვალეობას ბებიაქალი ასრულებდა ყოველდღიურად (დედა-შვილის დაბანა, ბავშვის საკვებზე ზრუნვა, ძუძუს დამუშავება და სხვა). მაგრამ, თუ ქალს მომვლელი არ ყავდა (დედამთილი, და ან სხვა), ის თხოვნით მიმართავდა ბებიაქალს - 40 დღის მანძილზე დახმარება გაეწია მისთვის.

ახალნამშობიარებ ქალს სამი დღის მანძილზე საწოლში არ დააწვენდნენ - "სამი დღე ჩალაზე ეგდებოდა". შემდეგ ბებიაქალი მელოგინეს დაბანდა, პატარა მუცელს აუწევდა და "თავშლით" შეუკრავდა, რომ "საშვილოსნო დაბინავებულიყო". მას მელოგინე კვირაში ორჯერ მაინც უნდა დაებანა. ეს მისი მოვალეობა იყო.

ხალხის შეხედულებით, საშვილოსნო - "სავაშლე" მშობიარობის შემდეგ "მოფუტკნული (მოუშუშებელი,

დაუმცხრალი) იყო და დადიოდა (მოძრაობდა, ნ.გ.), 40 დღე ადგილას არ დადგებოდა", ამიტომ მელოგინე უნდა წოლილიყო. საქმეს მორიდებოდა, რადგან ნსგავსად "წესიანი" ქალისა, სისხლის დენის გამო, ისიც უწმინდურად - "მურტლად", "მურდლად" ითვლებოდა.

ამიტომ არსებობდა გარკვეული სახის აკრძალვები, რომლებიც მელოგინეს და მისი ოჯახის წევრებს მკაცრად უნდა დაეცვათ: თუ 40 დღის მანძილზე ქალი მაინც წამოდგებოდა, მას პურს არ გამოაცხობინებდნენ, სადილს არ გააკეთებინებდნენ, რადგან მისი გაკეთებული "უწმინდურად" მიაჩნდათ. კერძს და ცომს საერთოდ არ მიაკარებდნენ. ყანაში არ გაუშვებდნენ: "ბარაქა გაწყდებო", ქასთან არ მიუშვებდნენ: "წყალი დაშრებო", საქონელსაც მორიდებდნენ რძის დაშრობის შიშით. მელოგინისთვის მთელი - "საესე" პურის მიწოდება ხელში. არ შეიძლებოდა. პურს გატეხავდნენ და საწოლთან ახლოს სკამზე დაუდებდნენ.

ცდილობდნენ, ორმოცი დღის მანძილზე მელოგინე გარეთ არ გაეშვათ, რომ ავი ქარი არ "შესვედროდა". თუ მაინც მოუხდებოდა გასვლა, რაიმე რკინა უნდა ჰქონოდა ხელში (დანა, შამფური და სხვა). იქ, სადაც მელოგინე იწვა, კარებთან ცეცხლს დაანთებდნენ, ან კრამიტზე დაყრილ ნაკვერჩხალს დადგამდნენ, იცოდნენ ცოცხის მიყუდებაც. მასთან საღამოს შესული ადამიანი შესასვლელში ასანთს გაკრავდა, რომ ავი ქარი დაეფრთხო და ოთახში არ შეყოლოდა. ეს წესი განსაკუთრებით მამაკაცებს უნდა დაეცვათ, ითვლებოდა, რომ ავი ქარი მათ უფრო მეტად "დასდევდა". ოთახში ნასვამი და მითუმეტეს მთვრალი კაცის შესვლა მელოგინესთან აკრძალული იყო.

როგორც ვხედავთ, ეს მაგიური ქმედებები მიმართული იყო ავი ქარის საწინააღმდეგოდ, რომელსაც ადგილობრივ მკვიდრთა წარმოდგენით, დიდი ზიანის მოტანა შეუძლო მელოგინისათვის. აღწერილი გვაქვს შემთხვევა, როცა მშობიარობიდან ორი კვირის შემდეგ ქალი გაგიჟდა. სოფელმა მელოგინეს გაგიჟება ნათესავ ქალს დააბრალა, რომელსაც თითქოს მელოგინეს ოთახში ავი ქარი შემოჰყვა. სწორედ ასეთი

შემთხვევების თავიდან ასაცილებლად, ბებიქალი მელოგინესთან არავის შეუშვებდა. რა თქმა უნდა, ეს აკრძალვები მელოგინეს პირველ რიგში ინფექციისაგან იცავდა.

ძველ სამედიცინო ხელნაწერში ვსვდებით შემდეგი სახის ცნობას: "...შესაყარი სნეულება ისე ჩქარა არავის შეეყრება, როგორც მშობიარეს და ისე საშიში არავისათვის არის, როგორც იმათათვის" (XI). ეს, თავისთავად სწორი შესვდულება ხალხშიც იყო გავრცელებული, თუმცა განსწავებით ძველი სამედიცინო წიგნებისაგან, სადაც მელოგინეს დასნეულების საშიშროება სავსებით რეალურად არის წარმოდგენილი, ხალხური ასხნა ამ შემთხვევაში ირეალურ გააზრებას ვერ სცილდება.

40 დღის მანძილზე მელოგინესთან დაკავშირებული აკრძალვები სშირად უფრო მკაცრი იყო ქვემო ქართლში მცხოვრებ მაჰმადიანურ მოსახლეობაში, მაგ., არ შეიძლებოდა ოჯახში ზორცის, ან ყვითელი ფერის რაიმე ნივთის შეტანა (ყვითელი ყუავილი, მძივი და სხვა), ითვლებოდა, რომ ბავშვი მოკვდება, დედა კი გაყვითლდებაო. მელოგინესთან არავის შეუშვებდნენ, თუ ქალთან მნახველი მაინც მივიდოდა და მელოგინე ცუდად გახდებოდა, ისევე როგორც ქართულ მოსახლეობაში, ქალის ცუდად გახდომას მომსვლელს დააბრალებდნენ.

აღწერილი აკრძალვებიდან ოჯახი 40 დღის გასვლის შემდეგ თავისუფლდებოდა და რადგან ქალის "სიმურტლის" გამო ოჯახიც უწმინდურად ითვლებოდა, აუცილებელი იყო, როგორც მელოგინეს, ისე ოჯახის განწმენდა - "განათვლა". ამ რიტუალს სოფლის მღვდელი ასრულებდა: ოთახში ოთხ მხარეს მირონით ჯვარს გამოსასხავდა, შემდეგ ლურსმანს ჩაარჭობდა, თან ლოცვებს ამბობდა, სანთელს ანთებდა ყველგან და ირგვლივ ნაკურთხ წყალს მოაპკურებდა - განათლავდა ბავშვს, მელოგინეს, მათ საწოლებს, ოჯახის დანარჩენ წევრებს და მთელ სახლს.

ამ რიტუალის შემდეგ ოჯახი განწმენდილად ითვლებოდა, ქალსაც აკრძალვები ეხსნებოდა და იგი

ჩვეულებრივ ებმებოდა ყოველდღიურ საქმიანობაში.

"განწმენდილი" ოჯახი "ძეობას" 40 დღის შემდეგ აღნიშნავდა, როგორც ვაჟიშვილის, ისე ქალიშვილის შექმნისას, უმეტესად პირველ შვილზე. მნახველებს ბავშვისთვის საჩუქრები ბოღჩით მოჰქონდათ, ზოგჯერ ბებიაქალსაც დაასაჩუქრებდნენ ხოლმე; ოჯახს კი ხონჩაზე - სინაზე დაწყობილ საჭმელსაც მიართმევდნენ. უფრო მოგვიანებით ფულის მიტანაც შემოვიდა წესად.

ვინაიდან, გარკვეული ხნის მანძილზე, ბებიქალი მშობიარესა და ასალშობილის მოვლაში მთავარ როლს ასრულებდა, ამიტომ ოჯახი ვალდებული იყო ის შესაფერისი პატივით გაესტუმრებინა. მისთვის აუცილებლად უნდა მიეცათ: ერთი ჩანასი პური, ერთი საპონი, ორი ცალი "მუხლის პური" (რომელიც ბავშვს აკვანში ედო), ხორბალი, ფქვილი, ფული - ვის რამდენის საშუალებაა ჰქონდა. ზოგჯერ ძეობაზე შეგროვებულ ფულსაც ბებიქალს აძლევდნენ. მისი ბარაქიანად გასტუმრება ოჯახის შექმნებაზე იყო დამოკიდებული, მაგრამ საპნისა და პურის მიცემა ყველასათვის აუცილებელი იყო.

ქვემო ქართლში დამოწმებული ეთნოგრაფიული მასალა ცხადყოფს, რომ ადგილობრივი მოსახლეობა არც თუ ისე ცუდად ერკვეოდა ქალის ფიზიოლოგიაში, სხვადასხვა საშუალებებით ცდილობდა გარკვეულ გინეკოლოგიურ დაავადებათა მკურნალობას და ზოგ შემთხვევაში დადებით ეფექტს აღწევდა.

ინტერესს იწვევს ადგილობრივი მეანების - ბებიქალების დიაგნოსტიკისა და მკურნალობის მეთოდი.

ადგილობრივი მეანები ფლობდნენ დიაგნოსტიკის საინტერესო მეთოდებს. მაგ., მიღების გამტარობის დადგენის ორიგინალური ხერხი (კვერცხის გულის შეწოვა), დაავადებათა პროფილაქტიკისა და მკურნალობის, ზოგ შემთხვევაში, ეფექტურ საშუალებებს, როგორც არის მასაჟები, სითბური პროცედურები, მაფიქსირებელი ნახვევებისა თუ კოტოშების გამოყენება და სხვა, რომლებსაც ხმარობდნენ დიფერენცირებულად სხვადასხვა დაავადებათა დროს.

ზემოაღნიშნულ ეფექტურ საშუალებებთან ერთად,

ქალის ფესქიძობის, მშობიარობისა და ლოგინობის პერიოდში, ადგილობრივი მოსახლეობა ხშირად იყენებდა მაგიურ-რელიგიურ საშუალებებს, პირველ რიგში აღსანიშნავია ის ფაქტი, რომ ზოგი წეს-ჩვეულება, რომლებიც მაგიურ ან რელიგიურ ფორმად იყო წარმოდგენილი, ქალზე დადებითად მოქმედებდა. მაგალითად, გარკვეული საკვებისა თუ საოჯახო საქმიანობის აკრძალვა და სხვ.

განსაკუთრებულ ყურადღებას იმსახურებს მშობიარობის დროს (არა მიწის იატაკზე) მიწის სიმბოლიკის აქტიურობა, რაც სამშობიარო ადგილზე მიწის დაყრის წესში მდგომარეობს და თავისთავად მიწის ნაყოფიერების რწმენას ემყარება.

მნიშვნელოვნად მიგვაჩნია ის ფაქტი, რომ ქვემო ქართლში დადასტურებული ზოგიერთი სამკურნალო საშუალება თუ მეთოდი ზოგ შემთხვევაში ანალოგს პოვებს ძველ ქართულ სამკურნალო წიგნებში-კარაბადინებში.

საინტერესო შედეგი მოგვცა ქვემო ქართლში მცხოვრები ქართველი, სომეხი და მაჰმადიანი აზერბაიჯანელი მოსახლეობის სამკურნალო თუ დიაგნოსტიკური საშუალებების განსილვამ, რომლის მისედევით აშკარად გამოჩნდა, რომ ამ სამი ეროვნების მოსახლეობა, ხშირად იყენებდა მსგავს სამკურნალო საშუალებებს, როგორც ჩანს, მათ შორის ეფექტურად მიჩნეული სამკურნალო საშუალებების ურთიერთგაცვლა და გამოყენება ხდებოდა. ქვემო ქართლის ქართველი, სომეხი თუ მაჰმადიანი მოსახლეობა დასახმარებლად ხშირად მიმართავდა ერთმანეთს, რაც ხალხის კულტურული მემკვიდრეობის ურთიერთგავლენის თვალსაჩინო მაგალითს წარმოადგენს.

მშობიარობასა და ჩვილ ბავშვის მოვლასთან დაკავშირებული ზემოთ განსილული წეს-ჩვეულებები, ვფიქრობთ, ქვემო ქართლის მოსახლეობის სამედიცინო აზროვნებისა და სამკურნალო პრაქტიკის საინტერესო მხარეს წარმოადგენს.

წყაროები და ლიტერატურა

- I აბულაძე ი., ძვ. ქართული ენის ლექსიკონი, თბ., 1986
- II ბალიაური მ., ბავშვის დაბადების და აღზრდის წესები ხევსურეთში, M., 1. 12. 1938 (ივ. ჯავახიშვილის სახ. ისტორიისა და ეთნოგრაფიის ინსტიტუტის ეთნოგრაფიული არქივი, ხელნაწერი)
- III გვათუა ნ., თეთრიწყაროს რ-ნის ეთნოგრაფიული დღიური, № 2, სოფ. პატარა თონეთი, 1990 (ხელნაწერი ინახება ავტორთან)
- IV გვათუა ნ., ბოლნისის რ-ნის ეთნოგრაფიული დღიური № 1, სოფ. ქვეში, 1991 (ხელნაწერი ინახება ავტორთან)
- V გვათუა ნ., ბოლნისის რ-ნის ეთნოგრაფიული დღიური № 2, სოფ. ხატისოფელი, 1991 (ხელნაწერი ინახება ავტორთან)
- VI გვათუა ნ., ბოლნისის რ-ნის ეთნოგრაფიული დღიური № 3, სოფ. რატევიანი, 1991 (ხელნაწერი ინახება ავტორთან)
- VII გვათუა ნ., დმანისის რ-ნის ეთნოგრაფიული დღიური № 3, 1991 (ხელნაწერი ინახება ავტორთან)
- VIII თეიმურაზ მეორე, "სარკე თქმულთა ანუ დღისა და ღამის გაბაასება", თხუხელეებათა სრული კრებული გ. ჯაკობიას რედაქციით, თბ., 1939
- IX "იადიგარ დაუდი", თბ., 1935
- X იმნაიშვილი ი., ქართული ოთხთავის სიმფონია-ლექსიკონი შანიძის რედაქციით, თბ., 1948 -1949
- XI "კარაბადინი", ხელნაწერი № 136, იოანე ბატონიშვილის ფონდიდან, ფ. 96რ.
- XII მაკალათია ს., მთიულეთი, ტფილისი, 1930
- XIII მაყაშვილი ა., ბოტანიკური ლექსიკონი, თბ., 1991
- XIV მაჩაბელი ნ., ქორწინების ინსტიტუტი ქართლში, თბ., 1978
- XV ოჩიაური თ., ქართლის ექსპედიც. მასალები, სოფ. არბო, 1949 (ხელნაწერი ინახება ივ. ჯავახიშვილის სახ. ისტორიისა და ეთნოგრაფიის ინსტიტუტის სულიერი

- XVI კულტურის ეთნოგრაფიული შესწავლის განყოფ-ში) ორბელიანი სულხან საბა, ლექსიკონი ქართული I, თბ., 1993
- XVII ორბელიანი სულხან საბა, ლექსიკონი ქართული II, თბ., 1993
- XVIII სააკაშვილი მ., გელაშვილი ა., საქართველოს მედიცინის ისტორია, ტ. III. წ. II, თბ., 1958
- XIX უსწორო კარაბაღინი, თბ., 1940
- XX Фрезер Дж., Табу на женщин во время менструаций и родов, Золотая ветвь, М., 1986
- XXI Фрезер Дж., Смысл изоляции девушек при появлениях признаков зрелости, Золотая ветвь, М., 1986
- XXII ღლონტი აღ., ქართულ კილო-თქმათა სიტყვის კონა, I, 1974
- XXIII ღლონტი აღ., ქართულ კილო-თქმათა სიტყვის კონა, II, 1975
- XXIV ჩირგაძე ნ., ასპინძის რ-ნის ეთნოგრაფიული დღიური VIII, სოფ. აწყვიტა, 1988 (ხელნაწერი ინახება ავტორთან).
- XXV წიგნი სააქიმოდ, თბ., 1936

მეანობისა და გინეკოლოგიურ დაავადებათა მკურნალობის ხალხური ტრადიციები სამცხე-ჯავახეთში

ნინო ჩირვაძე

ქართული ხალხური მედიცინა მდიდარია სხვადასხვა დაავადებათა მკურნალობის მეთოდებითა და საშუალებებით. ასევე პროფილაქტიკური ღონისძიებებით, რაც საერთო ჯამში, ჯანმრთელობის დაცვის ხალხური წესების გარკვეულ სისტემას ქმნის.

ამ კუთხით საინტერესოა ქალის დაავადებათა პროფილაქტიკის წესებისა და საერთოდ მეანობისა და გინეკოლოგიურ სნეულებათა მკურნალობის ტრადიციების შესწავლა, რომელთაც ამჯერად სამცხე-ჯავახეთის მაგალითზე წარმოვადგენთ.

ქალის ჯანმრთელობას განსაკუთრებული ყურადღება ექცეოდა მენსტრუაციის მოსვლის შემდეგ. ეს ნათლად ჩანს მენსტრუაციის მქონე ქალთან დაკავშირებულ წესჩვეულებებში*. სამცხე-ჯავახეთში, ისევე როგორც მთელ საქართველოში, თვიურიანი ქალი "უწმინდურად" ითვლებოდა

*მსოფლიოს სხვადასხვა ხალხში მენსტრუაციასთან მრავალი ცრუმორწმუნეობა არის დაკავშირებული და თითქმის ყველგან ქალები ციკლის პერიოდში უწმინდურად ითვლებოდნენ. ავსტრალიელი აბორიგენების რწმენით, მენსტრუაციის სისხლის დანახვით ვაყს თმა უთეთრდებოდა და სქესობრივად უძლურდებოდა. სამხრეთ აფრიკის მეჯოგეების რწმენით თვიურიან ქალს რძე რომ დაეღია, მთელი ჯოგა გაწყდებოდა. ავსტრალიელი დიერების რწმენით, თვიურიანს თევზის ჭამა არ შეეძლო, რადგან თევზი გაწყდებოდა და მდინარის წყალიც დაშრებოდა. სუმატრელების რწმენით, თვიურიანი ქალი დათესილ ყანაზე თუ გაივლიდა, ნათესი დაიღუპებოდა და სხვა. ძველად ასეთი ცრუმორწმუნეობა კულტურულ ერებშიც ყოფილა გავრცელებული. მაგ., თვიურიან ქალს თავის მოახლოებით შეეძლო ღვინის ძმრად გადაქცევა. ჭირნახულის დაღუპვა, ბალ-ბოსტნის ვახშობა, რკინის დაუანგვა და სხვა (XXVI: 137-138).

და მას ბევრი რამ ეკრძალებოდა. სხვადასხვა საოჯახო საქმიანობა, მაგ., პურის გამოცხობა, კარაქის შედღეება, სასტიკად იყო აკრძალული ცოლ-ქმრული ურთიერთობა (ქმარს უწმინდურ ცოლთან მისვლა არ შეეძლო). ეს აკრძალვები და მენსტრუაციის შემდეგ აუცილებელი განზანის წესი, გარდა რელიგიური გააზრებისა, მიმართული იყო ამ პერიოდში ქალის დაზოგვის და ელემენტალური ანტიგენური წესების დაცვისაკენ. განსაკუთრებით ანაღვათსოვილ ქალს უფროთხილდებოდნენ, ყოველივე ზემოთ ჩამოთვლილთან ერთად, ცდილობდნენ მას მკიმიე არაფერი აეწია, არ გაციებულყო. მომავალი თაობის ჯანმრთელობის გარანტიის მიზნით, ქორწინების წინ ხდებოდა ქალის "გაკითხვა"-მისი ჯიშის შემოწმება იმის გამო, რომ გაერკვიათ რაიმე მემკვიდრეობითი დაავადება ზომ არ მოსდგამდა გვარში. თუ ასეთი რამ გამოირკვეოდა, ქალის რძლობაზე უარს ამბობდნენ. საინტერესოა, რომ ძირითადად ხდებოდა ქალის საგვარეულოს შემოწმება დედის ხაზით. გადმოცემით, "ქალს მემკვიდრეობით დაყვებოდა დედისა და დედის მხრიდან მომდინარე ნიშან-თვისებები. აღნიშნულის გამომსატყველი უნდა იყოს ხალხური გამოთქმა "ქალსა დედა გაუსინჯე, სამოსელსა ნაწიბური" და სხვა (X:19-29).

ყოველივე ეს თავისთავად მემკვიდრეობით და გინეკოლოგიურ დაავადებათა გარკვეულ პროფილაქტიკას წარმოადგენდა. თუ ქალი რაიმე გინეკოლოგიური სნეულებებით მაინც დაავადდებოდა, მაშინ უკვე სხვადასხვა სამკურნალო საშუალებებს მიმართავდნენ. აქვე შეენიშნავთ, რომ მკურნალობა სიმპტომურ ხასიათს ატარებდა, რადგან ადგილობრივი მოსახლეობისათვის, როგორც გინეკოლოგიური, ისე სხვა სახის დაავადებები, ძირითადად წარმოდგენილი იყო სიმპტომების სახით.

სხვადასხვა სახის გინეკოლოგიური დაავადების ერთ-ერთი სიმპტომი, როგორც ცნობილია, არის საშეილოსნოდან სისხლის დენა, რომელსაც სამცხე-ჯავახეთის მოსახლეობა "ტაბასტას" უწოდებდა. ძველ ქართულში ტაბასტას უფრო ფართო მნიშვნელობა ჰქონდა და, საერთოდ, სისხლის დენას

გულისხმობდა. სულხან-საბა ორბელიანი ტაბასტას განმარტავს. როგორც სისხლის დინებას (XIX), ხოლო ნ. ჩუბინიშვილი - ძნელად შესაწყვეტ სისხლის დენას, რომელიც გულისხმობდა შინაგანი ორგანოებიდან (საშვილოსნო, კუჭი და სხვა) სისხლის დენასაც (XXXVII). აღსანიშნავია, რომ აქარაშიც საშვილოსნოდან სისხლის დენას "ნაბასტას" "ტაბასტას" ეძახდნენ, რაც მოწმდება აქარულ "მცირე კარაბადინშიც" (XXV; 70).

როგორც ვხედავთ, აქარასა და სამცხე-ჯავახეთში ტაბასტა იხმარება ვიწრო მნიშვნელობით და მხოლოდ საშვილოსნოდან სისხლის დენას გულისხმობს.

ადგილობრივი მოსახლეობის გადმოცემით. სამცხე-ჯავახეთში სისხლდენა ქალებს უფრო ხშირად სიცხეში "აუტყდებოდათ". სისხლის შეწყვეტის მიზნით, პირველ რიგში, ქალს ცივ წყალში ჩააყოფინებდნენ ფეხებს და მუცელზე ცივ ტილოს შემოადებდნენ. გარდა ამისა, "ქერუბარის" (ქარვის) მძივს "გალესავდნენ" (დაფხვნიდნენ), ფხვნილს გაცრიდნენ, თაფლში "ამოზელდნენ" და ავადმყოფს აქმევდნენ. შემოთ ჩამოთვლილი საშუალებების გარდა, სამცხე-ჯავახეთში სისხლდენის შეწყვეტის მიზნით, გამოიყენებოდა ე.წ. ტაბასტის ბეჭედი, რომელიც ქალს თითზე უნდა კეთებოდა დაახლოებით ერთი თვის მანძილზე. ამბობდნენ, რომ სისხლდენაზე მოქმედებდა ბეჭდის თვალის, რომელი ძვირფასი ქვად იგულისხმებოდა ამ თვალში, ჯერჯერობით ვერ დავამოწმეთ. ტაბასტის ბეჭდები სამცხე-ჯავახეთში თურქეთიდან შემოჰქონდათ და სოფელ-სოფელ ყიდდნენ. როგორც ჩანს, ეს ბეჭედი საკმაოდ ძვირფასი იყო და ყველას არ ჰქონდა საშუალება ეყიდა. იშვიათად, რომ რომელიმე ოჯახს ჰქონოდა იგი. ტაბასტის ბეჭდის მფლობელი ოჯახები ცნობილი იყო და, გაჭირვების შემთხვევაში, ავადმყოფის პატრონი ამ ოჯახს მიაკითხავდათ თუ შესაძლებლობა ჰქონდა. შეიძენდა ბეჭედს, თუ არა დროებით ითხოვდა და შემდეგ დააბრუნებდა. არის გადმოცემა, რომ ძველად ასპინძის რ-ნის სოფელ ჭობარეთში ჯვარიძეების ოჯახს ერთი უღელი ხარი მიუცია ტაბასტის

ბექედში (XXXI; 67).

საშვილოსნოდან სისხლის დენის შეჩერების მიზნით გამოყენებული ზოგადი ხალხური სამკურნალო საშუალება - მაგ., ცივი აბაზანა, საფენი და სხვა თანამედროვე მედიცინის თვალსაზრისითაც მიზანშეწონილია.

როგორც აღვნიშნეთ, სამცხე-ჯავახეთში განსაკუთრებული ყურადღება ექცეოდა ახალგათხოვილი ქალის ჯანმრთელობას. ცნობილია, რომ გათხოვილი ქალის ძირითადი ფუნქცია შთამომავლობის გაგრძელება იყო. იმ შემთხვევაში, თუ ქალს მუცელი დროზე "არ აყვებოდა" ან "სშირად ეშლებოდა", მიმართავდნენ სოფლის მეანს - "ბებიაქალს". იგი სხვადასხვა საშუალებით მკურნალობდა "უშვილობას". მაგ., თუ "მუცელი არ აყვებოდა", ურჩევდა დაეღია ძროხის შარდი. თუ მუცელი სშირად ეშლებოდა, უნდა ეჭამა მოხალული სელის ფქვილისა და თაფლის ნაზავი. ქალს, რომელსაც წელი სუსტი ჰქონდა და მუცელი სშირად ეშლებოდა, ორსულობის პირველ თვეებში წელის გამაგრების მიზნით ბებიაქალი წელს არყით დაუზუნლდა, კვერცხის "იასს" (ხოვრბლის ფქვილისა და კვერცხის ცილის ნაზავში შერეული მცირე რაოდენობის მატყლი) "იარდალზე" (ნარქაზე) წაუსვამდა და წელზე შემოაკრავდა. არსებობდა მეორე სახის იასიც (კვერცხის ცილის, პურის ფქვილის, შაბის, ძმრის და არყის ნაზავი), რომელსაც იგივე წესით დაადებდა. ბებია იცოდა წელის შეკვრა არყის ხის შავი ფისითაც ან გამდნარ თაფლის სანთელში ამოვლებული ნარმით. ჩვენს მიერ ჩამოთვლილი შემოსადები საშუალებანი სანამ თავისით არ აძვრებოდა, მანამდე ექნებოდა ქალს წელზე შემოკრული. თუ ეს არ უშველიდა, მაშინ "კუპრიელს" (კარგად გასუფთავებული თხის ტყავი, რომლის ერთი მხარე კუპრშია ამოვლებული) შემოასვევდა. კუპრიელს აკრავდა კუპრის მხრიდან. შემოკერის შემდეგ, ის ნელ-ნელა "ზედვე დაადნებოდა" კანს. გარდა ზემოთ ჩამოთვლილი სამკურნალო საშუალებებისა, ორსული ქალი, მუცლას შენარჩუნების მიზნით, წავიდოდა ვარძიაში და იქ ვარძიის ღვთისმშობელს შეევედრებოდა, რომ მისთვის შვილი შეერჩინა.

უშვილო ქალები და ისინი. ვისაც მუცელი ხშირად ეშლებოდა, მკურნალობდნენ ბუნებრივი აბაზანებითაც. მაგალითად, ვარძიაში ცნობილი იყო მუავე წყალი. რომელსაც სვამდნენ და თან აბაზანას იღებდნენ, ასევე ცნობილი იყო ხერთვისის "დამპალო აბანო". დამპალო ერქვა იმის გამო, რომ იქ ტალახი იყო. ქალები ტალახს ისვამდნენ და შიგ ჯდებოდნენ კიდევ. გინეკოლოგიურ დაავადებათა სამკურნალოდ ყველაზე ეფექტურად ითვლებოდა ასპინძის განთქმული წყლები.

მუცლის მოშლა-მოწყვეტის თავიდან ასაცილებელი სამკურნალო საშუალებები გესვდება საქართველოს სსვადასსვა კუთხეში. მაგალითად, ზემო აქარაში (XXXVI; 35), ქვემო ქართლშიც მუცლის შენარჩუნების მიზნით ქალს წელს "იახით" უკრავდნენ და სსვა (V; 48).

თუ ზემოთ აღწერილი მკურნალობის შედეგად, ქალს მუცელი მაინც არ აყვებოდა, ითვლებოდა, რომ იგი უშვილო იყო და არაფერი ეშველებოდა; უშვილობა ძალიან "სამძიმოდ" მიაჩნდათ, ასეთ შემთხვევაში ზებუნებრივ ძალებს მიმართავდნენ, იმის იმედით, რომ ისინი რაიმე სასწაულს მოახდენდნენ და ქალს შვილი შეეძინებოდა. პირველ რიგში ფესშიშველი ქალი ეკლესიაში წაყიდოდა და გარშემო შემოუვლიდა, შეწირავდა "საღვთოს" სალოცავისათვის განკუთვნილ სპეციალურ საკლავს, ზოგჯერ იგი თმას მოიჭრიდა და ტანსაცმელთან ერთად სალოცავში დატოვებდა, თან ღმერთს შეევედრებოდა, შეესმინა მისი მუდარა და შვილი მიეცა.

გარდა ამისა, ადგილობრივთა გადმოცემით, უშვილო ქალები, თუკი მათ ამისი ფიზიკური და მატერიალური საშუალება ჰქონდათ, იერუსალიმშიც მიდიოდნენ, სადაც ორი კლდის თავზე ოდნავ წინ "გადმოშვერილი" კლდე ყოფილა. ქალი აქლემზე უნდა შემჯდარიყო და გადმოშვერილი კლდის ქვეშ გაეველო, სწამდა, რომ ამის შემდეგ შვილი აუცილებლად გაუჩნდებოდა. ამ წესის შესახებ ჩვენ ვერაფერს ვიტყვით, ხოლო რაც შეეხება უშვილო ქალების იერუსალიმში წასვლას სალოცავად, არ იყო გამორიცხული, მით უმეტეს, რომ ასეთი

ტრადიცია საქართველოში, როგორც ჩანს, ძველთაგანვე არსებობდა. როგორც ივ.ჯავახიშვილი გადმოგვცემს, "უკვე V საუკუნის მეორე ნახევარში იერუსალიმში სალოცავად წასვლა მიღებული ყოფილა სხვათაშორის განბორების საღმრთობისაგან, კეთრისაგან თითქოს განკურნების საშუალებადაც მიუჩნევიათ" (XXXX; 337-338). ყოველივე ზემოთქმული სამცხე-ჯავახეთში "წმინდა მიწის" განსაკუთრებულ თაყვანისცემაზე მეტყველებს.

სამცხე-ჯავახეთში ქალს დაფესმძიმებისთანავე უფროსილდებოდნენ. არიდებდნენ ფიზიკურ გადატვირთვა-გადაღლას, სიძიმის აწევას, გაციებას; მისი საკვებიც განსაზღვრული იყო. ორსულს, უმეტესად, აქმევდნენ მსუბუქსა და ნოყიერ მოსალული სელის (Linum) ფქვილისა და თაფლის ნაზავს. ადგილობრივთა გადმოცემით, ეს საკვები ხელს უწყობდა მუცლის შენარჩუნებასაც. უშლიდნენ ზოგიერთი სასის საკვების მიღებას, მაგ., ხახვის და ნივრის - იტყოდნენ "ბავში წირპლიანი გაჩნდებაო", კურდღლის ხორცის - "ბავში ტუჩებში მოკლე გამოვაო", კამეჩის ხორცის, "ბავში კამეჩივით ათი თვე რომ არ ეტარებინა", ფესმძიმესთვის არ შეიძლებოდა ქათმის ელენთის ჭამა და ხელის ზღება, ბავშვს მუქი ლაქა (ტყლიპი) ექნებაო, და სხვა*. ეს შესედულებები გამომდინარეობს იმიტაციური მაგიის პრინციპებიდან და გარკვეული პათოლოგიის ან ფიზიკური ნაკლის ხალხურ ინტერპრეტაციას წარმოადგენს. ამავე დროს არ არის გამორიცხული, რომ, ფესმძიმობის პერიოდში გარკვეული საკვების მიღების აკრძალვა, მაგ., ცხარე ხახვისა

*ზემოაღნიშნული აკრძალვები გავრცელებულია მსოფლიოს მრავალ ხალხში. თურქული ეთნოგრაფიული და ფოლკლორული მასალის ანალიზის შედეგად ეს საკითხი შესწავლილი აქვს მ.სერებრიაკოვას, რომელიც აკრძალვების საფუძვლად იმიტაციურ პრინციპს მიიჩნევს. ამ პრინციპის მისეფვით ტაბუირებული ობიექტის ნეგატიური თვისებები, ტაბუს დარღვევებ შემთხვევაში გადადის მედიატორის (დედის) გზით სუბიექტზე-ნაყოფზე (XXIV, 207).

თუ ნიერის, ძნელად მოსანელებელი კურდღლისა და კამეჩის ზორცის გამართლებული იყო.

ორსული ქალის მოვლის, ჩვენს მიერ დამოწმებული, ზოგიერთი ხალხური წესი ანალოგს პოულობს ძველ სამედიცინო წიგნებში. მაგალითად, "იადიგარ დაუდის" მიხედვით, ორსული უნდა ყოფილიყო მოსვენებული, მძიმე საგნები არ უნდა აეწია, არ უნდა მიეღო საფადარათო და ამოსაღებინებელი საშუალებანი და სხვა: "ამა ნიშნებსა უკან ასრე უნდა, ეს დედაკაცი მოსვენებით იყოს. არას ახწიოს, არა მიიჭირვოსრა და არც გასასხნელი და არც სარწყეველი წამალი სუას....." (IX; 119).

სამცხე-ჯავახეთში ქალი, როდესაც მშობიარობის დრო მოუახლოვდებოდა, მშობლების სახლში მიყავდათ, იტყოდნენ: "ნაწობაო" (ნაწვევად, წვევა, სტუმრად მისვლა), "ფესი იბრუნაო". ე.ი. მამის სახლში დაბრუნდაო. ქალი ორმოცი დღე მაინც დარჩებოდა მშობლებთან, სადაც ის დიდ პატივისცემაში ჰყავდათ.

"აღმოსავლეთ და სამხრეთ საქართველოში XX საუკუნის დაბდეგამდე იყო შემორჩენილი ჩვეულება, რომლის მიხედვით, ქალს პირველი შვილი მშობლების სახლში უნდა გაეჩინა და ქმრის ოჯახში ერთი-ორი თვის შემდეგ დაბრუნებულიყო ახალშობილთან ერთად. ამ დროის განმავლობაში ქალის მშობლებს გაწყობილი აკვანიც უნდა შეეძინათ..... ქალი არა მარტო მშობიარობდა მშობლების სახლში, არამედ ახალშობილნიც ერთხანს იქვე იზრდებოდნენ. ქალის "შინ დაბრუნების" ჩვეულება გავრცელებული ყოფილა მთელ კავკასიაში, შუა აზიაში და სხვ. (XII; 15).

როდესაც ქალს "სამუხლე დააყრიდა", ე.ი. სამშობიარო ტკივილები დაეწყებოდა (სამუხლე ტკივილი ნიშნავს სამშობიარო ტკივილს, რადგან ქალი სამცხე-ჯავახეთში მუხლებზე დაჩოქილი მშობიარობდა), დაუძახებდნენ "ბებიაქალს" და ახლო ნათესავ-მეზობლებს. მას ყველა

მიმსვლელი მიუაღერსებდა. თავსე ხელს გადაუსვამდა. წინსაფრის კალთას საიჯერ დაარტყამდა და ეტყოდა: "ვთხოვ ღმერთს წელი და ზურგი გაგეხსნეს, მშვიდობით გადაარჩი ერთი ხმითა" (VIII: 7). ე.ი. უსურვებდნენ მალე ემშობიარა, მშობიარობის დროს მსოლოდ ერთსელ დაყვირება დასქირვებოდა.

მშობიარეს ბებიაქალი ესმარებოდა. როდესაც ქალი მშობიარობის წინ "წყლებს დაღვრიდა" მას "მუხლში ჩააჯენდნენ", სამშობიაროდ მოამზადებდნენ, ერთი ქალი წინ დაუჯდებოდა, მშობიარე მუსლებში იყო ჩაკეცილი და წინ მჯდომ ქალს ეყრდნობოდა. აქეთ-იქიდან ორი სხვა ქალი ამოუდგებოდა. ერთი მუცელზე აქერდა სელებს, მეორეთაფლიან წყალს ასმევდა, ბებია კი ბავშვს მიიღებდა.

ჩვენს მიერ აღწერილი "ჩოქვით" მშობიარობის მეთოდი, რომელიც დამოწმებულია მთელ საქართველოში, ფართოდ იყო გავრცელებული მსოფლიოს მრავალ სალსში (XXI; 146-147).

მშობიარობის დროს ქალს სისხლის დენა თუ დაეწყებოდა, მაშინ მას მუცელზე ცივ ტილოს დაადებდნენ, ფეხებს კი თბილ კირიან წყალში ჩააყოფინებდნენ, რაც როგორც ჩანს, სისხლის დენის შეჩერებას უწყობდა ხელს.

მკიმე მშობიარობის შემთხვევაში, ბებია მშობიარეს ცხელ ნაცარში ჩააჯენდა ან წელამდე თბილ წყალში ჩააყენებდა. მან იცოდა საშვილოსნოს ყელის გახსნაც, კარაქწასმულ ხელს საშვილოსნოზე შემოუტარებდა. გართულებული მშობიარობის დროს ყველაზე უებარ წამლად ითვლებოდა ე.წ. "ჩაბერტყვა". მშობიარეს ბალიშზე გულადმა დააწვენდნენ, ფეხებიდან ფრთხილად აწევდნენ და სამჯერ ყირაზე გადაატარებდნენ. თან "მუცლის წამხდრის ლოცვას" ეტყოდნენ:

აფრასიონის წყალზე, აფრასიონის ხიდი იყო.

ზედ დედა-შვილი გადიოდნენ.

შვილმა დედას მიჯნურობა შეუკვეთა: .

იმის ცოდვით ანი დადგა, ბანი დადგა.

უნძრევი ინძრა, ნანძრევი დაღვა

ღმერთო შენ დასწერე შენი გუარი-ამინ (VIII: 8)*.

გადმოცემით, ასე შეულოცავდნენ მძიმე მშობიარობის დროს და იმ შემთხვევაშიც, როცა ქალს მუცელი სწირად ეშლებოდა. ვფიქრობთ, ამაზე მიუთითებს სიტყვები: "უძრავი იძრა" და "ნანძრევი დაღვა". ე.ი. პირველ შემთხვევაში, ბავშვი დროზე რომ დაბადებულყო - "უძრავი" ნაყოფი "დაძრულიყო", მეორე შემთხვევაში კი მუცლის მოშლის პროცესი შეჩერებულიყო, ნაყოფი "დამდგარიყო", ე.ი. დედას შერჩენოდა. ეს არის ერთ-ერთი სასამცხე-ჯავახური ვარიანტი საქართველოში გავრცელებული ანალოგიური შელოცვისა. მძიმე მშობიარობის დროს სხვა საშუალებებსაც მიმართავდნენ, მაგ., თუ მშობიარობა დიდხანს გასტანდა, ბებია მელოგინეს ძველ ქალამანს მიბაბდა წელზე - "წელი რომ ადვილად გასსნილიყო". ამავე მიზნით, მშობიარეს ქმარი სახლის ბანზე ავიდოდა, საკვამურთან დადგებოდა და სამჯერ, ჩამოსძახებდა: "ღმერთო, შენ დასმარება გამიწიე და შჭვიდობით გადაშირჩინე ცოლ-შვილი" (VIII: 8). ის თოფსაც გაისვრიდა, რათა დაეფრთხო "ეშმაკეულობა" (ავი სულები), რომლებიც თითქოს ქალის მშობიარობას უშლიდნენ ხელს. მშობიარობის დაჩქარების მიზნით, ეკლესიის ზარს სამჯერ ჩამოკრავდნენ, თუ ყველაფერი ეს არ გაჭირდა, მაშინ მოძებნიდნენ ისეთ ადამიანს, ვისაც მოჩხუბარი გველი და ბაყაყი ჰყავდა გაშველებული, მიიყვანდნენ მშობიარესთან, თავზე გადააბიჯებინებდნენ და ის სამჯერ უტყოდა: გველ-ბაყაყი

*საქართველოს სხვადასხვა კუთხეში ჩაწერილია მუცლის წამხდრის შელოცვის სხვადასხვა ვარიანტი. ერთ-ერთი ვარიანტის მიხედვით, დედის ნაცვლად მამა თხოვს შეილს გამიჯნურებას. მაგ., "მამამა სთხოვა შეილსა მიჯნურობა" (VII: 181). ერთ-ერთი ვარიანტის მიხედვით კი შვილი თხოვს დედას მუჯირად ხელის გოხად დადგომას. მაგ., "შვილი დედას მიუბრუნდა მუჯირად დაშიდექი" (XXIX: 109). არ არის გამორიცხული, რომ აქ სიტყვებს ჩანაცვლებასთან გვაქვს საქმე. მაგ., მუჯირის მიჯნურთან, ამ შემთხვევაში თუ ასეთ ჩანაცვლებას არ ჰქონდა ადგილი. შესაძლებელია ვიფიქროთ, რომ ლოცვაში მოხსენებული "უნძრევი ინძრა" და "ნანძრევი დაღვა" უნდა მომხდარიყო ამ საზოგადოებისათვის სრულიად მიუღებელი შემაძრწუნებელი ფაქტის ინცესტის შედეგად გამოწვეული შოკით.

გამიშორებია. დედა-შვილი გაშორდითო (XXXI; 46). თუ ამის შემდეგ ქალი იმშობიარებდა, ამ პირს აუცილებლად გარკვეულ "პატივს სცემდნენ". ითვლებოდა, რომ ეს მაგიური ქმედებები ბავშვის დაბადების პროცესს დააჩქარებდა, ადგილობრივი გამოთქმა რომ ვიხმართ, "დედა-შვილს გაყრიდა" - ისევე როგორც მოჭებარ გველსა და ბაყაყს.

გართულებული მშობიარობის ზემოთ აღწერილი ხალხური საშუალებანი მსგავსებას პოეებს საქართველის სხვადასხვა კუთხის მასალასთან და დასტურდება მსოფლიოს სხვადასხვა ხალხში (XXI; 220).

საყურადღებოა აგრეთვე, რომ სამცხე-ჯავახეთში დამოწმებული მშობიარობის წესები, ხშირ შემთხვევაში, ანალოგიურია ძველი ქართული ხელნაწერების მონაცემებისა. მაგ., "იადიგარ დაუდის" მისედვით: "და თუ დედაკაცს ტეზა გაუძნელდეს, წელთამდისი თბილს წყალშიგა უნდა ჩასვან და მუცელი და წელი კარგად დაუზილონ. და მიცემის დროს ტატბერი უკანიდაღმა მოუჯდეს და სადამდის თავისი წყალი არ დაღვაროს და მტესიარესა [მშობიარეს, ნ.ჩ.] ხმა არ ეცვალოს, მუხლზედა არ უნდა დასვან და ამთენი აცალონ, რომე თავის წყალი დაღვაროს. და მას უკან ერთი ტეზა კიდევ მოუვიდეს და მერმე მუხლზედ უნდა დასვან და ორკეცი ნაბადი მუხლქვეშ დაუფინონ, დროსა ფიცხლა არ უნდა ისუნთქოს ტატბერი უკანიდაღმა მოუჯდეს მუცელი და ფერდები კარგად და ძალიანად ამოუზილონ....." (IX; 121).

საინტერესოა აგრეთვე ვასტანგ ბატონიშვილის შემდეგი ცნობა: "დესცა აღივსნის დღენი ქალის მუცლად ღებულობისანი, დროსა მტკივნეულობისასა მოუწოდინ გარდა ნათესავთაცა თვისთა სხვათაც ქალთა მრავალთა და დროსა დიდისა მტკივნეულობისასა შევედის ქმარი მისი სახლისა მისისა ჭერსა ჰკრის ოთხთავ მხარესა ისარი....." (XI; 18-19).

როგორც ვხედავთ, ძველთაგანვე საქართველოს არისტოკრატიულ წრეებში შეიძლებოდა მშობიარესთან ქმრის შესვლა, რომელიც იქ ჭერის ოთხივე მხარეს ისრების გასროლით ავ სულებს აშინებდა. შემდეგში ეს წესი, როგორც ჩანს, თოფის

სროლით შეიცვალა, მაგრამ ბუნებრივია არა ოთახში. არამედ გარეთ.

გვხვდება ისეთი ფაქტიც, რომ მშობიარობის დროს, ქმარი ცოლს წყალს შეასმევდა ან შეასხურებდა. ეფიქრობთ, მძიმე განსაცდელის ეპოს, ქმრის გვერდით ყოფნა ქალზე თავისთავად დადებით ფსიქო-თერაპიულ ეფექტს ახდენდა და არ არის გამოორიცხული, რომ თოფის გასროლაც შოკური თერაპიის ერთ-ერთ პრიმიტიულ ხერხს წარმოადგენდა.

ნასწევებით გართულებული მშობიარობის შემთხვევაში, ბებია ერბო-კვერცხს ხელის ზეთში მოწვავდა. მატყლზე დაადებდა და ისე ადებდა იარაზე. ბავშვის დაბადების შემდეგ მელოგინეს ცარიელ ბოთლში ჩააბერიანებდნენ, იტყოდნენ: ბავშვის ამხანაგი მალე დაიბადებაო, თან ქალს კუქ-ნაწლავის მოწესრიგების მიზნით "ჩალასმას" (წყალში გახსნილი მანონი) დააღვინებდნენ. ამის შემდეგ ბებია ნამშობიარებს წელზე სარტყელს შემოუჭერდა - საშვილოსნოს "გულზე რომ არ დაერტყა" და "დიდი მუცელი არ დარჩენოდა". შემოჭერილ სარტყელს იგი ცხრა-ათი დღე ატარებდა.

მშობიარობის შემდეგ ქალს სპეციალურად მომზადებულ ლოგინში დააწვენდნენ. საწოლზე ნაჭერს დააფენდნენ. ზედ გამთბარ მიწას დააყრიდნენ და შემოდან ნაჭერს დააფარებდნენ, იტყოდნენ: "სითბო ავა ორგანიზმშიო". მიწა ინარჩუნებდა სითბოს და სისველეს გაიწოვდა, რის შედეგადაც ქალი მშრალად და თბილად იწვა.

ბავშვი როგორც კი დაიბადებოდა, ბებია ჭიპლარს ძირში ძაფს მოუჭერდა; მაკრატელს, დეზინფექციის მიზნით, "ჭრაქზე" გადაატარებდა და "ჭიპს" გადაჭრიდა. მეორე ხელში ბებიას ეჭირა ხანჯალი ან ასტამი და იტყოდა: "კარს საკეტი, ბანსა ჯვარი, ღმერთო, შენ დასწერე ჯვარი", ბავშვს პირჯვარს გადაწერდა (XIII; 98). ბავშვს ჭიპი რომ არ გაღიზიანებოდა ე.წ. "დედოფლის პირს" (ერბოსა და სანთულში ამოვლებული რაიმე ქსოვილი) ან დამწვარი ქსოვილის ფერფლს დაადებდა და ჩერებით გადაუხვევდა. თუ ჭიპი გაღიზიანდებოდა, მაშინ პურის ცომს დაადებდნენ.

როგორც კი ბავშვი დაიბადებოდა, წყალში დაბანდნენ და მარილს მოაყრიდნენ. იტყოდნენ: ოფლიანი არ გამოვაო, სუნი არ ექნებაო, ძვლები გაუმაგრდებაო, მაგარი კბილები ექნებაო და სხვა. ასალშობილისათვის მარილის მოყრა იცოდნენ აგრეთვე ახალციხელმა ებრაელებმა, სომხებმა და სხვა. საყურადღებოა, რომ ანალოგიურ წესს მიმართავდნენ ძველი ებრაელებიც (XXI: 82). "შენი დაბადებისას, იმ დღეს, როცა დაიბადე, ჭიპლარი არ მოუქრიათ შენტვის და წყალში არ განბანილხარ, რომ განწმენდილიყავი, მარილით არ გასეხილხარ და ჩურებში არ გასვეულხარ..... (IV).

როგორც ვხედავთ, ახალშობილისათვის წყალში განბანა, მარილის მოყრა - უძველეს წეს-ჩვეულებათა რიგს განეკუთვნება. ამ შემთხვევაში რაციონალური გააზრების გარდა, ჩანს, ფიგურირებს სიწმინდისა (წყალი) და სიმაგრის, სიძლიერის (მარილი) უძველესი სიმბოლიკა.

ჩვილი ბავშვისა და მელოგინეს მოვლა ბებიქალის მოვალეობად ითვლებოდა. პირველად ბებია ბავშვს ცივ წყალში "გაავლებდა", ამბობდნენ: "მაგარი გამოვაო". მეორე დღიდან კი ბავშვს უფრო მეტად შაბით, შაქრით ან კვერცხის გულით განზავებულ წყალში აბანავებდნენ. დასაბანად ხმარობდნენ აგრეთვე სხვადასხვა მცენარის ნახარშს ან ნაყენს. განსაკუთრებით პოპულარული იყო ვირისტერფას (*Tussilago farfara*)* ნახარში. გადმოცემით, ყველა ეს საშუალება ბავშვის ორგანიზმს ამაგრებდა და დამამშვიდებლად მოქმედებდა. ბებია ბავშვს ბანაობის დროს სამჯერ გაუმეორებდა: "დათვი მჭლე და შენ მსუქანი, შეგემატოს დღე და ჯანი". ბანაობის პირველი ბავშვს თავისივე ნაბან წყალში სამჯერ ჩააყოფინებდა თავს და სუფთა წყალს გადაავლებდა, ეტყოდა: შენი ძილი შენ მოგეცესო.

ჩვილს იღლიები და საზარდულის მიდამო რომ არ "დაიარავებოდა", არ დაწყლულებოდა, დაფუტურებულ ხის

* ტექსტში მოყვანილი ლათინური სახელწოდებები ამოღებულია ა. მაჟაშვილის ბოტანიკური ლექსიკონიდან (XV).

"ფქეალს" მოაყრიდნენ.

თუ ბავშვი აეად გასდებოდა, გაცვიდებოდა და სიცხეს მისცემდა, მაშინ პანტის (*Pyrus caucasica*) ან ვაშლის (*Malus domestica* Borkh.) ნასარში ჩასვამდნენ, შემდეგ ამოიყვანდნენ და თბილად ჩააწვენდნენ. ბავშვი თუ აღგზნებული იყო, ჭირვეულობდა და სშირად ტიროდა, მას დასაძმეიდებლად დედის რძეში შეურევდნენ ძალიან ცოტა რაოდენობით საშხაშს (*Papaver somniferum* L), თან ვირისტერფას ნასარში აბანავებდნენ.

ძვლების გასამაგრებლად კი ჩვილს რძეში კვერცხის გაცრილ ნაჭუქს უყრიდნენ. როგორც ცნობილია, კვერცხის ნაჭუქი შეიცავს კალციუმის მარილებს, რომელიც თანამედროვე მედიცინაში ფართოდ გამოიყენება რაქიტის და კალციუმის მარილების ნაკლებობის დროს, ძვლების გამაგრების მიზნით.

ჩვილი ბავშვის ძირითად საზრდოს დედის რძე წარმოადგენდა, რომლითაც იგი დაახლოებით ორი წლამდე იკვებებოდა. ბავშვს ძუძუს აწოვებდნენ დღეში რამდენჯერმე: უმეტესწილად ძუძუს მოწოვების დროს ბავშვი დედას ტირილით ამცნობდა. სამცხე-ჯავახეთში თავდაპირველად, სანამ დედას რძე ჩაუდგებოდა, ბავშვს "ერბოს ძუძუს" (ერბოში ამოვლებული ნაჭერი) ჩაუყებდნენ პირში, რომელიც საწოვარის ფუნქციას ასრულებდა. ბავშვი წოვდა და სამი დღე ამით იკვებებოდა. ამ პერიოდში ზოგჯერ ძუძუსაც მისცემდნენ ხოლმე, ხსენის გამოწოვის მიზნით. მესამე დღეს ბებიაქალი მელოგინეს დაბანდა, შემდეგ მას რძეც მოუვიდოდა და "ერბოს ძუძუ" ბავშვს აღარ დაჭირდებოდა.

დედის რძე ბავშვისათვის ყველაზე უკეთეს საკვებად ითვლებოდა. იგივეს ვკითხულობთ ძველ სამედიცინო წიგნებშიც. მაგ., "ყოვლისა კაცისაგან მისისა დედისა სძე უკეთ შეერგების ყრმასა" (XXXVIII; 37). იმ შემთხვევაში თუ დედას რძე არ ჰქონდა, მაშინ ბავშვს კვებადნენ თხის რძით, შემდგომ კი ჭადის ფქვილის ფაფაზე გადადიოდნენ.

ახალდაბადებულ ბავშვს თავდაპირველად "ზოჭიჭად" შეკრავდნენ. ზოჭიჭზე დააწვენდნენ, მაგრად გადააკრავდნენ

და დედის ფეხებთან მოათავსებდნენ. ასე კრავდნენ მას სამი კვირის მანძილზე. "სოქიჭი" წარმოადგენდა სქელ ფიცარს, მას ქვემოდან სიგანეზე მიკრული პქონდა ორი ფიცრის ნაჭერი "სოქიჭის ფეხები". სულნან-საბა ორბელიანის განმარტებით, სოქიჭი არის "მცირე აკვანი" (XIX): ქართული ენის განმარტებითი ლექსიკონის მიხედვით, სოქიჭი საგოგაეების შტონე ფიცარია, რომელსედაც ასაღდაბადებულ ბავშვს დააკრავდნენ (XXVIII). ეს არის ბავშვის საწოლი მოსახერხებელი მწოლიარე დედისათვის, ბავშვი თავის საწოლშია, მაგარზე წევს და თან დედის გვერდით არის.

სამი კვირის შემდეგ ბავშვს მოუმზადებდნენ აკვანს.* აკვანს ამზადებდნენ სხვადასხვა ხის ფიშისაგან, მაგალითად: იფნის, რცხილის, ფიჭვის და ვერსვის ხისაგან, რაც ასასუღია ზეპირსიტყვიერებაში, მაგალითად:

ეს აკვანი კაკლისაო.

ბავშვი მიწვეს ცხრა თვისაო,

მამის ხარ თუ დედისაო

იყავ კარგი ბედისაო.

ეს აკვანი ვერსვისაო,

შიგ მწოლარე ხერხისაო,

ეს აკვანი იფნისაო

შიგ მწოლარე სიყრმისაო.

ეს აკვანი ფიჭვისაო

შიგ მწოლარე ბიჭიაო (XXXV; 7).

*ცნობილია, რომ "აკვანი თავისი შიბაქითა და არტასებით საქართველოში შემოიტანეს აღმოსავლეთიდან მომთაბარე დამპყრობმა ხალხებმა მე-13 საუკუნის დასაწყისში. აკვანი მომღვენო ავებედობის პერიოდში გავრცელდა. ამაზე მეტყველებს თუნდაც ის ფაქტი, რომ ქართულ ფრესკებზე გამოსახული ბავშვის სარეცელი სრულიად არ ჰგავს დღევანდელ აკვანს. საქართველოში დაბადებული ბავშვი თავისუფლად უარტასოდ იზრდებოდა, როგორც ეს უკანასკნელ დღემდე იყო შემორჩენილი ხევსურეთში" (XII; 57). სხვადასხვა მეცნიერების აზრით, აკვანში გაზრდა გაუმართლებელია. ასეთივე აზრის არიან მ. აბდუშელიშვილი და შ. პატარაია. უფრო მეტიც, მათ შიანიათ, რომ აკვანში გაზრდა მეტად მავნეა, ამდენად რამდენადაც იწვევს ბავშვის თავის ხეგრძის შემცირებას. ირღვევა ხუნთვების ნორმალური ექსკურსია, ფოთარდება რაქიტი და ა.შ. (III; 3-19).

სამცხე-ჯავახეთში აკვანს შენდევნირიად გააწყობდნენ. ქვევით დაუგებდნენ თივით გატენილ ლეიბს "ჩალასეშს". სულხან-საბა ორბელიანი "ჩალასეშს" ჩვილთა საგებელს უწოდებს (XIX). ქართული ენის განმარტებითი ლექსიკონის მიხედვით - ჩალასეში - აკვანში ჩასაგები ლეიბაა - გატენილი, ჩვეულებრივ ქერის ბურდოთი (XXVIII). ჩალასეშს დააფარებდნენ "ჩვრებს", ზემოდან სუფთა გაცრილ თბილ "ხამ მიწას" (აუთვისებელი მიწა) დააყრიდნენ, მიწაზე კი კვლავ ჩვრებს დააფენდნენ, თუ მიწას არ ყრიდნენ, მაშინ აკვანს შიბაქს გაუკეთებდნენ, ხოლო შემდეგ ბავშვს ჩააწვენდნენ და არტახებს გადაუქერდნენ, ბავშვს მუხლებზე დაადებდნენ "მუხთბალიშს". ფესებზე კი წამოაცმევდნენ "დოშაკს" (ბამბით გატენილი თხელი ქსოვილი) ფესები რომ არ გაცეიბოდა და მუცელი არ ტკენოდა. დოშაკი - დოშაქი თურქული სიტყვაა და ნიშნავს ბუმბულის სქელ ლეიბს (XXVIII). სულხან-საბას მიხედვით, დოშაქი თათრული ტერმინია და "შატქუნის" სინონიმი (XVIII), ხოლო შატქუნი ზოგადად "ტერის", ე.ი. "სამოსელნი"-ს, "ქვეშაგებელნი"-ს, "საგებელნი"-ს (XIX) ერთ-ერთი სახეობაა, კერძოდ რომელი, იგი უკვე აღარ აზუსტებს.

ადგილობრივ მკვიდრთა გადმოცემით, სამცხე-ჯავახეთში ჩვილ ბავშვებს "მიწაში ზრდიდნენ". აქ იგულისხმება, რომ ბავშვის საგებელში აუცილებლად მიწა უნდა ყოფილიყო დაყრილი. მათივე განმარტებით, მიწა ადვილად იწოვდა შარდს, ამბობდნენ: "შუშავს და სიგრილე არ ექნება". როგორც აღვნიშნეთ, მიწა სითბოს მეტად ინარჩუნებდა და სისველეს იწოვდა. გადმოცემით, ბავშვს ბუასილი და ძვლების დაავადება არ დაემართებოდა. "მიწაში გაზრდის წესი" დასტურდება ქვემო ქართლშიც (VI; 78). ვფიქრობთ, ზემოაღნიშნულთან ერთად ამ შემთხვევაში მიწის ნაყოფიერების რელიგიურ სიმბოლიკას ჰქონდა მნიშვნელობა, რაც შესაძლებელია, მოსახლეობის მეხსიერებას აღარ შემორჩა.

აკვანში ბავშვს პირველად ბებიქალი "გადაიყვანდა", "სავსე" - ძველ მთვარეზე "ჩაამთვარიანებდა". "მილეულ" - ახალ მთვარეზე ჩვილს აკვანში არ ჩააწვენდა - "მილეული" (სუსტი)

რომ არ გამოხსულიყო. აკენის თაეთან და ფეხებთან სანთლებს
აუნთებდა და ძილისპირულის ლოცვას ეტყობდა:

დაწვები, დაგეძინება
პირს ჯვარი დაგეწერება,
ცხრა ხატი, ცხრა ანგელოზი
სულ თავით დაგეჩვენება,
ჯვარი გწყალობს ჯვარცმული,
ცეცსლში ჩაიწვეს მაცდური,
ღმერთი დაგწერს თავის წმინდა ჯვარს,
ქარს ბეჭედი, ერდოს ჯვარი,
ღვთისგან გწყალობს წმინდა ჯვარი.

აკეანში ჩაწვენისას ბავშვს მთვარის სხივი არ უნდა
მოსვედროდა, იტყოდნენ: დანაკლდება, დაბეჩავდება,
დასუსტდება და კუჭი აეშლებათ (XXXIII: 41). როგორც
ს.მაკალათია გადმოგვცემს - თუ ჩვილს კუჭი აეშლებოდა,
ამბობდნენ: "მთვარემ დაქრაო", მაშინ პატრონი მივა "აილულის"
(მთვარის ამომქრელთან) და ეტყვის, ჩემს ბავშვს ამა და ამ
მთვარეზე ქრისო (ახალი, დამცხრალი, ძველი და სხვა).
"მთვარის ამომქრელი" იმ ღამეს, რომელი სახის მთვარე ბავშვს
ქრის მუცელში, დაჯდება გარეთ, იტყვის ლოცვას და გამოქრის
იმ სახის მთვარეს, რომელიც ბავშვს მუცელში ქრის. შემდეგ
ხელოსანი სიფრიფანა თითბრისაგან გამოქრის ამ მთვარის სახეს
და ბავშვს მარჯვენა მხარეზე დაუკერებენ (XIII: 99). იგივე წესი
ჯავახური მასალის საფუძველზე, მცირე ვარიანტული
სახესხვაობით აღწერილი აქვს გ. ზედგენიძეს (VIII: 20-21).

საერთოდ სამცხე-ჯავახეთში ბავშვის დაბადების შემდეგ
ორმოცი დღის მანძილზე, ე.ი. ქალის ლოგინობის-პერიოდში,
სანამ ქალი და ბავშვი გაინათლებოდა, ძალიან ერიდებოდნენ
ბავშვის "დაქლვას" - "დაბეჩავებას". ე.ი. ბავშვის დასუსტებას.
ბავშვის "დაჩაგვრა", "დაქლვა" მთვარის გარდა შეეძლო
საქონელს, თევზს, მიცვალებულის სულს და სხვა.

გადმოცემით, როდესაც მიცვალებულს მიახვენებდნენ,
ბავშვი მაშინვე ფეხზე უნდა წამოეყენებინათ. თუ ისე
მოსდებოდა, რომ ბავშვის წამოყენებას ვერ მოასწრებდნენ,

მაშინ მას სასაფლაოზე წაიყვანდნენ. წაიღებდნენ ჩვეულებრივ ზედადგარს ან ორ რკინას ვადააჯვარედინებდნენ. ბავშვს ზედ დააყენებდნენ და წყალს გადაავლებდნენ. ზოგჯერ სასაფლაოდან სახლში მიწას წამოიღებდნენ. გობში ჩაყრიდნენ და ბავშვს შიგ დაბანდნენ.

როგორც თ.ოჩიაური აღნიშნავს, "ზღუშვის დალახვისა და მისი მკურნალობის შემთხვევაში ძირითადად მაგიური ხასიათის მოქმედებებთან გვაქვს საქმე. გასვენების დროს ბავშვის ფესზე წამოყენება ან აკენიანად წამოყულება, სიმპათიური მაგიის საფუძველზე იხსნება; მისი წოლა და ძილი მიმსგავსებული უნდა ყოფილიყო მიცვალებულთან, რომ ამ მსგავსებას ნამდვილი შედეგი არ გამოეწვია, იგი ფესზე უნდა აყენებინათ. ამავე საფუძველზე უნდა აიხსნას მიცვალებულისათვის ბავშვის გულზე შეყენებისა და გამოსვენების დროს მთელი ხალხის ფესზე ადგომის წესიც, რაც გვიანი სანისათვის ზნეობის ნორმად არის ქცეული" (XX; 21).

ერთმანეთის დაქლევა შეეძლოთ ერთ თვეში დაბადებულ ორ მეზობელ ბავშვსაც. თუ გზაში ორი დედა ძუძუმწოვარა ბავშვებით ერთმანეთს შესვდებოდა, დაქლევის თავიდან ასაცილებლად შემდეგნაირად მოიქცეოდნენ: ორივე დაჯდებოდა ზურგმუქცევით, ზურგებშიყუდებულები. ერთმანეთის ბავშვს მოაწოვინებდნენ ძუძუს და ამით ისინი თითქოს დაქლევას აცილებდნენ. გადმოცემით, რომელი ბავშვიც დაიქლებოდა, ის ავად გასდებოდა, ვინც დაქლეაჲდა, ის, პირიქით "ჯანში მიდიოდა" (VIII; 18-21). მაგალითად, ფშავში მას "მეთვეურს" ეძახდნენ, იტყოდნენ: ბავშვი მეთვეურმა გამილახაო (XIV; 147). აქვე უნდა აღინიშნოს, რომ დაქლევა ცნობილი იყო საქართველოს სხვადასხვა კუთხეშიც.

სამცხე-ჯავახეთში სხვადასხვა მიზეზის გამო ჩვილი ბავშვები ხშირად იღუპებოდნენ, მიზეზი კი ადგილობრივი მოსახლეობისათვის გაუგებარი იყო, ამიტომ, ბუნებრივია, მიმართავენ ზებუნებრივ ძალებს და ასრულებდნენ სხვადასხვა რიტუალს. მაგალითად, ახალდაბადებულ ბავშვს სასწორის ერთ მხარეზე, მეორეზე კი მის წონა ხორცს

დადებდნენ და ორივეს ერთად აწონიდნენ. შემდეგ სორცს მისცემდნენ ბებია ქალს. ის დაილოცებოდა, "რომ დედას შვილი შერჩენოდა". გარდა ამისა, ბავშვს, სშირად "შეუწონიდნენ" ხანთელს. მარილსა და რკინას. შეწონილი ხანთელი ეკლესიაში უნდა აენთოთ. ხოლო რკინას კი დიდ ხუთშაბათს "უძმრასად" მკედელს წაულებდნენ და გააკეთებინებდნენ პატარა ცულს. გულზე დასაკიდებელ ჯვარს, სამაჯურს და რამდენიმე ცალ ხარის ნაღს. ჯვარს, ცულსა და სამაჯურს ბავშვს ჩამოუკიდებდნენ აკვანზე, ხოლო ხარის ნაღებს მიაკრავდნენ დერეფნის გარე კარებზე: ერთს ზღურბლზე, მეორეს კი ბალავარზე (VIII; 21).

ჯავახეთში ამავე მიზნით ჩვილი ბავშვის პატრონი დაივლიდა შვიდ კომლს, შეაგროვებდა სააკენე ფიცარს და ამ ფიცრებით გაკეთებულ აკვანში ჩააწვენდა ასაღდაბადებულს. ამასთანავე შეაგროვებდნენ ვერცხლის ან სპილენძის ფულს თუ ნივთს და გააკეთებდნენ გასაღებს, რომელიც მას თვრამეტი წელი უნდა ეტარებინა (XIII; 100). გარდა ამისა, ბავშვი სადაც დაიბადებოდა, ამოთხრიდნენ ორმოს, ზედ შავ ქათამს დააკლავდნენ, ზევიდან წინასწარ დამზადებულ პატარა ზედადგარს დაადებდნენ და მიწას მოაყრიდნენ. ზედადგარში ბავშვს სამჯერ გააძვრენდნენ.

ცნობილია, რომ, ხალხური წარმოდგენების მიხედვით, ჩვილ ბავშვს სშირად ერჩოდა "ეშმაკეულობა" (ავი სულები), ამიტომ ბავშვს აკვანში ბალიშის ქვეშ ამოუდებდნენ დანას ან მწარე ბლის ტოტს. ზღურბლზე რკინის ნაღს მიაჭედებდნენ. ავი სულებისაგან დასაცავად ბავშვს აკვანზე ჩამოუკიდებდნენ "ჩანჩხურას" მძივს, რომელშიც ასხმული იყო "თვალის მძივი - "ოროჯი" (ღვინჭილა), აყიყი (წითელი მძივია და ზედ გამოსასხული იყო ნახევარ მთვარე ვარსკვლავით), თევზის ლაყურა, ღორის კოჭები და სხვა" (XIII; 98). ყველა ეს ქმედება ავი სულების ხაწინააღმდეგოდ იყო მიმართული.

თუ ორმოც დღემდე ჩვილ ბავშვს "წყეულის ქარი" იგივე "უემური" მოსვდებოდა და ავად გახდებოდა, ამ დროსაც მიმართავდნენ სხვადასხვა მაგიურ საშუალებებს. წარმოდგენა

უქმურის შესახებ ძალიან გავრცელებული იყო. გადმოცემით, თუ საღამოს წყალზე ვინმე გადაივლიდა, უქმური მაშინვე "დაერთობოდა", მთელ ღამეს ველარ დაიძინებდა. უქმური ყველაზე მეტად ცხენს და წყალს დასდევდა, ამიტომ მზის ჩასვლას შემდეგ მოტანილ წყალს სასლში არ შეიტანდნენ - უქმური შემოყვებაო. არც ცხენს შეიყვანდნენ, თუ შეიყვანდნენ, მაშინ ფეხ-ქვეშ თოფის წამალს აუფეთქებდნენ, ასევე ექცოდნენ წყალზე გადმოვლილსაც (VIII: 13-14). თუ გვიან ღამე ოჯახში შევიდოდა ვინმე, ჩვილი ბავშვის პატრონი ასანთს გაკრავდა ან ცეცხლზე ბუმბულს დაწვავდა და იტყოდა: წყუღიმც არის იმის თაფი (ეშმაკის, უქმურის), უკან გაბრუნდეს თუ მოვიდესო. იცოდნენ აგრეთვე "დახრჩოლება": მაგ- "უზალიკს" (ბალახია) გაახმობდნენ, ცეცხლს წაუკიდებდნენ და ისე "უხრჩოლებდნენ". ან უხრჩოლებდნენ ცეცხლმოკიდებული ფრინველის ბუმბულს, თოფის წამალსა და შაქარს, იტყოდნენ, ბავშვი წყუღლისგან მორჩესო.

იმ შემთხვევაში, თუ ბავშვს უქმური შეხვდებოდა და აყად გასდებოდა, მიმართავდნენ შემლოცველებს, მათ მიუტანდნენ აყადმყოფი ბავშვის ქუდს, შავტარიან დანას, ნახშირს და ისე შეალოცვინებდნენ.

ჩვენ ვიყავით სამნი ძმანი,
 სამებისა შენისა ლოცვისანი.
 გვერქვა: კეროს, კუროს და ქრისტინე,
 წავედით მთასა სანადიროსა,
 ვეძებდით კვალსა ნადირისასა.
 ვერ ვპოვეთ კვალი ნადირისა,
 ვპოვეთ წყარო ალისა, ეშმაკისა,
 შევიპყარი ალი იგი,
 ესსა თმანი ალისანი;
 წვიფნი ჩიქისანი, კბილნი რვალისანი;
 თვალთა მოაჭიატებდნენ,
 კბილთა მოაკრჭიალებდნენ,
 პირთა ლმკრი (დორბლი) გადმოსდებიათ,
 მოთამაშობდნენ, მოიცინოდნენ.
 კითხეს ანგელოსთა: სად მიხვალთ ეშმაკნო?

მოახსენეს: მოვალთ ადამიანთან,
 სორცის შესაქმელად. სისსლის შესასმელად!
 უბრძანეს ანგელოსთა: ევა აგრე არ იქმნების!
 თუ არა დაგიქერთ ასოთა თქვენთა.
 ჩავაგდებთ თორნეს გახურებულსა,
 ხად არა რა ისმის.

შეეზინდათ ეშმაკთ: მოგვიცია თაველებად ღმერთი, სადაც
 იყვეს წიგნი თქვენი და სასელი თქვენი
 იხსკრიებოდეს, არა შევესნეთ მონასა შენსა (სასელი
 შედოცვილის) აწ და მარადის უკუნით უკუნისამდინ,
 ამინ (VIII; 15)

ამ შელოცვაში, შესაძლებელია ზოგიერთი რამ გაუგებარა
 იყოს. ერთი რამ კი ცხადია, რომ აქ აღწერილია წლიქისნაირი
 წვივების მქონე ჰარდორბლიანი, რკინის კბილებიანი ადამიანის
 სორცის მქამელი და სისსლის მსმელი ბოროტი სული - ალი,
 რომელიც განსაკუთრებით ეროდა მშობიარესა და ახალშობილს.
 მელოგინესთან დაკავშირებით ალი მოიხსენიება ალ.სახანაშვილის
 მიერ მოყვანილ შელოცვაშიც (XXXIX, 11). სულხან-საბა
 ორბელიანის მიხედვით, "ალი მშობიარის მაცდურია".

ხაზი უნდა გაესვას ერთ გარემებას, ქართველთა
 ტრადიციული რწმენა-წარმოდგენების მიხედვით, ალი
 ოქროსთიანი ლამაზი ქალია. უფრო იშვიათად გვხვდება
 განსხვავებული შეხედულებაც, რომლის მიხედვით ალი
 მამრობითი სქესის ავსულია და მისი იერ-სახე ემთხვევა
 გ.ზედგენიძის მიერ შელოცვაში მოყვანილ აღწერილობას.
 ამრიგად, ალი მამრობითი თუ მდედრობითი სქესის ავსული,
 მშობიარე, მელოგინე ქალთან კავშირში განიხილება. ჩვენს მიერ
 ზემოთ მოყვანილი შელოცვის მიხედვით, მას ებრძვის და განდევნის
 ანგელოზი. აქედან აშკარად ჩანს ქრისტიანული და
 არაქრისტიანული წარმოდგენების სინთეზი. ალი ავსულთა
 "არაქრისტიანული" კატეგორიაა*, ებრძვიან და ემუქრებიან

* არის მოსაზრება, რომ ალი უკავშირდება მუსულმანურ ბოროტ ღვთაებებს
 ალბასტებს, ოქროსთიან ქალებს, რომელთა ერთ-ერთი ფუნქცია მშობიარეთა
 შეცდენა (XVII; 1, 17-21).

ანგელოზები (ქრისტიანული მოტივი). საინტერესოა, რომ ალ.სახანაშვილის მიერ მოყვანილ შელოცვაში მშობიარე ქალს იცავენ ქრისტიანი წმინდანები: პეტრე და პავლე (XXXIX, 11)

სამცხე-ჯავახეთში ჩვილ ბავშვებს ძალიან არიდებდნენ შეშინებას. როგორც ამბობდნენ, შეშინებით შეიძლებოდა ბავშვს "გული გასკდომოდა ან უშვილო გამოსულიყო". თუ ბავშვი შეშინებული იყო, თაფლიან წყალს დააღვევინებდნენ და შეალოცვინებდნენ:

ყმაწვილს შეშინებია, გული გადმობრუნებია;

გულო მოდი საგულესა,

ნუ წაუსვალ სასულესა.

თეთრი ქორი ქანდარასა,

ქათამი საბუდარასა.

გულო მოდი საგულესა,

ნუ წაუსვალ სასულესა.

ღმერთო შენ დასწერე ჯვარი. ამინ (VII: 29).

სამცხე-ჯავახეთში, ისევე როგორც საქართველოს დანარჩენ კუთხეებში, მელოგინე ითვლებოდა "უწმინდურად". ამიტომ მას ორმოცი დღე გარეთ არ გაუშვებდნენ, ცდილობდნენ ამ პერიოდში ქალი არ გაციებულიყო. ცივ წყალს არ დააღვევინებდნენ - შიგნეულობა გაუცივდება: "ტამრები" (სისხლძარღვები) ღიათ - ამბობდნენ და ადვილად გაცივდებოდა. ქალს ამ პერიოდში ეკრძალებოდა მძიმე ფიზიკური შრომა. მას არ შეეძლო "თარო-კედელს მიდგომოდა", არც "ერბო-ქოთანს მიეკარებოდა" - რომ არ წაებოდა. ამბობდნენ: "თაგვი გამრავლდება ძირ-კუთხეში და ბარაქა არ ექნება ოჯახს". არც პურს გამოაცხობინებდნენ, რადგან, მათი აზრით, ქალს ალი დასდევდა და რძე დაეკარგებოდა. თუ მელოგინე გარეთ გავიდოდა, მოსახლეობის წარმოდგენით, შეიძლება სეტყვა მოსულიყო; მას ეკრძალებოდა სხვის ოჯახში შესვლა და სხვა (XXX; 23).

საღვთისმეტყველებით, მელოგინეს, ისევე როგორც ჩვილ ბავშვს, ძალიან ერჩოდა "ემმაკეულობა". ამიტომ ავი სულელებისაგან დასაცავად, ორმოც დღემდე სხვადასხვა მაგიურ

ქმედებებს მიმართავენ. მაგ., საღამო ხანს მელოგინესთან გარედან შემოსულ ადამიანს არ შეუშვებდნენ; ან საქონლის მოსვლისას ქალს არ გაუშვებდნენ გარეთ, რადგან როგორც ამბობდნენ, ადამიანის მსგავსად, საქონელსაც "მოსდევდა წყეული" (ავი სული), რომელიც "დაეტაკებოდა" მელოგინეს და ავად გახდიდა. ავი სულებისაგან დასაცავად ქალს ლოგინზე რკინის ჯაქვს დაუდებდნენ ან სათუევზაო ბადეს ჩამოუკიდებდნენ. ეს წესები დასტურდება თითქმის მთელ საქართველოში.

სულხან-საბა ორბელიანის მიხედვით: "იქმან ბადეთა აბრეშუმთაგან. კარავთა ოქრო - მოპეტყელებულთა, ქალთა სამშობიეროდ".

მშობიარობის შემდგომი პერიოდის მდგომარეობის შესახებ მსგავს ცნობებს გვაწვდის ვახტანგ ბატონიშვილი: "რა უამს განთავისუფლების და იშვის ყრმა, წარვიდის მხარობელი მათთა ნათესავთა და მეგობართა თანა და სამშობლოსა ქალისასა, დღესა მესამესა უამსა ბინდისასა შეაწვედნენ ქალს ტახტსა ზედა დიდათ ტურფითა საგებლითა და გარაგდებენ ბადებრ მშვენირად მოქსოვილსა ბაღდაჩინად (ხაზი ჩემია, ნ.ჩ) შესრულებადმდე ქალი იგი იყვის ნიადაგ სახლსა თვისსა და ვერსად წარვიდოს" (XI; 18-19). საყურადღებოა, რომ დიდგვაროვნებშიც ქალის საწოლს ბადისებრ ქსოვილს გადააფარებდნენ.

როგორც ცნობილია, ბადეს ძველთაგანვე იყენებდნენ ავი თვალისა და ბოროტი სულების საწინააღმდეგო საშუალებად. გამოთქმულია მოსაზრება, რომ "სიმრგვალე" ანუ წრე თავისთავად აღიქმებოდა, როგორც ისეთი ძალა, ან საზღვარი, რომლის შიგნით ავი სული ვერ შეაღწევდა, რადგან სათუევზაო ბადე დანიშნულებით დამჭერი და ამავე დროს მრგვალი, წრიულად ნაქსოვი, ალბათ ამანაც განაპირობა სხვა ბადეებისაგან განსხვავებით მისი ავი თვალის საწინააღმდეგოდ გამოყენება (XVI; 232).

ორმოცი დღის მანძილზე მელოგინე ქალის მოვლა-

გაფრთხილების მსგავს წესებს უხვდებით მსოფლიოს სხვადასხვა ხალხებში*.

მშობიარობა იწვევდა სხვადასხვა სახის გართულებებს. მელოგინე ქალს საკმაოდ ხშირად აწუხებდა მშობიარობის დროს გამწვავებული ბუასილი, რომლის დროს მელოგინეს უმეტესად "ხორბლის ფაფით" კვებავდნენ. მას შემდეგნაირად ამზადებდნენ: ხორბალს ორი დღე დაალობდნენ და სველ ნაჭერზე გაშლიდნენ. როცა "აღოჯდებოდა" ე.ი. აჯეჯილდებოდა, გაახმობდნენ, დაფქვავდნენ, მოხარშავდნენ და შეურევდნენ ერბოსა და მარილს. ეს საკვები კუჭის მოქმედებას აწესრიგებდა და ბუასილის გაქრობას უწყობდა ხელს.

სამცხე-ჯავახეთში რძის მოყვანის მიზნით, მელოგინე ქალი მიმართავდა სხვადასხვა საშუალებებს: სვამდა დიდი რაოდენობით რძიან ჩაის, თუთის (*Morus alba L*) ხის ძირების ნახარშს და სხვა.

მეძუძური ქალი ლოგინობის დროს განსაკუთრებით უფრთხილდებოდა მკერდს, ეშინოდა "რძის დაკარგვა", რომლის მიზეზად მიაჩნდათ: გაციება, ნერვიულობა, შიში, ამ პერიოდში ქმართან სქესობრივი ურთიერთობა და სხვა. "ორმოცი დღის შემდეგ ქალი სადაც არ უნდა წასულიყო - მეზობელ ოჯახში, წყალზე თუ სხვა, რძე უნდა "გამოიპატიუნა", ე.ი. სახლში დაბრუნების წინ იტყოდა: "მამყე გენაცვალე რძეო, არსად დამრჩე, სახლის პატრონი კი მას ზურგიდან წყალს მიაპკურებდა შემდეგი სიტყვებით: "წაიღე, წაიღე შენი რძე, რათ მინდა, აქ რო დაგრჩეს". თუ ქალი რძეს არ "გამოიპატიებდა", მაშინ სადაც კი ის ფეხს დაადგამდა, რძე აუცილებლად იქ დარჩებოდა, ე.ი. "რძეს დაკარგავდა". ქალს თუ რძე აღარ "მიუდგებოდა", წავიდოდა ყველა იმ ოჯახში, სადაც იყო ნამყოფი, დაივლიდა ყველა კუთხეს და გამოიპატიებდა რძეს: "მამყე და მოდი, საცა

*მსოფლიოს სხვადასხვა ხალხში მელოგინე ითვლებოდა უწმინდურად. მას მშობიარობის შემდგომ პერიოდში ეკრძალებოდა ბევრი რამ და ძალიან უფრთხილდებოდნენ. მაგ., ებრაელები მელოგინეს ოთახს მორთავდნენ სოლმე ამულეტებით, რათა დაეცვათ ქალი ავი სულებისაგან (XXI, 331).

იყვე დაკარგული, ბავშვი შიმშილით მიკვდება" (VIII; 25). თუ ყველა ზემოთ ჩამოთვლილი საშუალება არ გაქრია და ქალს რძე მაინც "არ მოუვიდოდა", მაშინ ურძეო ქალები წავიდოდნენ სოფ. მურჯახეთში, რომელიც ცნობილ იყო თავისი ქვის სვეტით "ძიქვა"-თი (რძის ქვა). მეორე ამგვარი სვეტი ასლა წაქცეულია და მას "ლალიას" ეძახიან. გაღმოცემით, "ლალია ძიქვას ძმა ყოფილა". არის მოსაზრება, რომ ეს მეგალითები წარმოადგენს ფალოსის გამოსასულებას, რომელსაც წარმართობის დროს თავყანს სცემდნენ, როგორც ნაყოფიერების ღვთაებას (XIII; 114). ქალი წავიდოდა ამ სვეტთან თავის ბავშვთან და ძმასთან ერთად. თან წაიყვანდა "საღვთოს" (ცხვარი, ქათამი, მტრედი და სხვა). ძიქვასთან მისვლისას, ბავშვს იქვე ახლოს დააწვენდა და იტყოდა: "ბავშვს შეიბრაღავს და რძეს მომცემს". იმ ღამეს იქ გაუთენებდნენ, მეორე დილას კი საღვთოს დააკვლევიერებდნენ: თავსა და ფეხსა სვეტის ძირში ჩაფლავდნენ, ხორცს კი ვინმე ღარიბს _მისცემდნენ. ქალი სანთლებს აანთებდა, მუხლის მოდრეკით შემოუვლიდა გარშემო სვეტს, თან კარაქს წაუსვამდა, იმავე კარაქიან ხელს ბავშვს გამოუსვამდა პირში, ძუძუზეც მოისვამდა და ძიქვას ამ სიტყვებით შეევედრებოდა: "შენ მომიყენე რძე, მშიერს ნუ მომიკლავ ბავშვს". როდესაც ქალები ძიქვასთან ლოცვას მორჩებოდნენ, მიკიდოდნენ "ლალიასთან" და ახლა მას შეევედრებოდნენ რძის მიცემას: "შენ მადლიანი ხარ, ღმერთსა სთხოვე და დაგაღალია, ჩვენ მოგვეცი სათხოვარი, იმის ძმა ხარ და რძე მოგვეცი". ლალიასაც სანთლებს აუნთებდნენ და მუხლის ჩოქვით შემოუვლიდნენ. წასვლისას ურძეო ქალები ძიქვის მიწას წაიღებდნენ თან და ისე წავიდოდნენ, რომ ძიქვასა და ლალიასთვის არ შეეხედათ, რათა მათი თხოვნა შეესრულებინათ. სახლში მისვლისას ქალი ძიქვას მიწას წყალში გასხნიდა და ამითი დაიბანდა დედაც და შვილიც. ამის შემდეგ ქალს რძე "მიუდგებოდა" (VIII; 22-24).

თუ ქალს მკერდი ატკივდებოდა, გაუმაგრდებოდა, გაუწითლდებოდა და შეუსივდებოდა (ე.ი. მასტიტის დროს), რომლის მიზეზად ძუძუს გაცეება ან რძის ჩადგომა-ჩაგროვება ითვლებოდა (ბავშვი კარგად ვერ წოვდა, ან ძუძუს თავების

დასეთქვის შემთხვევაში დედა კარგად ვერ აწოვებდა). მიმართავდნენ სხვადასხვა სამკურნალო საშუალებებს. მაგ., სიმსივნის დასაცხრობად ძუძუსე დაიდებდნენ კორდისა (დაუმუშავებელი მიწა) და დოს, ან თინისა და დოს ნაზავს და მკერდს თბილად შეისვევდნენ. გარდა ამ საშუალებებისა, ზოგჯერ ქალი წყლით სავსე კოკას დადგამდა, ძუძუებზე თმას გადმოიშლიდა და კოკაზე ჩამოივარცხნიდა, ან ვინმე სხვა უმეტესწილად ბებია, თან იტყოდა: ბეწვი იქნება ჩაყოლილი და იმიტომ ტკივა, ეს მოარჩენსო. თუ ქალს ძალიან პქონდა მკერდი გამიწეზებული, მაშინ ბანიდან წყალს ჩამოაქცევდნენ და სადაც დაესხმებოდა, იმ ადგილას ლურჯ ნაჭერს დაასველებდნენ, გასაპნავდნენ და ისე დაიდებდნენ ძუძუსე (VIII; 25).

ყველა ჩვენს მიერ ზემოთ აღწერილი, ხალხური სამკურნალო საშუალება, რომელთა შორის მაგიურ ქმედებებსაც აქვს ადგილი (წყლის ჩამოქცევა), როგორც ჩანს, ხელს უწყობდა ანთებითი პროცესის ღაცხრობას და ტკივილის დააყუჩებას.

მკერდის გამაგრების სამკურნალო ანალოგიური საშუალებანი გავრცელებულია საქართველოს სხვადასხვა კუთხეში. აღსანიშნავია, რომ ძველ ქართულ სამედიცინო წიგნებში საკმაო სიზუსტითაა აღწერილი გამაგრებული მკერდის მკურნალობა. მაგ., "დედაკაცსა თუ რძე დააკლდეს, მისი ნიშანი ეს არის, რისგან არის, თუ გუნება მწოვედ მზურვალი ანუ ნამეტნავად გუნება გრილი არის ანუ ყუითელი და რომე დასდვა ცხელი იყოს, მუდმათ იისა ზეთსა ძუძუსა შემოსცხებდი და ნელ-თბილსა წყალსა ძუძუსა და მკერდსა. ზედა ასხემდი დაშექმნილი იყოს, და ნედლიოა-ქინძისა წვენითა დაასხი ზედა, აკვანსა შიგა კარგად დაზილე რომე მალამოსავითა შეიქნას ღა ტლედ ძუძუსა ზედა შემოსდეგ..." (XXVII; 153).

რძის მოყვანისა და მკერდის გამაგრების საწინააღმდეგოდ გამოყენებული ზოგიერთი ხალხური საშუალება, თანამედროვე მედიცინის თვალსაზრისითაც შეიძლება მიზანშეწონილად ჩაითვალოს: რძიანი ჩაის მიღება,

მკერდის გამაგრების შემთხვევაში სხვადასხვა საცხებლების გამოყენება.

სამცხე-ჯავახეთში მელოგინეს ორმოცი დღე რომ შეუსრულდებოდა, "გასუფთავების" მიზნით, დილას ადრე ადგებოდა, დაიბანდა, მოიტანდა წყალს, ბავშვის აკეანს დანამავედა და თვითონაც დაღვედა. ამის შემდეგ, მელოგინეს ოჯახში მღვდელს მოიყვანდა. ის ოჯახს განათლავდა, "ნათლისწყალს" "ძირ-კუთხეში" მოასხამდა, ლოგინსა და ოჯახის წევრებსაც შეასხურებდა. ამ რიტუალის შემდეგ ქალი უკვე განწმენდილად ითვლებოდა და მას ჩვეულებისამებრ შეეძლო ნორმალურ ცხოვრებას შედგომოდა. მელოგინის გასუფთავებისა და ოჯახის განათვლის წესი დასტურდება მთელ საქართველოში და ასევე მსოფლიოს სხვადასხვა ხალხებში*.

მელოგინეს ოჯახში, მშობიარობიდან ერთი თვის თავზე მივიდოდნენ ნათესავები და ახლობლები სუფრით. მიჰქონდათ ქადა, ერბო, კვერცხი, არაყი, ჰალვა, თაფლი და სხვა. ამ რიტუალს "ლოგინის ძღვენის მოტანას" უწოდებდნენ. ეს წესი დასტურდება საქართველოს სხვადასხვა კუთხეშიც (X; 108).

რაც შეეხება "ძეობის" - "ძიობის" გადახდას, სხვადასხვა ავტორი მიიჩნევს, რომ ის ერთი კვირის თავზე იმართებოდა. ჩვენ ძეობის ზუსტი დრო ვერ დავადგინეთ. სავარაუდოა, რომ მას ორმოცი დღის შემდეგ იხდიდნენ, როდესაც მელოგინე და სახლი გაინათლებოდა. ეს ძირითადად ვაჟის დაბადებას უკავშირდებოდა. ამ დროს მოწვეულები იყვნენ ის ქალებიც, რომლებიც ესწრებოდნენ მშობიარობას. გაიშლებოდა სუფრა და ოჯახის უფროსს აირჩევდნენ თამადად. პირველი სადღეგრძელო იყო ბავშვისა და დედ-მამისა, რომელიც შემდეგი სიტყვებით დაიღუოდა: "ღმერთო შენ წყალობდე ამ ოჯახს, მის კერას, გაუზარდე ახალი შეძინებული, დედ-მამიანი იყოს, ვისაც არ უნდოდეს იმასაც მიეცი". შემდეგ თამადა ადღეგრძელებდა

*მსოფლიოს ბევრ ხალხებში მელოგინეს გასუფთავება-განწმენდის ცერემონიალი ტარდებოდა სხვადასხვანაირად. მაგ., აბაზანები, დაბანა, დახრჩოლება (XXI; 334).

იქ მყოფ ყველა ქალს. ბოლოს კი დაემშვიდობებოდნენ ოჯახს შემდეგი სიტყვებით: "მშვიდობით აგელაგოს ლოგინი, დედ-მამიანი იყოს, გაგეზარდოს, სხვაც მრავალი გაგეტარებინოს მელოგინეობა" და წავიდოდნენ სახლებში (VIII; 10). ეს მასალა ნათლად მიუთითებს, რომ ძეობის გადასხდის წესი "ლოგინობის დამთავრების" პერიოდს უკავშირდებოდა.

"ბებიაქალი" ერთი კვირის განმავლობაში რჩებოდა მელოგინესთან. მის მოვალეობად ითვლებოდა დედისა და ჩვილი ბავშვის მოვლა-პატრონობა. ამ რეგიონში ბებიაქალებს თავისი ცოდნა ხშირად შთამომავლობით პქონდათ მიღებული. ზოგმა თავისი უშუალო სპეციალობის გარდა, სხვადასხვა დაავადების მკურნალობაც იცოდა შინაური წამლებითა თუ შელოცვებით.

ბებიაქალი ძალიან დაფასებული იყო. მისთვის დაკანონებული გასამრჯელო არ არსებობდა, მაგრამ მელოგინეს ოჯახი მას აუცილებლად პატივს სცემდა. გაშლიდა სუფრას, რომელსაც "მუხლის პურს" ეძახდნენ. შესაძლებელია ეს ტერმინი დაკავშირებული იყო ქალის მუხლებზე დაჩოქილ მშობიარობასთან. სახლში წასვლის წინ ბებიას აჩუქებდნენ საპონს (რომლითაც ის ბავშვს აბანავებდა), "ჭიპის მოჭრის საჩუქარს" (შეიძლება ყოფილიყო რაიმე საკაბე ნაჭერი), ერთ კოდ პურს და სხვა. ე.ი. გარკვეულ ტრადიციულ გასამრჯელოს ბებია მაინც იღებდა. საერთოდ, ის მელოგინე ქალის ოჯახთან ურთიერთობას შემდგომშიც არ წყვეტდა.

ბებიაქალის ინსტიტუტი ცნობილია თითქმის მთელ საქართველოში, ზოგიერთი მთიანი რეგიონის გამოკლებით. შეანს სხვადასხვა დროს სხვადასხვა სახელი ერქვა: "ამქმელი" ან "ამქმელი დიაცი", "დედათ-მოურავი", "ტატბერი", "ბებია" და სხვა (XXIII; 174). სულხან-საბა ორბელიანის განმარტებით, ამქმელი ეს არის "მომნათლავი, გინა დედათ-მოურავი, რომელ არს შეანი" (XVIII;). ილია აბულაძის მიხედვით - ყრმის აღმქმელი ბებია ქალია, რომელიც მოიხსენიება ბიბლიის ძველ თარგმანებში, მაგ., "ყრმის - აღმქმელსა ებრაელსა ვეძიებ" (III).

ცნობილია, რომ სამცხე-ჯავახეთში სხვადასხვა ეროვნებისა და სარწმუნოების მოსახლეობა ცხოვრობდა. აქ

ბუნებრივია, მეანობის პრაქტიკას ქართველებთან ერთად ეწეოდნენ სომეხი, მაჰმადიანი და კათოლიკე ბებიაქალები. აჭარლები ბებიაქალს "ებეს" ან "ნენიას", სოლო სომხები "ტადმერს" ან "დაიაკს" ეძახდნენ (XXXIII; 11). საჭიროების შემთხვევაში ბებიაქალები არ ერიდებოდნენ სხვა სარწმუნოებისა და ეროვნების ქალების მომშობიარებას. მაგ., ასალციხელ ებრაელთა გადმოცემით, ბებია იმდენად დიდი ავტორიტეტით სარგებლობდა, რომ ხშირ შემთხვევაში მას ქრისტიანები და მუსლიმანებიც იწვევდნენ და პირიქით (XX; 175).

საქართველოში, ისევე როგორც მსოფლიოს სხვა ხალხებში, სადაც ადგილობრივი მეანის ინსტიტუტი მოწმდება, ბებიაქალები დიდი პატივისცემით სარგებლობდნენ (XXI; 134).

ზემოთ მოყვანილი მასალიდან ჩანს, რომ სამცხე-ჯავახეთში ქალის, განსაკუთრებით კი ასლად გათხოვილი ქალის, ჯანმრთელობის დაცვა რაციონალურ სასიათს ატარებდა. ეს შეესება, როგორც პროფილაქტიკურ, ისე სამკურნალო საშუალებების გამოყენებას. რაციონალურად უნდა ჩაითვალოს მენსტრუაციის და ფეხმძიმობის დროს რელიგიური აკრძალვების სახით ჩამოყალიბებული წესები, რაც ამ პერიოდში ქალის დაზოგვის, სქესობრივი კავშირის შედეგად მოსალოდნელი გართულებების, ასევე გაციების და ინფიცირების აცილებისაკენ იყო მიმართული.

თანამედროვე მედიცინის თვალსაზრისით, ვფიქრობთ, ყურადღებას იმსახურებს გინეკოლოგიურ დაავადებათა მკურნალობის საშუალებები, საშილოსნოდან სისხლის დენის დროს - ცივი საფენები და აბაზანები, უშილობის მკურნალობა სხვადასხვა შემოსადებებით და მაფიქსირებელი ნახვევებით (იახი, კუპრიელი და ა.შ.), ასევე ბუნებრივი თბილი წყლის აბაზანებითა და ტალახით (ხერკვისისა და ასპინძის აბანოები).

განსაკუთრებით აღსანიშნავია ის ფაქტი, რომ სამცხე-ჯავახეთში ქალი მშობიარობდა ადგილობრივი მეანის - ბებიაქალის დახმარებით, რომელიც საკმაოდ კარგად ფლობდა თავის სპეციალობას. ეს კი პირველ რიგში ზღვს უწყობდა

მშობიარობის დროს მოსალოდნელი გართულებების თავიდან აცილებას, ხოლო გართულებების შემთხვევაში ბებიაქალის აქტიური ჩარევით (მაგ., მუცელში ბავშვის შემობრუნების თავისებური მეთოდებით, საჭიროების შემთხვევაში საშილოსნოს ყელის გასხნის მსუბუქი მასაჟის საშუალებებით, მშობიარობის შემდეგ სისხლის დენის შესაჩერებლად ცივი კირიანი წყლის აბაზანების გამოყენებითა და სხვა).

ვფიქრობთ, მშობიარობის და შემდგომ ლოგინობის პერიოდში დადებით ფსიქოთერაპიულ ეფექტს ახდენდა აგრეთვე ქალის ჩვეულ გარემოში მშობლების ოჯახში ყოფნა, ასევე მძიმე მშობიარობის შემთხვევაში ქმრის სიხსლოვის განცდა და სხვა.

აღსანიშნავია ის ფაქტი, რომ ლოგინობის პერიოდში, განსაკუთრებით კი პირველ კვირას ახალშობილისა და ნამშობიარები ქალის მოვლა, მკერდის დამუშავება და სხვა ბებიაქალის მოვალეობას წარმოადგენდა. ამ პერიოდში ქალი მოსვენებული იყო, თავისუფლდებოდა ახალშობილის მოვლისაგან, ეს განსაკუთრებით პრაქტიკული იყო ახალგაზრდა ქალისათვის პირველი მშობიარობის შემდეგ. 40 დღის მანძილზე გამოუცდელი დედა მშვიდად სწავლობდა და ეჩვეოდა ბავშვის მოვლას.

საინტერესოა ახალშობილის "მიწაში გაზრდისა" და მელოგინეს "მიწაში დაწვენის" წესი. მიწაში დაწვენა, თანამედროვე ინფორმატორების ახსნით, მხოლოდ ბავშვისა და ქალის სიმშრალესა და სითბოს ემსახურებოდა. ეს შესაძლებელია მართლაც ასეა - მიწა სისველეს კარგად ატარებს და სითბოს ინარჩუნებს, მაგრამ, ვფიქრობთ, ამ შემთხვევაში, მიწის ნაყოფიერების სიმბოლიკას უნდა ჰქონოდა გარკვეული მნიშვნელობა.

როგორც აღვნიშნეთ, სამცხე-ჯავახეთში დამოწმებული ქალის მშობიარობასა და ჩვილი ბავშვის მოვლასთან დაკავშირებული ბევრი მაგიურ-რელიგიური წესი თუ ქმედება რაციონალურ ხასიათს ატარებდა. ზოგიერთ შემთხვევაში მოქმედებდა მხოლოდ ფსიქოთერაპიული ეფექტი (მაგ., უელოცვების დროს და სხვა). რიგი მაგიურ-რელიგიური

ქმედებების, აგრეთვე ზოგიერთი სამკურნალო საშუალებების, მაგ., ქარვის მძივებისა თუ ტაბასტის ბექდის ტარების წესი და სხვა მოქმედების ეფექტურობის დადგენა და ახსნა ჯერჯერობით ჭირს. თუმცა ამ კუთხით კვლევა გარკვეულ პერსპექტივას სახაფს.

განსაკუთრებით საყურადღებოა ის ფაქტი, რომ სამცხე-ჯავახეთში დამოწმებული მეანობისა და გინეკოლოგიურ დაავადებათა მკურნალობის ხალხური ტრადიციები საკმაოდ ახლოს დგას ძველ ქართულ კარაბადინებში აღწერილ ანალოგიურ წესებთან. რაც ძველი ქართული კლასიკური მედიცინისა და სამცხე-ჯავახეთში მოსახლეობის სამედიცინო ტრადიციების ურთიერთკავშირსა და ურთიერთგავლენაზე მეტყველებს.

წყაროები და ლიტერატურა

- I Abdullayev, Bahlul - Mythological Image of Alarvady (Albasty) in the Azerbaijan Birth Rites. კრბ. Folk Belief Today. Tartu, 1995
- II აბდუშელიშვილი მ., პატარაია შ., ადრეული ასაკის ბავშვთა აღზრდაში მავნე ტრადიციის შორეული შედეგები. თბ., 1978
- III აბულაძე ილ., ძველი ქართული ენის ლექსიკონი, თბ., 1979
- IV ბიბლია, ესეკ. 16:4,5
- V გვათუა ნ., დმანისის რ-ნის ეთნოგრაფიული დღიური III, 1991 (ინახება ავტორთან).
- VI გვათუა ნ., ბოლნისის რ-ნის ეთნოგრაფიული დღიური II, 1991 (ინახება ავტორთან).
- VII გველ-შოკვალ უფლისათვის. ქართული შელოცვები თბ., 1992
- VIII ზედგენიძე გ., ჯავახეთი, მშობიარობა, ბავშვის აღზრდა. ივ. ჯავახიშვილის სახ. ისტორიისა და ეთნოგრაფიის ინსტიტუტის ეთნოგრაფიული არქივი I, 67, 1946
- IX იადიგარ დაუდი, თბ., 1985
- X იველაშვილი თ., საქორწინო წეს-ჩვეულებანი სამცხე-ჯავახეთში, თბ., 1987
- XI ისტორიკობრი აღწერა ვახტანგის მიერ (კაკაბაძის გამოცემა), ტფ., 1914
- XII კაპანაძე ნ., ბავშვის აღზრდის ქართული ხალხური ტრადიციები, თბ., 1994
- XIII მაკალათია ს., მესხეთ-ჯავახეთი, თბ., 1938
- XIV მაკალათია ს., ფშავი, თბ., 1934
- XV მაყაშვილი ა., ბოტანიკური ლექსიკონი, თბ., 1991
- XVI მირიანაშვილი ქ., სათევზაო ბადეების რელიგიური მნიშვნელობა. მასალები საქართველოს ეთნოგრაფიისათვის, XXIII თბ., 1987
- XVII Мифы народов Мира Т. I, М., 1980.
- XVIII ორბელიანი სულხან საბა, ლექსიკონი ქართული I, 1991
- XIX ორბელიანი სულხან საბა, ლექსიკონი ქართული II, 1993
- XX ოჩიაური თ., დაკრძალვის წესები ქართლში ძველად

- და ახლა. თბ., 1987
- XXI. Плосс Г.П., Женщина в естествоведении и народноведении, С-Петербург, 1900
- XXII საქართველოს ებრაელთა ისტორიულ-ეთნოგრაფიული მუზეუმის შრომები, III, 1945
- XXIII სააკაშვილი მ., გელაშვილი ა., საქართველოს მედიცინის ისტორია, ტ. III, წ. II, თბ., 1958
- XXIV Серебрякова М.Н., Функциональная роль магии в обрядах деторождения у современных турок. ис. Мифы, Культы, Обряды Народов Зарубежной Азии., М., 1986
- XXV სურმანიძე რ., მცირე კარაბადინი, აჭარა, ბათუმი, II, 1991
- XXVI Фрезер Дж., Золотая ветвь, М., 1928
- XXVII ქანანელი, უსწორო კარაბადინი, თბ., 1940
- XXVIII ქართული ენის განმარტებითი ლექსიკონი, ტ. III, თბ., 1991
- XXIX ქართული ხალხური შელოცვები, ბათუმი, 1994 (გვ.109)
- XXX ჩირვაძე ნ., ასპინძის რ-ნის ეთნოგრაფიული დღიური V, სოფ. თმოგვი, 1988 (ინახება ავტორთან)
- XXXI ჩირვაძე ნ., ასპინძის რ-ნის ეთნოგრაფიული დღიური VII, სოფ. ძველი, 1988 (ინახება ავტორთან)
- XXXII ჩირვაძე ნ., ახალციხის რ-ნის ეთნოგრაფიული დღიური VIII, სოფ. ღრელი, 1988 (ინახება ავტორთან)
- XXXIII ჩირვაძე ნ., ახალქალაქის რ-ნის ეთნოგრაფიული დღიური VIII, სოფ. ბარალეთი, 1988 (ინახება ავტორთან)
- XXXIV ჩირვაძე ნ., ახალქალაქის რ-ნის ეთნოგრაფიული დღიური XI, სოფ. მურჯახეთი, 1989 (ინახება ავტორთან)
- XXXV ჩირვაძე ნ., ასპინძის რ-ნის ეთნოგრაფიული დღიური XI, სოფ. აწყვიტა, 1991 (ინახება ავტორთან)
- XXXVI ჩირვაძე ნ., ქედის რ-ნის ეთნოგრაფიული დღიური I, სოფ. დანდალო, 1991 (ინახება ავტორთან)
- XXXVII ჩუბინიშვილი ნ., ქართული ლექსიკონი, თბ., 1961
- XXXVIII წიგნი სააქიმოდ, თბ., 1936
- XXXIX Хаханов Ал., Месхи (этнографический очерк) ис. Этнографическое обозрение, М., 1891, N3
- XXXX ჯავახიშვილი ივ., ტ I., ქართველი ერის ისტორია, წიგნი I, თბ. 1979

მეანობისა და გინეკოლოგიურ დაავადებათა მკურნალობის ზოგიერთი ხალხური ტრადიცია დასავლეთ საქართველოში

(სვანეთის, რაჭა-ლეჩხუმის და იმერეთის ეთნოგრაფიული
მასალის მიხედვით)

მედია ბურდული

დასავლეთ საქართველოში, ისე როგორც სავსებით მთელ საქართველოში, ჯანმრთელი შთამომავლობისათვის სრუნვა ქალის ფუნქციონირების პირველი დღიდანვე იწყებოდა. კიდევ უფრო ადრე - ქორწინების წინ ხდებოდა საქორწინო წყვილთა შერჩევა. "ჯიშ-ჯილაგიანობის გაკითხვა," მათი მემკვიდრეობის შემოწმება, რადგან ითვლებოდა, რომ ბევრი დაავადება: ტუბერკულოზი, ზოგიერთი სახის ფსიქო-ნერვული ავადმყოფობა (მაგ: ეპილეფსია) და სხვ., ასევე ფიზიკური ნაკლი - სიბრძავე, სიყრუე და მისთ. მემკვიდრეობით გადადიოდა და თუ გვარში რომელიმეს ასეთი დაავადება ჰქონდა, მათი შთამომავლობისათვის ეს საშიში იყო. ამიტომ საპატარძლოს თუ სასიძოს ოჯახის, გვარის, შთამომავლობის გაკითხვა-გამორკვევას დიდ მნიშვნელობას ანიჭებდნენ. თუ გაიგებდნენ, რომ საპატარძლოს ან სასიძოს, გვარში ასეთი დაავადება "მოუდიოდა", თუნდაც რამდენიმე თაობის წინ, მაშინ ქორწინებისაგან თავს იკავებდნენ. განსაკუთრებული ყურადღებით ხდებოდა სარძლოს შერჩევა: "დინტერესებული მხარე პირველ რიგში გაიგებდა ქალის მამის ოჯახისა და გვარის აკარგიანობას, ღირსება-ნაკლოვანებას. მერე აწყებოდა მისი დედის ოჯახისა და გვარის "ძირი-ძირობამდე" გამოკითხვა. თუ აღმოჩნდებოდა რაიმე მემკვიდრეობითი დაავადება (სიკოჭლე, ქლექი, სიქარლე, ფსიქიკური დაავადება და ა.შ.), მაშინ ამ ქალის რძლობაზე უარს ამბობდნენ (XV:19).

ქალის გასინჯვის დროს სადედამთილო გამოვლავლავდებოდა ქალს "უნაჩლონგი ხომ არ არისო, გაატარებდნენ - კოჭლი ხომ

არ არისო, კისერს გაუსინჯავენ -თიადორა ყელისა სომ არ აქესო." (XIX: 35).

აღნიშნული მიზეზი ედო საფუძვლად თბილისში აბანოში ქალის გასინჯვის ჩეულებასაც (X: 60).

ცნობილია, რომ ქართველ ხალხში უშვილობა დიდ უბედურებად ითვლებოდა და განსაზღვრავდა ქალის მდგომარეობას ოჯახში. უშვილო ქალები ყოველ ღონეს ხმარობდნენ, რომ შვილი მისცემოდათ (წამლობა, შელოცვები, სალოცავეებში მსხვერპლის შეწირვა და სხვა). პირველ რიგში ისინი ექიმბაშებსა და ბებიაქალებს მიმართავდნენ, რომლებიც უშვილობის მკურნალობაში საკმაოდ დიდ გასამრჯელოს იღებდნენ.

სულ ახლო წარსულში იმერეთში, სოფელ კულაში ცხოვრობდა ბებიაქალი ოლღა ნაჭყებია, რომელიც ცნობილი იყო უშვილობის სამკურნალო "უებარი წამლის" დამზადებით. მისი სიტყვით, თუ საშვილოსნო "გაკირული" (როგორც ჩანს აქ საშვილოსნოს განუვითარებლობა ან ფალოპიუსის მილების გაუმტარობა იგულისხმება) არ იყო, აუცილებლად უშველიდა და თავისი შინაური წამლით ქალის დაფენძიმებას შეუწყობდა ხელს. ეს წამალი შავ ღვინოზე მზადდებოდა, მასში თერთმეტი "თავი წამალი", ე.ი. ინგრედიენტი შედიოდა (ამ გასაიდუმლოებული წამლის რეცეპტი ბუნებრივია ექიმბაშის მიერ არ იყო დასახელებული). უშვილო ქალს დაახლოებით ერთი თვის მანძილზე ცხრა ლიტრა წამალი უნდა დაეღლია. ექიმბაში სამ ლიტრა წამალში ოთხმოცდაათ მანეთს იღებდა 1990 წლის კურსით. ე.ი. მკურნალობის მთელი კურსი ქალს 270 მანეთი უჯდებოდა. თუ გავითვალისწინებთ, რომ ბებიაქალი მომშობიარებაში გასამრჯელოდ ოც მანეთს იღებდა, ნათელი გახდება შემოაღნიშნული წამლობის მნიშვნელობა.

იმერეთში, უშვილობის სამკურნალო წამლების დამზადებით, წარსულში ცნობილი ყოფილა ანა წერეთელი (აკაკის და), რომელიც თავის ცოდნას შინამოსამსახურეებსაც კი უზიარებდა.

თუ ქალს "უშვილობის" წამლები არ უშველიდა, მაშინ უკვე უბუნებრივ ძალებს - ხატ-სალოცავეებს მიმართავდა.

ძირითადად ღვთისმშობელს ევედრებოდნენ შვილიერების მინიჭებას, სევანეთში კი ლამარიასთან (ღვთისმშობელი) ერთად უშვილო ქალების დამხმარე ღვთაებად ითვლებოდა ლატალის მთავარანგელოზიც - "დაბადების ღვთაებას, რომელსაც "მუხერია თარგლეზერს" ეძახიან, საერთოდ, არაერთხელ მოუწადინებია, რომ უშვილო ცოლქმარს შვილი მისცემოდა, თუკი ეს ცოლქმარი წმინდა სალოცავებს მომართავდა, ზვარაკებს შესწირავდა და მადლით სავსე ღვთაების გულს მოიგებდა. "მუხერია თარგლეზერის" სახელობის საყდარი ლატალში "ბრძანებული" იყო (XII: 9-10).

ქართული საქორწილო რიტუალები შეიცავდნენ მრავალ მაგიურ ქმედებას, რომლებიც ახალშექმნილი ოჯახის გამრავლებისკენ იყო მიმართული.

ფესმძიმე ქალს ოჯახის წევრები საკმაოდ უფროსხილდებოდნენ მძიმე სამუშაოს არიდებდნენ - სიმძიმეს არ აწევინებდნენ, მაგრამ მას ინტენსიურად უნდა ემოძრაედა, რადგან მოძრაობა, ხალხის გადმოცემით, ადვილ მშობიარობას უწყობდა ხელს.

ორსული ქალი გარკვეულ დიეტას იცავდა: მას კერძალებოდა ცხარე და მარილიანი საჭმლის მიღება. ადგილობრივი ინფორმატორის გადმოცემით, ფესმძიმე ქალს ძლიერი ტკივილიც კი (მაგ., სახსრების ტკივილი), უნდა მოეთმინა. წამალი არ უნდა დაეღია, რათა "მუცელი არ მოშლოდა". ან წამალს სხვა მხრივ, ცუდად არ ემოქმედა ნაყოფზე.

რაჭაში და მოსაზღვრე იმერეთის სოფლებში მოძიებულია მასალა, რომლის მიხედვითაც, ფესმძიმეს ზოგჯერ ადგილობრივ, სოფლის მეურნალებს მიერ დამზადებულ "ზნის" (საყმაწვილო, ეპილეფსია) წამალს აძლევენ ამ ავადმყოფობის პროფილაქტიკის მიზნით. იმერეთში ცნობილია თერჯოლის რაიონის სოფელ ღვანკითში მცხოვრები უგრესელიძეების წამალი საყმაწვილოს სამეურნალო წამლების დამზადებით განთქმული იყო რაჭის სოფელ ბუგეულში მცხოვრები გაბიჩვაძეების ოჯახი, რის გამოც ამ წამალს ხშირად "რაჭულ" ან "ბუგეულის წამალსაც" ეძახდნენ. გაბიჩვაძეებს სამეურნალო ცოდნა მემკვიდრეობით პქონიათ მიღებული და კარაბადინებით შევსებული.

ექიმბაში ილია გაბიჩვაძე XX ს. 30-იან წლებში დაპატიმრებულიც კი ყოფილა სამკურნალო საქმიანობისათვის. მას რესპუბლიკის ჯანდაცვის მინისტრის სახელზე დაუწერია თხოვნა-განმარტება (საბუთი ოჯახში ინახება), რომელშიც ჩამოთვლილია "ბუგეულის წამლის" ინგრედიენტები.

აღნიშნული საბუთის წყალობით, ჩვენთვის ცნობილი გასდა ეპილეფსიის სამკურნალოდ სმარებულ წამალში შექმნილი მცენარეებისა და ნივთიერებების მსოლოდ სახელები. ესენია: კატაპარიი//კატაბალასა (*Valeriana officinalis* L), ჯავზი (*Myristica moschata* Thub), ბადანი (*Illicum atisatum* (L)), რევანდი (*Rheum*), ჭიაფერი (*Phytolaccla americana* L), მაგნეზია, ძირტკბილა (*Glycurrhiza Glabra* L).

აღნიშნული ოჯახების სამკურნალო საქმიანობა დღესაც გრძელდება.

ფეხმძიმე ქალის ჯანმრთელობაზე ზრუნვა ადამიანთა ცრურწმენასა და წარმოდგენებსაც უკავშირდება. მაგალითად, არ შეიძლებოდა ფეხმძიმე ქალის შეშინება. იტყოდნენ "მუცელი მოეშლებაო". მძიმე ფსიქიური ტრავმა შეიძლება საბედისწერო გამსდარიყო, ამიტომ ფეხმძიმე ქალს უსიამოვნო ემოციებს არიღებდნენ.

ორსულ ქალს ეკრძალებოდა ბევრი ისეთი რამ, რაც მოსახლეობის წარმოდგენით, ნაყოფზე ცუდ გავლენას მოახდენდა. მაგ: მას არ უნდა ეცქირა ღორის დაკვლისთვის, იტყოდნენ - "ჩეილს ხინინი დაყვებაო", ასევე მომაკვდავისათვის - "ბავშვს სულის ზუთვას დაუტოვებსო" და სხვა.

ფეხმძიმეს მუცელი რომ არ ჰოშლოდა, უმეტეს შემთხვევაში ქალს გარკვეული დროის განმავლობაში საწოლში მოათავსებდნენ და ინტენსიურ მოძრაობას უკრძალავდნენ. თუ მას მუცელი ხშირად ეშლებოდა, მაშინ მიმართავდნენ ადგილობრივ შეანებს, რომლებაც საკუთარი მეთოდებითა და თვითნამზადი შინაური წამლებით მკურნალობდნენ. ამათგან უპირველესი იყო "წელის შეკვრა" სხვადასხვა მანუქირებული საშუალებებით.

დასავლეთ საქართველოში ასევე ფართოდ იყო

გავრცელებული მუცლის შესანარჩუნებელი შელოცვის
სხვადასხვა ვარიანტები:

ანი დადგა, ბანი დადგა, დღე დადგა
მთვარე დადგა, ნაძრავი დადგა, უძრავი დადგა,
მოტეხილი დადგა, მოწყვეტილი დადგა.
ვინც ეს წყალი დალიოს
იმის მუცელში ბავშვი დადგეს,
მზე დაუნახავი, მთვარე დაუნახავი,
დრომდე იყავი და დროზე გამოდი.
ფერდო ბავშვი შეინახე,
ფერდო ბავშვი შეინახე. (იმერეთი)

შელოცვის დროს შემლოცველს ხელში ეჭირა თეთრი
ან შავი მძივი. შეულოცავდნენ ცხრაჯერ და შემდეგ "შენალოც"
მძივს ფესმძიმეს წელზე შეაბამდნენ". ცხრაჯერ შეულოცავდნენ
იმიტომ, რომ ბავშვი ცხრა თვე უნდა ყოფილიყო მუცელში. ეს
მძივი ქალს მშობიარობამდე უნდა ეტარებინა, შემდეგ
მოიხსნიდა, ხპილენძის ფულთან ერთად, ბავშვს თავზე
შემოაფლებდა, თან იტყოდა: ამას გაყვეს ბავშვის ყოველგვარი
ავადმყოფობაო და სადმე მოშორებით დადებდა.

სვანეთში ოდნავ განსხვავებული შელოცვა და
რიტუალია დამოწმებული:

ანი დადგა, ბანი დადგა,
სე დადგა, მიწა დადგა,
ცა და ქვეყანა დადგა, წყალი დადგა,
მოძრავი დადგა, უძრავი დადგა,
ქალის მუცელში ბოში დადგა.
ანი იძრა, ბანი იძრა,
სე იძრა, მიწა იძრა
ცა და ქვეყანა იძრა, წყალი იძრა,
მოძრავი იძრა, უძრავი იძრა,
ქალის მუცელში ბავშვი იძრა.

შელოცვის დროს შემლოცველი ფესმძიმე ქალს
მუცელზე ხელს უხვამდა, შენალოც წყალს დააღვეინებდა.

წელსა და მუცელზე ცხრაჯერ განასკვეულ შენალოც მატყლის ძაფს შემოაველებდა, კანაფის დაწნილ ქერქს მუცელზე შემოაკრავდა. ძაფი და კანაფი ქალს მშობიარობამდე უნდა ეტარებინა. შელოცვის დროს ქალს ფეხებს კირიან წყალში ჩააყოფინებდა - "წელს უმაგრებსო". როგორც ვხედავთ, შელოცვა მიმართულია "ნაძრავი", ე.ი. "დაძრული" ნაყოფის დასამაგრებლად.

როგორც აღვნიშნეთ მუცლის მოშლის ერთ-ერთ მიზეზად შიში ითვლებოდა. იმერეთში ჩაწერილია შელოცვის საინტერესო ვარიანტი, რომელშიც გაერთიანებულია "შიშისა" და "მუცლის წახდენის" შელოცვის ტექსტები:

აღისასა, მაღისასა, მე გილოცავ შეწყენილისასა,
გთხოვთ უფალო ღმერთო, შენი ძალითა და მადლით
მოესმარე ყველა ქალთ მშობიარეს,

დრომდე რომ ყოლოდეს საღი და კარგი შეილი!
რამაც შეგაწყინა?

გადახტომამ გაწყინა, მაინც შეწყენილი ხარ,
წაიქეცი, მაინც შეწყენილი ხარ,

გლახათ დაჯექი, მაინც შეწყენილი ხარ,

ინერვიულე, მაინც შეწყენილი ხარ,

ანი იძრა, ბანი იძრა,

მიწა იძრა, ცა იძრა,

ყველა სულიერი და უსული იძრა,

იძრა და დადგა, იძრა და დადგა, იძრა და დადგა
ამ ჩემიის* მუცელში

კარგი ბავშვი იძრა და დადგა

იძრა და დადგა, იძრა და დადგა!

ღმერთო მომიწყვე სელი,

არგე ლოცვა - მადლი ჩემი,

გადასახე ჯვარი შენი,

აღისასა, მაღისასა, მე გილოცავ შეწყენილისასა,
ანი იძრა, ბანი იძრა,

* ვისაც ულოცავენ ამის სახელს იტყვიან.

მიწა იძრა, ცა იძრა.

ყველა სულიერი და უსული იძრა.

იძრა და დადგა, იძრა და დადგა, იძრა და დადგა
ამ ჩემიის მუცელში

დრომდი ბავშვი იძრა და დადგა.

იძრა და დადგა, იძრა და დადგა!

დიდო,ღმერთო! არგე ლოცვა-მადლი ჩემი,

გადასახე ჯვარი შენი

ამინ!

შემლოცველს ხელში ეჭირა პური ან ნიგოზი და იმაზე ულოცავდა სამჯერ, შემდეგ კი ავადმყოფს შეაჭმევდა (XVIII: 115-116).

დასავლეთ საქართველოში მუცლის ხელოვნური მოშლა დიდ ცოდვად ითვლებოდა. წესით ქალს უნდა გაეჩინა იმდენი შვილი, რამდენიც "აყიებოდა". მიუსედავად ამისა, ზოგჯერ ქალები მაინც მიმართავდნენ ხელოვნურ აბორტს და უმეტეს შემთხვევაში დასმარებას ბებიაქალებს სთხოვდნენ, რომელთაგან ზოგიერთი ჩუმად ეწეოდა მუცლის მოშლის პრაქტიკას.

ეთნოგრაფიული მონაცემებით სვანეთში აღნიშნული მიზნისათვის ქალს აძლევდნენ ე.წ. "სულემანს". ეს წამალი დიდი სიფრთხილით უნდა ეხმარათ. თუ ზედმეტი დოზა მოუვიდოდათ, შეიძლება ქალს შვილი საერთოდ აღარ მისცემოდა ან თვითონაც დაღუპულიყო.

როგორი იყო "სულემანი"? - ეთნოგრაფიული მასალის მიხედვით, ვერ დავადასტურებთ, შეიძლება ეს იყო სულემა (სულემისა) - ქლორის სინდიყის ძლიერ შხამიანი თეთრი ფხვნილი, რომელიც მცირე დოზით იხმარება მედიცინაში (XXX).

როგორც ჩანს, არასასურველი ფეხმძიმობის მოსაცილებლად ქალები ზოგჯერ რისკზეც მიდიოდნენ.

მუცლის მოშლის ხალხური საშუალებების არსებობას სვანეთში ადასტურებს საარქივო მასალებიც: "სოფელში აგრეთვე გავრცელებული იყო საიდუმლოდ შვილოსნობის საწინააღმდეგო ბალახები, მუცლის მოშლის საშუალებანი" (XII,13). რა ბალახებია ეს საიდუმლოდ დარჩა, რადგან

აღნიშნულ საქმიანობას ფარულად ეწეოდნენ და ამ საქმეში შემხინეული პიროვნება სასტიკად ისჯებოდა.

როგორც უკვე აღვნიშნეთ, მუცლის მოსაშლელ საშუალებებს ძალიან საიდუმლოდ ნახავდნენ. მიუხედავად ამისა, მოვახერხეთ დაგვეფიქსირებინა ერთ-ერთი მცენარე, რომელსაც იმერეთში აღნიშნული მიზნისათვის იყენებდნენ. ესაა ხარისძირა//თეთრი ყაყაჩო (*Helleborus caucasicus* cb.Br.). მცენარის გაწმენდილ და გათლილ ძირებს ძაფს მოაბამდნენ და სამედიცინო სანთლებისნაირად იყენებდნენ. რის შემდეგაც ქალი ორი საათის განმავლობაში უნდა წოლილიყო. ინფორმატორთა გადმოცემით, ეს საშუალება დიდ, 3-4 თვის ნაყოფზე უფრო სწრაფად მოქმედებდა, მაგრამ საკმაოდ საშიში იყო და მის სმარებას დიდი სიფრთხილე სჭირდებოდა, რადგან შეიძლება ძლიერი სისხლისდენა, ან სხვა გართულებები გამოეწვია.

ძველ ქართულ მედიცინაში ხარისძირა მათრობელა და შხამიან მცენარედ იყო ცნობილი. მისი გამოყენება მხოლოდ უკიდურესი საჭიროების დროს იყო დაშეებული.

დღეს ცნობილია, რომ მისი ფესურა შეიცავს გლუკოზიდებს, რომლებიც მოქმედებენ გულზე, ნერვულ სისტემაზე, იწვევენ კრუნჩხვებს და საფაღარათო თვისებები აქვთ.

სამწუხაროა, რომ უკანასკნელ ხანებში იმერეთის სოფლებში კვლავ იჩინა თავი ამ მცენარის გამოყენებამ, რაც ხალხის ეკონომიკური მდგომარეობის დაქვეითებისა და სამედიცინო მომსახურების გაძვირებით უნდა აიხსნას. ამას კი შეიძლება სავალალო შედეგი მოჰყვეს.

ბებიქალები მკურნალობდნენ მენსტრუალური ციკლის მოშლას, საშვილოსნოდან სისხლის დენას, გახანგრძლივებულ და შემაწუხებელ კლიმაქსურ მოვლენებს და სხვა.

მენსტრუალური ციკლის მოშლას შავ ღვინოზე დამზადებული წამლით მკურნალობდნენ. შავ ღვინოში სამკურნალო ბალახების ნახარშს შეურევდნენ, შვიდი დღის მანძილზე ავადმყოფს სამი ლიტრი უნდა დაეღია.

დასაღვე წამალს ამზადებდნენ "გართულებული" კლიმაქსის სამკურნალოდაც (რეცეპტის დადგენა ჯერჯერობით ვერ მოხერხდა). მაგრამ ეს წამლები ძირითადად სხვადასხვა სამკურნალო ბალახების ნასარშს წარმოადგენს, რომელშიც შედის კატაბალასას (*Valeriana officinalis L.*) ძირებიც. ძველად ამ მცენარის ძირები მრავალი წამლის შემადგენლობაში შედიოდა. მიაჩნდათ, რომ ასეთი წამალი "ამხიარულებდა გულს და სტომაქს". ამჟამად კატაბალასას პრეპარატები იხმარება როგორც გულის მოქმედების გასაუმჯობესებელი და ნერვული სისტემის დამამშვიდებელი საშუალება. ამდენად მისი გამოყენება ზემოაღნიშნული დაავადების დროს მიზანშეწონილი ჩანს.

საშვილოსნოდან სისხლის დენის შემთხვევაში ერთ კილოგრამამდე ჭინჭარს სამ ლიტრ წყალში მოხარშავენ და ავადმყოფს დღეში ხუთი-ექვსჯერ მისცემდნენ. ძველ ქართულ მედიცინაში ჭინჭარი (*Urtica urens L., U. Dioica L.*) გამოიყენებოდა სხვადასხვა დაავადებების დროს. უმთავრესად კი სისხლის დენის შესაჩერებლად. "ვინც ჭინჭრის ფოთლები დანაყოს და ან ასურიმოს, და ორივე ცხვირი გამოიტენოს, ცხვირსა სისხლი დასწყვიტოს". ვკითხულობთ იადაგარ დაუდში (I:262).

დასავლეთ საქართველოში თითქმის ყველგან მშობიარობა მიწაზე ხდებოდა. მაგ: იმერეთში "უწინ მიწაზე ცეცხლის პირას დააფენდნენ ჭილოფს, დაყრიდნენ თივას და ქალი იქ მშობიარობდა. მსგავსი მასალა მოწმდება რაჭა-ლეჩხუმში. აქ მიწაზე ჩაღასთან ერთად ჩაღას ლეაბხაც დააგებდნენ. მიწაზე ხდებოდა მშობიარობა სვანეთშიც. ოჯახად განსხვავებით სხვა კუთხეებისაგან, აქ ქალი ცალკე ხაზლადან მოშორებით მშობიარობდა - "ქალს რომ მშობიარობას დრო მოუწევდა, მას განცალკევებულ "უკაცურს" ხაზლში გადაიყვანდნენ, თუკი ასეთი ოჯახს გააჩნდა, თუ არა და წისქვილშიც მოათავსებდნენ სოღმე, მაგრამ არა მოქუშავე წისქვილში, რადგან იქ იფქვებოდა შესაწირავი პურა არამედ გაუქმებულში" (XI:24).

ზოგიერთი მონაცემის მიხედვით, ქალს შეიძლება სვანური

სახლის დარბაზშიც ემშობიარა. "მშობიარობის დროს ქალს ცალკე ოთახში აწვენდნენ, სშირად დარბაზში, სადაც თივას ინასაენდნენ" (XXXIV; 21).

გარდა ამ ერთი ცნობისა, ვერც სჟარქივო და ვერც საველე მასალით სვანეთში ქალის დარბაზში მშობიარობა ვერ დავამოწმეთ. ჩიმაკაძეს ეს წესი შეიძლება შედარებით შეძლებულ ოჯახებში ჰქონდა დაფიქსირებული.

ოჯახისაგან იზოლირებული მშობიარობა, სვანეთის გარდა, დამახასიათებელია აღმოსავლეთ საქართველოს მთიელებისათვისაც. ეს ჩვეულება ცნობილია, როგორც კავკასიის, ისე მსოფლიოს სხვა ხალხებშიც და დაკავშირებული მშობიარე ქალის "უწმინდურად" აღიარების შეხედულებასთან.

აღნიშნული წესი (მიწაზე მშობიარობა) დამოწმებულია მთელ საქართველოში, რასაც გარკვეული მნიშვნელობა მიეწერებოდა. ქართველთა (და არა მარტო ქართველთა) წარმოდგენაში მიწა დედურ საწყისს განასახიერებდა და "ქალისაგან ყრმის შობა გაიგივებული იყო მიწისაგან ნაყოფის შობასთან" (XXVII; 82).

მშობიარესთან მიყავდათ ბებიქალი, იგი ხელებს თბილი წყლით დაიბანდა და მშობიარეს დაესმარებოდა.

ლექსუმი დამოწმებული მასალის მიხედვით, როდესაც ქალს მძიმე მშობიარობა ჰქონდა, ჭინთვების გასაძლიერებლად მშობიარეს აძლევდნენ ამოსახველებელ საშუალებებს, რომელიც ბალახის ნახარშს, რომლის სახელიც ვერ დავადგინეთ. თუ ბავშვი თავით არ მოდიოდა, ბებიქალები ხელით შეუცვლიდნენ მდებარეობას. განსაკუთრებით დახელოვნებული ბებიქალების სახელები დღემდე შემორჩა ადგილობრივი მოსახლეობის მესხიერებას. ასეთი იყო, მაგალითად, ქვემო სვანეთში ელისო ქურასპედიანი - ბენდელიანი, რომელიც უკიდურეს შემთხვევაში, თუ ნაყოფი ქალის მუცელში დაიღუპებოდა, დედის გადარჩენის მიზნით "ბავშვს დაჭრიდა" და ისე ამოიღებდა დედის საშოდან, ე.ი. ატარებდა ემბრიოტომიას. ბებიქალების მიერ აღნიშნული ოპერაციის ჩატარების პრაქტიკას ძველი ქართული სამედიცინო

ხელნაწერებიც ადასტურებენ (XXIX: 153).

როგორც ცნობილია, საქართველოში უწინ ქალი დაჩოქილი მშობიარობდა. დასავლეთ საქართველოს არც ერთ რეგიონში მას მარტო არ ტოვებდნენ. ბებიაქალის გარდა კიდევ 2-3 ქალი ეხმარებოდა. იმერეთში მათ "დამსწრე ქალებს" ეძახდნენ. სვანეთში, სადაც ქალი მშობიარობდა, ქერზე ჩამოაბამდნენ თოკს, გაჭირვების დროს, ქალი თოკს ჩააველებდა ხელს, ან თოკები ჰორიზონტალურად იყო გაბმული, დაჩოქილი მშობიარე იღლიებით ზედ დაეკიდებოდა და ისე მოიძმობიარებდა. გაძნელებული მშობიარობის დროს ქალს მუცლის და წელის არეში მეანი ქალი ხელს დააჭერდა. იმერეთში ბებიაქალი მშობიარეს ფეხებს თბილ წყალში ჩააყოფინებდა, რომ "ქალს არ შესცივნოდა, სახსრები არ დაკუნთოდა და ადვილად გახსნილიყო", - გადმოგვცემენ მთხრობელები.

ზემო იმერეთში გაძნელებული მშობიარობის დროს მიმართავენ მაგიურ რიტუალებს, მოკყავდათ ქალი ან ისეთი კაცი, რომელსაც "გველ-ბაყაყი ჰყავდა ერთმანეთისაგან დაშორებული". მას სამჯერ უნდა გადაეხეცებინა მშობიარესათვის და თან ეთქვა: "გველ-ბაყაყი გამიშეია, დედა-შვილი დაშორდით". მელოგინეს მახლობლად თოფს დაცლიდნენ, მამაკაცის ქუდით ან "ბლუზის" კალთით წყალს დააღვეინებდნენ, ძალას შემატებსო, ქალამნებს ერთმანეთზე გადააბამდნენ და მუცელზე გადაადებდნენ (XVII: 35). ქალი სადაც მშობიარობდა იმ ოთახის წინ თოფს გაისროდნენ, ეშმაკები დასდევენ ასეთ ქალსო (მშობიარობის დროს) და მას აშინებდნენ.

აღნიშნული ჩვეულებები მცირედი სახესხვაობებით მთელ საქართველოში მოწმდება.

როცა ქალი მშობიარობდა, ოჯახში საქონელს აუშვებდნენ, დაბმულს არაფერს დატოვებდნენ - "მშობიარობა გაადვილდებაო".

მშობიარობის შემდეგ ახალშობილს და მელოგინე ქალს ბებია უვლიდა. ახალშობილს ჭიპს ნართის ძაფით "გაუფსკვინდა" და "სამი თითის დადებაზე" ჭიპლარს გადაჭრიდა. ჭიპზე

მოსამშრალელებად დაადებდნენ დაღექილ პურს ან ნიგოზს. ნერწყვით განსავეებული პური ან ნიგოზი, როგორც ჩანს, ბაქტერიოციდული მოქმედების იყო. ადებდნენ ასევე ოდნავ გამდნარ "დარბილებულ" თაფლის სანთელს, სპილენძის "ყანგს" (ქვიარტლს). ჭიპი რომ მოძვრებოდა ზედ დამრგვალებულ ბამბას დაადებდნენ, "თითით დააბრუნებდნენ" და გადაუკრავდნენ.

ზოგი ბებიქალი ახალშობილს მაშინვე დაბანდა, ზოგი კი პირდაპირ შეასვევდა და მსოლოდ მესამე დღეს დაბანდა. ზოგიერთი ბებიქალი იმერეთში ახალშობილს წყალღვინოში გაბანდა. სვანეთში ერთი კვირის მერე ჩვილს დედა დღეში ორჯერ თბილ წყალში აბანავებდა და შემდეგ ქონს წაუსვამდა (XI; 26). მშობიარესაც, თუ ყველაფერი ნორმალურად ჩაივლიდა, იმავე ან მეორე დღეს დაბანდნენ.

თუ ქალს მშობიარობის შემდეგ რაიმე გაურთულდებოდა, მაგ., თუ სისხლის დენა დაეწყებოდა ფეხებს კირიან ცივ წყალში ჩააყოფინებდნენ - სისხლის დენის შეწყვეტას შეუწყობს ხელსო.

მშობიარობის შემდგომი ტკივილების დასაყუჩებლად სხვადასხვა საშუალებებს მიმართავდნენ. მაგ., სვანეთში ბალახ მოლოქას-ბალბა-ტუსტი (*Malva silvestris* L.) ფოთლებისა და ფესვების ფხვნილებისაგან გააკეთებდნენ "ლოცფექს"^{*} და მშობიარეს დააღვინებდნენ, რომ შეღავათი მისცემოდა.

აღსანიშნავია, რომ ბალბას ძველ ქართულ მედიცინაში იყენებდნენ, როგორც შინაგან ისე გარეგან სამკურნალო საშუალებად (XXVIII; 108). ლოცფექს აზავებდნენ ნივრით, ნიორს, როგორც ცნობილია, ახასიათებს ბაქტერიოციდული თვისებები, სტიმულს აძლევს კუჭის წველის გამოყოფას და აუმიჯობესებს საჭმლის მონელებას (16;95).

სვანეთში მშობიარობის შემდეგ თუ ქალს თავის ტკივილი

* ლოცფექსი ნივრიანი საჭმელია, რომელსაც შემდეგნაირად ამზადებდნენ: ადუღებულ წყალში გახსნიდნენ ქერის ფქვილს და შეაზავებდნენ ნივრით და მარილით. როცა სამკურნალო მიზნით სჭირდებოდათ, შესაბამის სამკურნალო მკენარის ფხვნილს დაუმატებდნენ.

შეაწუხებდა. დასაყურებლად წყალში "გალესილ" გახსნილ დათვისა და ბატის ნაღველს დააღვეინებდნენ.

მელოგინეს მუცლის ტკივილის დროს ასმევდნენ კანაფის (*Cannabis sativa L.*) ზეთს (XXIV; 79). ძველ ქართულ მედიცინაში კანაფი სხვადასხვა დაავადებების დროს გამოიყენებოდა, როგორც სამკურნალო საშუალება (XXIX; 432. I, 170-316-409). ცნობილია, რომ კანაფის თესლისაგან ამზადებენ ნარკოტიკულ ნივთიერებას - ჰაშიშს (XXXVII; 95), ამდენად ნათელია მისი ტკივილდამაყუჩებელი მოქმედებაც. როგორც მელოგინე ქალის, ასევე ჩვილის მუცლის ტკივილის დროს იყენებდნენ გვირილას (*Pyrethrum*) ნახარშს. გვირილას გამოიყენება სხვადასხვა დაავადების დროს საქართველოში ძველი დროიდანვე იყო ცნობილი. ცნობილია, რომ გვირილა ანთების საწინააღმდეგო თვისებებს შეიცავს (XVI; 201).

საქართველოში ცნობილი იყო გვირილის სამი სახეობა - წითელი გვირილა (*Pyrethrum roseum M.B.*), ყვითელი გვირილა (*Chamaemelum oulgare*) და თეთრი გვირილა (*Matricaria chamomila L.*). ძველად სამივე სამკურნალოდ გამოიყენებოდა.

"იადიგარ დაუდში" ვკითხულობთ "ესე სამი გვირილაები სამნივე მხურვალი და ხმელია და ყოვლისა გრილისა სენისა და ჭირისათვის სამივე წამალი არის, რომე ან მისი შარბათი ასვან, ან დანაყონ, ტლედ ქნან და სადაც ცტკიოდეს და ან უსივდეს იქ შემოსდვან. ყოველსა ქარსა დაღეწს და გააყენებს, და ყოვლისა გრილსა სენსა არგებს და წამალი არის ცივებისა, სისხლისა, გრილისა ხაფაყანისა, ასოსა, ძულისა და სახსრების ტკივილისათვის, თავისა და წელისა ტკივილისათვის და ყოვლის ბაღღამის წამალია" (I: 207).

თუ ქალს ჯერ გოგო ჰყავდა და მერე ბიჭი შეეძინებოდა, ან პირიქით, ასეთ მშობიარეზე იტყოდნენ "უპენაცვალიაო". მოსახლეობის დაკვირვებით ქალს -ამ დროს უფრო ტკივა მუცელი, მას "უპენაცვალის ტკივილს" ეძახიან. სულხან-საბა

ორბელიანის მიხედვით. "უპე-ქიპია. უპედ მას უწოდებენ. ახალშობილთა ქიპთა წელეზრ რომ აბია". ტკივილის ღოსაამებლად კვლიავის - ზირა (Carum Carvi L) თესლის ნახარშს ასმევდნენ დღეში სამჯერ, სამი დღის განმავლობაში.

აღსანიშნავია, რომ კვლიავის ნაყოფი (თესლი) დიდი რაოდენობით შეიცავს ეთეროვან ზეთებს, ტანინს, ფისოვან ნივთიერებებს, ცხიმს. მედიცინაში იგი გამოიყენება კუჭ-ნაწლავის სპაზმების, საქმლის მომწელებელი ორგანოების ფუნქციების დარღვევის დროს (XVI: 128).

ძველ ქართულ მედიცინაში ზირა (კვლიავე) მრავალი დაავადების დროს გამოიყენებოდა. მათ შორის ზემოაღნიშნული ტკივილების დროსაც (I: 24).

რაჭაში ქალი რომ იმშობიარებდა, ორ ქიქა შავ ღვინოს წამოადუღებდნენ. შიგ ერთ სუფრის კოვზ კვლიავის თესლს ჩაყრიდნენ. ხარშავდნენ 15-20 წუთის განმავლობაში და ასმევდნენ მუცლის ტკივილის დასაყუჩებლად. ამას "ღვინის თბილს" ეძახდნენ.

სვანეთში ახალმომშობიარებულებს ზოგჯერ ცოტა არაყსაც დაალევინებდნენ "სტომაქს" მოუსდებათ. თუ მულოგინე ქალს ყაბზობა შეაწუხებდა, დაადნობდნენ ქონს და დაალევინებდნენ. ბავშვისათვის კი დამდნარ ქონში შეურევდნენ თაფლს და როცა შემავრდებოდა, თითით აალოკინებდნენ, კუჭი რომ გაეწმინდათ (XI: 26).

სვანეთში ჩვილ ბავშვებს კუჭის შეკრულობის დროს აძლევდნენ მცირე რაოდენობის ზეთსაც.

დასავლეთ საქართველოში საკმაოდ გავრცელებული იყო ე.წ. საყმაწვილო. ინფორმატორთა გადმოცემით, ეს დაავადება ბავშვს თუ თხუთმეტ წლამდე არ გაუვლიდა. შეიძლება "ზნედ" (ეპილეფსიად) გადაქცეოდა. ამ დაავადების პროფილაქტიკის მიზნით, სხვადასხვა საშუალებებს მიმართაჭდნენ. მაგ., ჭიპლარიდან გამონადენ სისხლს "გამოუსვამდნენ პირში".

ერთ-ერთი ბებიქალისაგან ჩავიწერეთ შემდეგი: "...ვისაც ავიყვანდი, ჭიპლარს რომ მოვჭრიდი იმის სისხლს გამოუსვამდი პირში და ჩემს აყვანილს არავის არ მოსვლია

არც საყმაწვილო, და არც კაი თავი" (ეპილეუსია).

ქალი რომ მოიმშობიარებდა, ბებიაქალი მას დაბანდა და მუცელს გაუკრაედა. შემდეგ, როგორც აღვნიშნეთ, იგი ხშირად დადიოდა მელოგინესთან და წვილს უვლიდა.

ეთნოგრაფიული მასალის მისეღვით დასაველეთ საქართველოში ძველად მშობიარობის შექდეგ ქალი 40 დღე იწვა ლოგინში. თუმცა ზოგიერთი ცნობით, "ლოგინობის ხანა" სამ კვირამდე იყო შემცირებული. აღსანიშნავია, რომ ამ შემთხვევაშიც ეს დრო ლოგინში წოლის გულისსმობს. რადგან ყველა სასის საოჯასო საქმის გაკეთება (მაგ: პურის გამოცსობა) ქალს მხოლოდ ორმოცი დღის შემდეგ შეეძლო. აქ რა თქმა უნდა, გათვალისწინებულია საოჯასო პირობებიც.

იმერეთში უწინ მშობიარობის შემდეგ ქალი 40 დღე უნდა წოლილიყო ლოგინში. "ლოგინობის ვადა 6 კვირაა" გადმოგვეცემდნენ მოხრობელები და ამიტომ უფრო ჯანმრთელად იყვნენ ქალებიო. ექსი კვირის გასვლის შემდეგ პირველად საესე ჭურსე "გადაიყვანდნენ" "საესე ექნება უბე-კალთაო", მოსდიდნენ ჭურს და დაილოცებოდნენ.

რაჭაშიც მშობიარე 40 დღის ან ერთი თვის განმავლობაში მაინც იწვა. ორი კვირა ქალი იქვე იყო, სადაც იმშობიარებდა. შემდეგ შედიოდა სახლში, სადაც მისი შესვლის წინ ნაკურთხ წყალს მოაპკურებდნენ.

სვანეთში ნ.ჩიმაკაძის ცნობით ქალი მალე ერთვებოდა საოჯასო საქმეებში. მშობიარობის დღიდან სამი . ოთხი დღის შემდეგ ქალი დგება ლოგინიდან და მუშაობს ჩვეულებრივ (XXXIV; 21) წერს იგი. რაც ჩვენს ეჭვს იწვევს, ეს შეიძლება ყოფილიყო მხოლოდ გამონაკლისი.

ს. გულედანის ცნობით კი, "მელოგინე ამ ცუდ შენობაში (იგულისხმება მიტოვებული წისქვილი, სადაც ქალმა იმშობიარა) და პირობებში იყო ორი-სამი კვირის განმავლობაში და "განწმენდის" შემდეგ ბრუნდებოდა სახლში" (XI; 26).

ჩვენი მასალის მისეღვითაც მშობიარობის შემდეგ ქალი საკმაოდ გვიან ჩაებმებოდა საოჯასო საქმიანობაში, რადგან არა მარტო სვანეთში, არამედ მთელ საქართველოში ძველად

მშობიარობის შემდეგ ქალი ორმოც დღემდე "უწმინდურად" ითვლებოდა და მას არ შეეძლო გაეკეთებინა საოჯახო საქმეები. "ეს ჩვეულება ჰუმანური მოსაზრებით კი არ იყო გამოწვეული, არამედ იმით, რომ მეღვინეს თავისი მიკარებით არ გაუწმინდურებინა რამე და უბედურება არ მოეტანა ოჯახისათვის" (XXXVI; 50). ჭაგრამ თუ საკითხს ქალის ჯანმრთელობაზე ზრუნვის სიძველესაზრისით მივუდგებით, მაშინ აღნიშნული აკრძალვები გამართლებულად უნდა ჩაითვალოს. "მისი ასეთი იზოლაცია საოჯახო საქმეებისაგან მარტო იმ ცრურწმენით როდი იყო განპირობებული, რომ იგი უწმინდურად ითვლებოდა, არამედ იმით, რომ ქალის ჯანმრთელობას მშობიარობის შემდეგ გაფრთხილება უნდოდა. შეიძლება ვიფიქროთ, რომ "უწმინდურობასაც" მას ამ მიზნით უფრო აბრალებდნენ, ვიდრე იმის გამო, რომ შეეძლო ზიანი მიეყენებინა სხვათა მატერიალური მდგომარეობის ან ჯანმრთელობასათვის" (XVII; 16-17).

მიუხედავად იმისა, რომ სვანეთში ქალი უმეტესად განცალკევებულ შენობაში მშობიარობდა, იგი იქ მარტო თითქმის არასოდეს რჩებოდა, არც -მშობიარობამდე და არც შემდეგ. მასთან ხშირად მიდიოდნენ მეზობელი - მოკეთე ქალები და მიჰქონდათ მოსაკითხი: საჭმელი, სასმელი. მელოგინე ქალის ჰაკეები დიდად არ განსხვავდებოდა ჩვეულებრივისაგან. ქალს თავდაპირველად ჯერ წვნიან საჭმელს აძლევდნენ, რძე რომ მოეძალებოდა, წვნიანებს უზღუდავდნენ. თუ ქალს ცოტა რძე ჰქონდა აძლევდნენ ისეთ საჭმელს, რომელიც მათი აზრით, რძეს მოუმატებდა. მაგალითად: "ღორის მუცლის ქონისა და ზეთისაგან (იგულისხმება კანაფის ზეთი მ.ბ.) შემზადებულ - ლქნე-ს. ქვემო სვანეთში მხოლოდ რძენაკლულ ქალებს აჭმევდნენ" (XXIV; 70).

იმერეთშიც, მელოგინეს საჭმელს მაინცდამაინც არ ურჩევდნენ - "ყველანაირ საჭმელს აჭმევდნენ რაც ექნებოდათ, რომ ბავშვი თავიდანვე ყველაფერს შეჩვეოდა". ბავშვს ძუძუს ერთი დღის მერე მიცემდნენ, პირველ დღეს ქალი ძუძუს გამოიწველიდა, რძეს ბუხრის პირას დააქცევდნენ. გასასვლელ

ადგილზე მისი დაქცევა არ შეიძლებოდა, რომ ზედ ფეხი არ დადგმოდა - ფეხს გაყევა და ქალს რძე დაეკარგებო. ერთი წელი მაინც უნდა ექამა ბავშვს დედის რძე.

ლენინუმში დამოწმებული ზოგიერთი მასალის მიხედვით ახალშობილს ძუძუს სამ დღემდე არ მისცემდნენ. რაც გამოყვა დედის მუცლიდან ის უნდა დაიწმინდოსო.

ჩვილი ბავშვის მუცლის ტკივილის სამკურნალოდ დასავლეთ საქართველოში ძირითადად იყენებენ ცსოველურ საშუალებებს: მაჩვის, დათვის, თხის ნაღველს, რომელსაც ძალიან მცირე რაოდენობით "გალესავენენ" - გახსნიდნენ დედის რძეში. როგორც ზემოთ აღვნიშნეთ, ამავ ე მიზნით გამოიყენებოდა გვირილას ნახარშიც.

როგორც ცნობილია, ნაღველის წვენიში არსებული ნაღველის მუთავები ხელს უწყობს ცსიმების გადაშუალებას და აუმჯობესებს საჭმლის მონელების უნარს.

ჩვილის ჩასაწვენ აკვანს ბებიაქალი მოამზადებდა. სვანეთში იგი ასე გამოიყურებოდა: ფეტვის ჩაღას ზემოდან ქეჩის ნაჭერი და ნარმის ზეწარი ეფინა, ბავშვს ფეხებზე ახვევდნენ კრავის პატარა ტყავს, ზემოდან კი საბანი ეხურა (XIII, 83).

ბავშვს აკვანში ერთი-ორი კვირის შემდეგ აწვენდნენ. მანამდე დედის გვერდით, მისთვის სპეციალურად გამართულ ქვეშაგებში იწვა. იმერეთში ახალშობილი ერთი კვირა დედის გვერდით სპეციალურ ფიცარზე გაკონილი იწვა, რომელზედაც ჯერ მიწას დაყრიდნენ და მერე ბავშვის ქვეშაგებს გაშლიდნენ. ერთი კვირის შემდეგ ბებიაქალი ბავშვს აკვანში ჩააწვენდა, აქაც აკვანის ლეიბს და ქვეშაგებ თეთრეულს შორის ფხვიერი სუფთა მიწა იყო დაყრილი, რომელსაც პერიოდულად ცვლიდნენ.

ბებიაქალს ხალხი დიდ პატივს სცემდა - აძლევდნენ სპეციალურ გასამრჯელოს ან საჩუქარს, ვისაც რა შეეძლო.

იმერეთში - ბავშვის დაბადებიდან რამდენიმე დღის შემდეგ ბებიაქალს და მეზობლებს დაუძახებდნენ - დილას ბავშვის, "ზმიადის მოხდა" მაქვს და არ ჭამო რამეო - სტუმრები უწმოდ უნდა მოსულიყვნენ. ახალშობილი თუ გოგო იყო ვარიკას

დაკლავდნენ, თუ ბიჭი - ყვინჩილას. ბებიაქალი აანთებდა წყვილ სანთელს, ყველისგულიანებს მიიტანდნენ იმ ადგილზე. სადაც ბავშვი დაიბადა და დაილოცებოდნენ, ღმერთო გაზარდო.

ასრულებდნენ ასეთ წესსაც: გამოაცხობდნენ ხუთ პატარა პურს "ხშიადს", ერთ პურს მამას ესროდნენ, მას იგი პაერში უნდა დაექირა და სიანულში შეექამა. გააკეთებდნენ ოთხ სანთელს, ერთ ქიქაში ღვინოს და წყალს ჩაასხამდნენ, ქალის მშობიარობის ადგილიდან ბებიაქალი ცოტა მიწას აიღებდა, წყალ-ღვინოში შეურევდა და ქალს ძუძუზე მოუსვამდა - კარგი ძუძუ ექნებაო. ახალშობილს კი სახეზე წაუსვამდა, კარგი ფერი ექნებაო.

აღნიშნული რიტუალი ერთგვარ გამოძახილად გვეჩვენება აკად. გ.ჩიტაიას მიერ ადრე აღწერილი გურული ჩვეულებისა "გურიაში დღემდე შემორჩენილია მიწისათვის ზვარაკის მიტანის ჩვეულება. მას "მიწის გაჯერება" ჰქვია და მდგომარეობს შემდეგში: "დედაკაცის მოლოგინების მერე მეორე დღეს ბებიაქალი გამოაცხობს პურის ბურთს (ვითომ თავიაო), შიგ ჩაურთავს ყველს (ახალშობილს კარგი ჭკუა ექნებაო) და ბროწეულს (სადი იქნებაო), ბებიაქალი კიდევ გამოაცხობს წივს და სამ კვერს და მათში ყველს ჩადებს. შემდეგ ამოთხრის დანით მიწას, საცა ქალი მორჩა... და ჩადებს შიგ ხაჭაპურის გულის ნაწილს, ჯვარის პურს და გოჭის ძვლებს. ბაღნებს მისცემს წივს და ეტყვის: ირბინე და შექამე, ირბინე და შექამე. გაკეთებულ თავს ბაღნის მამას გადასცემს. მამა ღვინოს დაასხამს ამოთხრილ მიწაში, ბებიაქალი ჩაფლულ პურებს და ძვლებს კარგად გაგოზავს და იტყვის: მიწაე გამიჯერებისარ პურიო, ღვინით, კაი ფერი და სორცი მიეცი ქალ და ბაღანას ორუეს" (XXXV; 228).

აქ დედა-მიწა წარმოდგენილია, როგორც ადამიანის ნაყოფის გამომღები ღვთაება, რომელსაც შესაფერისი შესაწირავი უნდა მიეზღოს (XXXV; 229).

განსხვავებით გურული წესისა, იმერეთში მიწისაგან "ითხოვენ" რძის სიუხვესა და კარგ ფერს, სამაგიეროს კი არაფერს

"აძლევენ". რიტუალი უფრო მარტივია, მაგრამ ორივეგან მიწა ნაყოფიერების ღვთაებას უკავშირდება. ზემოაღწერილი რიტუალის მსგავსი ჩვეულება აქვს აღწერილი იმერეთში - ხუსკივამქს "ქეობის" სახელით, სადაც მისი ცნობით "ქეობას" ქართლელების მსგავსად მესამე დღეს მართავენ. მელოგინის ოჯახის წევრი, ან ახლო ნათესავი ქალი აცხობს დიდ და მრგვალ ხაჭაპურს და ამ დღისათვის მოიწვევენ ყველა იმ ქალს, რომლებიც მშობიარობას დაესწრნენ. ბებია ხაჭაპურის გარშემო წმიდა სანთლებს შემოაწყობს. თვითონ ხელში ღვინით საესე ქიქა უჭირავს, ატრიალებს ხაჭაპურს მარცხნიდან მარჯვნივ და ბავშვისათვის ლოცულობს. ლოცვას რომ მორჩება, ხაჭაპურის შუა გულს ამოჭრის თავისთვის, დანარჩენი იყოფა იმდენ ნაწილად, რამდენი სულიც ოჯახშია და თითოეული სტუმართაგანი ამ ხაჭაპურის ნაჭერს ბავშვის მიმართ ლოცვა-ვედრებით შეექცევა" (XXXVIII, 179-180; V, 264).

მშობიარობიდან ერთი კვირის შემდეგ რაჭა-ლეჩხუმში იცოდნენ "ფუძის ლოცვა". გოგო თუ შეგვეძინებოდა დედალ ქათამს დავეკლავდით, ბიჭის დროს მამალსო. გამოაცხობდნენ ხაჭაპურებს, კვერებს, მოიწვევდნენ ბებიაქალს და სამ ცალ ხაჭაპურს მას გაატანდნენ. დაკლული ქათმის ძეაღს კი ცეცხლში არ ჩააგდებდნენ - ბავშვს წვივი დაეწვებო.

მოსახლეობის რწმენით, მელოგინე ქალსა და ჩვილ ბავშვს ძალიან ეტანებთან ბოროტი ძალები (ავი თვალი, ალი, ეშმაკი, უქმური და სხვ.).

ალი//პალი - (თეთრად შემოსილი გრძელთმიანი ლამაზი ქალი) ხალხური რწმენით უფრო დაჭრილებს, ფეხშიშვებს და მელოგინე ქალებს ეტანებოდა.

სვანეთში დაფიქსირებული გვაქვს შეშინებულის ლოცვის საინტერესო ვარიანტი. სადაც პირდაპირ არის მითითებული, რომ ალი მელოგინე ქალს ემტერება: -

...შე ალო, შე ეშმაკო საიდან მომავალი ხარ?

მე ვარ ჯორის ფეხქვეშ გაზრდილი.

მე ვეძებ დაჭრილსა კაცსა.

მე ვეძებ მელოგინე ქალსა.

ზოგს ძვალს გამოვტეს.

ზოგს რბილს შევუქამ,

როგორც ვხედავთ, ქართველი ხალხის რწმენის მიხედვით, დედასა და შვილს უამრავი საფრთხე მოელოდა, რის გამოც ისინი განსაკუთრებულ დაცვასა და გაფრთხილებას საჭიროებდნენ.

ამიტომ, გასაკვირი არ არის, რომ დღევანდელ ყოფასაც შემორჩა ზოგიერთი წეს-ჩვეულება, რომელიც მელოგინისა და ახალშობილის დასაცავად იყო განკუთვნილი.

იმერეთში შეკრებილი ეთნოგრაფიული მასალის მიხედვით, ახალნამშობიარები ორმოც დღემდე გარეთ თუ გავიდოდა, ავი სულების დასაფრთხობად უნდა პქონოდა ასანთი და დანა, ერთ-ერთი ინფორმატორისაგან ჩავიწერეთ შემდეგი მასალა - "ოცი დღის ნამშობიარევი ვიყავი და მეზობელთან გადავედი მამის დასაძახებლად. გზად პატარა გუბეს გადავასტი, სახლში რომ დავბრუნდი ოც წუთში მაღალი სიცხე მომცა. მაჟრიალებდა ტანში, თვალებში ველარ ვიხედებოდი. დედამ შემილოცა წყალზე ნაუქმურევის ლოცვა და კარგად გავხდი" (ნაზი ნიკოლოზის ასული ლეყავა-ხუროშვილი, 42 წ. სოფ. კულაში).

მშობიარობის შემდეგ ქალი სადმე რომ გადავიდოდა, პირში თმა უნდა ჩაედო, რომ რამე არ შესვედროდა, შენახვედრის - "უქმურის ეშინოდათ უფრო, აღსანიშნავია, რომ იმერეთში ერთ-ერთ ბალახს "შენახვედრის ბალახს" ეძახდნენ, მას მოსრესავდნენ ხელით, შუბლზე მიიკრავდნენ და ითვლებოდა, რომ ამის შემდეგ უქმური აღარ შესვდებოდათ.

მშობიარობის მერე თუ ქალი შეშინდებოდა იცოდნენ აგრეთვე რიტუალური პურების - "დედა-შვილის" გამოცხობა, რომლებიც ერთი მეორისაგან ზომით განსხვავდებოდა. ეს იყო "ყველის გულიანი განატკეხი" (განატკეხი - სართვიანი პური). რიტუალური "კაი მთელ დღეს" - სამშაბათს, ხუთშაბათს, შაბათს, მთვარის შევსების პერიოდში უნდა შესრულებულიყო, დილიდან შუადღემდე. დაუძახებდნენ ცხრა ქალს, თითოეულ განატკეხსაც ცხრა-ცხრა ნაჭრად დაჭრიდნენ და თითოეულიდან თითო

ნაქერს ჩამოურიგებდნენ და შეაქმევდნენ. ეს რიტუალი "ლოგინობის ხანაში" სრულდება (40 დღემდე).

იმერეთში, ავი სულებისაგან დაცვის მიზნით, მელიოგინე ქალის საწოლთან სათევზაო ბადეს ჩამოკიდებაც იცოდნენ (1-2).

თევზის საქერი ბადე აღნიშნული მიზნისათვის გამოიყენებოდა საქართველოს სხვადასხვა კუთხეშიც. მაგ., გურიაში (XXXIII), კახეთში (XX), სამცხე-ჯავახეთში (XIV).

აღნიშნული ჩვეულება დამოწმებულია არა მარტო მოსახლეობის მდაბიო ფენებში, არამედ თავადაზნაურებშიც. ქალი "რაყამს განთავისუფლდის და იშვის ყრმა ... დღესა შესამესა ყამსა ბინდისასა შეაწვენდნენ ქალს ტახტსა ჴედა დიდათ ტურფითა საგებელითა და გარდააგდებდნენ ჴედ ბადებრ მშვენიერად მოქსოვილსა ბაღდასინად" (II; 18).

სულსან-საბა ორბელიანი წერს: "იქმან აბრეშუმთაგან, ბადე-კარავთა, ოქრო-ვერცხლითა მოქეტალებულთა, დიდებულთა ცოლთა მშობიარეთათვის: (XXI; 196). ჴემო იმერეთიდან გ.ჩიტაის მიერ ჩამოტანილია "მშობიარე ქალის ბადე", რომელიც ინახება საქართველოს სახელმწიფო მუზეუმში (კოლ. №223, №9-35).

როგორც ჩანს, სათევზაო ბადეს ქართველი ხალხი რიტუალურ, მაგიურ დანიშნულებას ანიჭებდა. მას იყენებდა მელიოგინის დასაცავად ავი თვალისა და ავი სულებისაგან (XXI; 45).

ლერხუმში - ავი თვალისაგან ბავშვის დაცვის მიზნით, აკვანზე დაკიდებდნენ ქარვის კაკალს (შენალოც მძივს), ალისყურს (ნიყარა), თავქვეშ დანას ან მაკრატელს დაუდებდნენ. ბავშვს გარეთ ისე არ გამოიყვანდნენ, რომ დანა არ გამოეყოლებინათ. "საცავი" - ამულეტი ბავშვს ყელზე ჰქონდა დაკიდებული.

იმერეთში ბავშვის ავი თვალისაგან დასაცავად აკვანზე ჰკიდებდნენ მწარე ბლის ტოტისაგან დამზადებულ ჳვარს და გიშრის მძივს, რომელიც ჩვილს ხელზედაც ჰქონდა შებმული. ასევე იქცეოდნენ სვანეთშიც.

საერთოდ კი, როგორც მთელ საქართველოში, ისე

ჩვენთვის საინტერესო რეგიონში (იმერეთი, რაჭა-ლეჩხუმი, სვანეთი) ავი თვალისა და ავი სულებისაგან მელოგინისა და ბავშვის დაცვაში დიდი ადგილი ექირობა ცეცხლსა და რკინას. ჩვილის საწოლ ოთახში ისე ვერავინ ვერ შევიდოდა თუ ცეცხლზე არ გადაივლიდა და კარებში დაგდებულ რკინის ჯაქებს არ დაადგამდა ფესს.

სალსის რწმენას, რომ ავი თვალი, ავი სულები ყველაზე მეტად მშობიარეს და ჩვილ ბავშვს ეტანებიან, ვ. ბარდაველიძე ხსნის ქართული სალსის მსოფლმსედგელობით, რომლის მისედვითაც კეთილსა და ბოროტს შორის მუდმივი ჭიდილია და ეს ბრძოლა "განსაკუთრებით მძაფრდება სიცოცხლის საკითხში და რამდენადაც ქალი ჭურჭელია, რომელშიც ისახება და იშვის ასალი სიცოცხლე ბავშვის სასით. ამდენად ის ხალხის თვალში წარმოადგენს მეტად მიმზიდველ არეს კეთილი და ბოროტი სულების ჭიდილისათვის" (V: 253).

მშობიარობის შემდეგ ქალს ზოგჯერ "გაციების ან რძის დაგუბების" გამო ემართებოდა სარძევე ჯირკვლების ანთება - მასტიტი, რომელსაც რაჭა-ლეჩხუმი - წყლისას, იმერეთში ქარწყლისას ეძახდნენ. აღნიშნულ დაავადებას მკურნალობდნენ კომპლექსურად სპეციალურად დამზადებული წამლებით, მასაჟითა და შელოცვებით. ამ დაავადებას ახასიათებდა მაღალი სიცხე და ძლიერი ტკივილი, სარძევე ჯირკვლის დასიება და გამაგრება.

სვანეთში ექიმბაშები (ხერგიანები) აკეთებდნენ სპეციალურ მალამოს, რომელსაც ადებდნენ მტკივან ძუძუზე და თან შეულოცავდნენ:

ბატონებო წყლისა, სავარცხელო ბზისა,

გარეთ გამოდი, ძუძუს მოშორდი,

წყლისაო, წყლისაო, გოჭის კუდით ქანქალაო,

ანარეთი, დანარეთი, მოჭრით დანაეთი.

შელოცვის დროს ძუძუზე უსვამდნენ ზემოდან ქვემოთ სავარცხელს და დანას. იცოდნენ ცივი საფენების გაკეთებაც ან თაფლის და სანთლის ნაზავის დადება.

ზოგიერთი ინფორმატორის ცნობის მიხედვით, რაჭაში

- "ქალს რომ ძუძუ გაუსივდებოდა, ღორის ქონის კომპრესს დაადებდნენ, მერე მაგარ "არაყს", შემდეგ მაღამოს, თუ მაღამო არ ექნებოდათ, მაშინ საქონლის ფილტვი უნდა გაეჭრათ თხლად და ის დაედოთ გასიებულზე, ის თავს მოუყრიდა და მორჩებოდა. გასკდომის მერე მაღამო უნდა დაედოთ და დილა-საღამოს ეცვალოთ" (VII).

საქონლის ფილტვის მაგივრად იცოდნენ აგრეთვე გოგრის ცილის გამოყენებაც. მკურნალობა აქაც შელოცვის თანხლებით სდებოდა:

საეარცხელო ხისაო, არა ნაფოტისაო,

ავალ ზეცას ვეტყვი დედას.

ჩამოვიტან დანა-ჩანგალს,

დავეკრავ წყლისას, დაიკარგა წყლისა დილას.

დღეში სამჯერ - დილას, შუადღეს, საღამოს ულოცავდნენ, თან ხის საეარცხელზე დადებდნენ ძვალს და დასიებულ ადგილზე უსვამდნენ (ძვალს საიდანაც აიღებდნენ, ისევე იმ ადგილზე დადებდნენ).

ლეჩხუმში მტკივან ძუძუზე თაფლიან წამალს (მაღამოს) დაადებდნენ, თან ულოცავდნენ:

ავალ ზეცას, ვკითხავ დედას,

რა არის წყლისას წამალი,

რავა რა არის!

მომცემს კალამსა და კალმის ძირსა,

გავკრავ, გავაბნევ ამ ძუძუების წყლისას.

იმერეთში მასტიტის დროს ძუძუს ცხელ-ძმრიან წყალს წაუსვამდნენ, მსუბუქ მასაჟს გაუკეთებდნენ, თან შეულოცავდნენ:

ანი იყო, ბანი იყო, წყალთაშუა ნავი იყო

ავალ ზეცას, ვკითხავ დედას, მეტყვის დედა

ჩამოვიტან ჩანგალ-ჩუნგალს,

ჩავკრავ ჩქიფსა, ამოვადენ სისხლსა.

წმინდა გიორგიმ დასწყევლოს, გვიბაროს წყლისა.

საეარცხლის გარდა მსუბუქ მასაჟს უკეთებდნენ ზღარბის კლიანი ტყავითაც.

მასტიტის დროს გარდა გარეგანი საშუალებებისა სმარობდნენ დასალევე წამლებსაც, მაგ., ასფურცელას (*Pyrethrum oulgare L.*) ან ჩიტისთაყას (*Gagea*) ნახარშს, ასევე თაგვის საროს (*Guscus Ponticus g.*). ამ ბალასების ძირებს შავ ღვინოში მოხარშავდნენ და ავადმყოფს დღეში დაახლოებით ერთ ლიტრას ასმევდნენ. ან დიყის (*Hereacleum*) სამ ძირს ფესვიან ფოთლიანად, თაგვის საროს და ოსოკეას//ოროვანდის (*Arctium*) ძირებს სუთ ლიტრ წყალში მოხარშავდნენ და ისე მიცემდნენ.

ძლიერი ტკივილების დროს მტკივან ძუძუს თუ მოზრდილი ბავშვი გამოწოდდა უებარ საშუალებად ითვლებოდა.

ამგვარად, ჩვენ წარმოვადგინეთ დასავლეთ საქართველოში დამოწმებული ქალის მშობიარობის, ახალშობილის მოვლისა და გინეკოლოგიურ დაავადებათა მკურნალობის ზოგიერთი წესი და მეთოდი, რომელიც მოსახლეობის ყოფამ დღემდე შემონახა.

აღვწერეთ ის წეს-ჩვეულებები და რწმენა-წარმოდგენები, რომლებიც დაკავშირებულია ფესმძიმობასთან, მშობიარობასთან და ახალშობილთან, აგრეთვე მაგიური რიტუალები, რომელთა დანიშნულებაც მელოგინისა და ახალშობილის "ავი თვალისა" და "ავი სულებისაგან" დაცვა იყო.

ზემოთ განხილული ეთნოგრაფიული მასალის საფუძველზე შეგვიძლია ვთავსკვნათ, რომ ძველად ქართველი ხალხი საკმაოდ დიდ ყურადღებას უთმობდა მეანობასა და გინეკოლოგიურ დაავადებათა მკურნალობას. და თუმცა ფესმძიმობა და მშობიარობა დაავადებად არ განიხილებოდა (რაც სავსებით მართებულია), მაგრამ ხალხისათვის მაინც კარგად იყო ცნობილი, რომ ფესმძიმე ქალის ორგანიზმში ხანდახან ისეთი ცვლილება ხდება, რომ მისი უყურადღებოდ დატოვება არ შეიძლებოდა.

ოჯახი ფესმძიმე ქალს შეძლებისდაგვარად ისეთ პირობებს უქმნიდა, რომ ფიზიკური მუშაობა ნაკლები შესევდროდა. ასევე ზრუნავდნენ მის ფსიქიკურ მდგომარეობაზეც. ქალს არიდებდნენ

უარყოფით ემოციებს. რასაც მოწმობს ზოგი აღკვეთა. დადებითი ფსიქოთერაპიული ეფექტი ჰქონდა აგრეთვე შელოცვებს რომლებიც მუცლის შესანარჩუნებელი შელოცვების სახელითაა ცნობილი. შელოცვით გამოწვეული დადებითი ემოციები ქალის ფსიქიკაზე დამამშვიდებლად მოქმედებდა. მას შიშისაგან ათავისუფლებდა (როგორც აღვნიშნეთ, მუცლის მოშლის ერთ-ერთ მიზეზად შიში ითვლებოდა) და აწყნარებდა.

თუ მშობიარისა და ახალშობილის მოვლის ხალხურ ტრადიციებს თანამედროვე სამედიცინო ცოდნასთან შევაჯერებთ დავინახავთ, რომ მათში დადებითი და მისაღები უფრო მეტია, ვიდრე ეს ერთი შესედევით ჩანს.

საქორწინო წყვილის "შერჩევა-გაკითხვის" ტრადიცია, რაც ქორწინებას უძღოდა წინ - ხალხის მრავალსაუკუნოვანი გამოცდილების შედეგია, თუ მას "ჯანმრთელ შთამომავლობაზე ზრუნვის" კუთხით განვიხილავთ, იგი დადებით ფაქტორად უნდა მივიჩნიოთ, რაც გენეტიკურ დაავადებათა თავიდან აცილებას უწყობდა ხელს.

ახალნაშობიარები ქალის 40 დღის მანძილზე საოჯახო საქმიანობისაგან იზოლირებაც მისი უწმინდურად მიჩნევის გამო, ობიექტურად ქალის ჯანმრთელობას იცავდა.

დასავლეთ საქართველოს თითქმის ყველა სოფელში იყო გამოცდილი მუხის ქალი, რომელიც ფესმძიმობის პერიოდში და მშობიარობის დროს საჭირო დახმარებას უწევდა ქალს. ისინი მკურნალობდნენ ზოგიერთ გინეკოლოგიურ დაავადებასაც, ცდილობდნენ უნაყოფობის განკურნებას და ზოგ შემთხვევაში სასურველ შედეგსაც აღწევდნენ.

მშობიარობა ყველგან (რაჭა-ლეჩხუმი, სვანეთი, იმერეთი) ბებიაქალის დახმარებით ხდებოდა, ძირითადად საცხოვრებელი სახლის ცალკე ოთახში, გამონაკლისს წარმოადგენდა სვანეთი, სადაც ქალი სახლიდან მოშორებით, განცალკევებულ ნაგებობაში მშობიარობდა.

ახალი წევრის შემატებას ოჯახი დიდი სიხარულით ხვდებოდა. იმისათვის, რომ იგი კარგი ბედის ყოფილიყო და დაეცვათ "ავი თვალისა" და "ბოროტი ძალებისაგან", ასრულებდნენ მრავალ

მაგიურ რიტუალს. განსაკუთრებით საინტერესოდ გვეჩვენებ იმერეთში დამოწმებული წესი ახალნამშობიარები ქალის პერდზე წყალღვინოში შერეული მიწის წასმა, რომელიც გ.ჩიტაიას შიერ ადრე აღწერილ გურულ ჩვეულებას "მიწის გაჯერებას" ესმიანება და მიწის ნაყოფიერების უძველეს რწმენას უკავშირდება.

წყაროები და ლიტერატურა

- I ბაგრატიონი დ., იადიგარ დაუდი, თბ., 1938
- II ბატონიშვილი ვ., ისტორიული აღწერა ს.კაკაბაძის გამოც. ტფ., 1914
- III ბარდაველიძე ვ., სვანურ ხალხურ დღეობათა კალენდარი, I, ახალი წლის ციკლი, ტფ., 1938
- IV ბარდაველიძე ვ., ქართული (სვანური) გრაფიკული ხელოვნების ნიმუშები, თბ 1953
- V ბარდაველიძე - ლომია ვ., ბავშვის დაბადებასთან დაკავშირებული რიტუალი მთიან ქართლში, სსმმ ტ.4, თბ., 1928
- VI ბურდული მ., სვანეთის ეთნოგრაფიული დღიურები (ხელნაწერი ინახება ავტორთან)
- VII ბურდული მ., რაჭის ეთნოგრაფიული დღიურები (ხელნაწერი ინახება ავტორთან)
- VIII ბურდული მ., ლეჩხუმის ეთნოგრაფიული დღიურები (ხელნაწერი ინახება ავტორთან)
- IX ბურდული მ., იმერეთის ეთნოგრაფიული დღიურები (ხელნაწერი ინახება ავტორთან)
- X გრიშაშვილი ი., ძველი ტფილისის ლიტერატურული ბოქემა, თბ., 1927
- XI გულედანი ს., ძველი ადათ-ზნე-ჩვეულებანი ზემო სვანეთში (ეთნოგრაფიული ნარკვევები), (ხელნაწერი ინახება მესტიის მსარეთმცოდნეობის მუზეუმში)
- XII დავითიანი ა., სვანეთის (ბალსქვემოური) ეთნოგრაფიული მასალები, 1941 (ისტორიისა და ეთნოგრაფიის ინსტიტუტის განყოფილების არქივი, M'39)
- XIII დავითიანი ა., სვანური ეთნოგრაფიული მასალები, 1941 (ისტორიისა და ეთნოგრაფიის ინსტიტუტის განყოფილების არქივი, M'39)
- XIV ზედგენიძე გ., ჯავახეთი, მშობიარობა, ბავშვის აღზრდა (ისტორიისა და ეთნოგრაფიის ინსტიტუტის განყოფილების არქივი, 1.67, რგ.2, 1946)

- XV იველაშვილი თ., საქორწინო წეს-ჩვეულებანი სამცხე-ჯავახეთში, თბ., 1987
- XVI Йорданов Д., Никонов П., Бойчинов Л., Фитотерапия, София, 1976
- XVII კაპანაძე ნ., ბავშვის აღზრდის ქართული ხალხური ტრადიციები, თბ., 1994
- XVIII კრებული "ქართული ხალხური შელოცვები", ბათუმი, 1994. კრებული შეადგინა და შენიშვნები დაურთო თინა შოშიაშვილმა
- XIX მაჩაბელი ნ., ქორწინების ინსტიტუტი ქართლში, თბ., 1978
- XX Машурко М., Из области народной фантазий и быта, СМОМПК, 3. отдел 3, Тб., 1894
- XXI ორბელიანი ს.ს., თხზულებანი ტ. IV, თბ., 1966
- XXII ორბელიანი ს.ს. ლექსიკონი ქართული, ტ. 2, 1993
- XXIII რუსაძე გ., ძეობასთან დაკავშირებული ზოგიერთი ჩვეულებანი (ხელნაწერი ინახება ავტორთან).
- XXIV რუსაძე გ., ხალხური აგრიკულტურა დასავლეთ საქართველოში, თბ., 1976
- XXV სააკაშვილი მ., გელაშვილი ა., საქართველოს მედიცინის ისტორია, ტ. III, წ. II, თბ., 1958
- XXVI Соловьева Л., Грузия, Этнография детства, М., 1995
- XXVII სურგულაძე ი., ქართველთა აგრარული რწმენა-წარმოუგენების ისტორიიდან, მსე, XIX, 1978
- XXVIII თანასკერერტელი ზ., სამკურნალო წიგნი (კარაბადინი), თბ., 1950
- XXIX ქანანელი, უსწორო კარაბადინი, თბ., 1940
- XXX ქართული ენის განმარტებითი ლექსიკონი, ტ. VI, თბ., 1960
- XXXI ღამბაშიძე დ., კარაბადინი, გამოც. მე-2, ქუთაისი, 1983
- XXXII ყარაულაშვილი ც., საქართველოს მატერიალური კულტურის ისტორიიდან (ქსოვის ხალხური წესები კასეთში), (საკანდიდატო დისერტაცია), თბ., 1972
- XXXIII შილაკაძე ივ., ძველი გურია, (ხელნაწერი მასალა, ისტორიისა და ეთნოგრაფიის ინსტიტუტის

განყოფილების არქივი, საქაღალდე 111)

- XXXIV ჩიმაკაძე ნ., თავისუფალი სვანეთი, ძველი საქართველო, საქართველოს საისტორიო და საეთნოგრაფიო საზოგადოების კრებული, ტ. II, 1911-1913
- XXXV ჩიტაია გ., ეთნოგრაფიულ მოგზაურობიდან აღბულაღის რაიონში, საქართველოს მუზეუმის მოამბე, ტ. IV, 1927, ტფილისი, 1928
- XXXVI Чурсин Г., Народные обычай и верования Кахети, ПЗКОРГО, кн. XXI, вып. 2. Тифлис, 1905
- XXXVII წუწუნავა ნ., საქართველოს სამკურნალო მცენარეები, თბ., 1966
- XXXVIII Ф. Хускивадзе, Местечко Квирилы. Кутайской губернии.. Шорапанского уезда, СМОМПК, вып. XIX, отд. 1.

ბოლოსიტყვა

მშობიარობისა და ჩვილი ბავშვის მოვლის ხალხური წესების განხილვამ საქართველოს რამდენიმე რეგიონის მაგალითზე ქართველი ხალხის ტრადიციული სამედიცინო კულტურის ბევრი საინტერესო მსარე წარმოაჩინა.

პირველ რიგში ჩვენი ყურადღება მიიპყრო შეანობასა და გინეკოლოგიასთან დაკავშირებულმა ტერმინებმა.

ფესმძიმე ქალის აღსანიშნავად მთელ საქართველოში, როგორც მთის, ისე ბარის რეგიონებში გავრცელებულია ძირითადად ორი ტერმინი: *ფესმძიმე* და *ორსული*. აღმოსავლეთ საქართველოს მთიანეთში (უმეტესად ფშავსა და ხევსურეთში) მოწმდება - *უმრეცხლო*. *ფესმძიმე* - თავისი მნიშვნელობით, ორსულობის პერიოდში ქალის ფიზიკური მდგომარეობის დამძიმების ამსახველია. *ორსული* - ქალის საშოში ჩასასული ნაყოფის ხულიერ არსებად მიჩნევას, ერთ სხეულში ორი სულის, ორი სულიერის არსებობას გულისხმობს. ხოლო *უმრეცხლო* ფესმძიმობის დროს ქალის ფიზიოლოგიურ მდგომარეობას - *სარეცხის* ე.ი. მენსტრუაციის გარეშე მყოფს აღნიშნავს.

ჩვენს ხელთ არსებული მასალის საფუძველზე ხალხურ ლექსიკაში ვერ დავამოწმეთ ფესმძიმეს ძველი ქართული სინონიმები: *მიდგომილი*, *მუცელდქმნული*, *მუცლადღებული*.

XIX - XX საუკუნეების მონაცემების მიხედვით, საქართველოში მენსტრუაციის აღმნიშვნელი ტერმინებიდან ყველაზე მეტად გავრცელებულია: *წესი*, *დედათწესი*, *რიგი*, *თვიური*. უფრო იშვიათად, ძირითადად მთის რეგიონში დაბოწმებულია აგრეთვე *სარეცხი*, *დედათწესი*, *თვიური* ძველი ქართული ტერმინებია და გვხვდება შუა საუკუნეების წერილობით წყაროებში ამავე მნიშვნელობის სიტყვის - *სამთვარიოს* გვერდით (IX, 28).

საინტერესოა ამ ტერმინების ეტიმოლოგია. *წესი*, *დედათწესი* ქალის ფიზიოლოგიურ მდგომარეობას ასახავს და "გვიჩვენებს, რომ ქალისათვის თვიური სისხლის დენა, წესად.

ბუნებრივ მოვლენად ითვლებოდა" (IX, 28). რივი და თვიური ამ წესის რეგულარულობის აღმნიშვნელია. სოლო სარეცხი მენსტრუალური სისხლის ქუქყად და სიბინძურედ მიჩნევას გულისხმობს. ქუქყისა და სიბილწეს უკავშირდება აგრეთვე აღმოსავლეთ საქართველოს მთიანეთში დამოწმებული თვიური სისხლისღვრის აღმნიშვნელი ძველი ქართული ტერმინი *წიდოვანება*. წიდა ძველ ქართულში ქუქყს (I), "სიბილწესა" და "ფინთ რამეს" (VIII; ტ II) აღნიშნავდა, სოლო "ბილწი" - არაწმინდას (VIII; ტ I) ე.ი. უწმინდურს.

ზემომოყვანილი ტერმინებიდან არის ნაწარმოები მენსტრუაციის პერიოდში მყოფი ქალის აღმნიშვნელი სიტყვები: *წესიანი, დედათწესიანი, თვიურიანი, მრეცხელი, წიდოვანი*. მათთან ერთად საქართველოს მთიანეთში გვსვდება დედათწესის მქონეს საყურადღებო სინონიმები: *ნარევი, მირეული, ურწყული* (სვან), *მესამრელოე, მეკარე, კარსყოფი, გარეთყოფი*.

ნარევი, მირეული, ურწყული - უწმინდურს აღნიშნავს. უკავშირდება მენსტრუალური სისხლის ქუქყთან, სიბილწესთან გაიგივებას უძველეს წარმოდგენას - დედათწესიანი ქალის უწმინდურად მიჩნევის შესახებ და მოიცავს როგორც რელიგიურ, ისე სოციალურ გააზრებას.

განსაკუთრებულ ინტერესს იწვევს ტერმინები: *მესამრელოე* (სამრელოში, თვიურიანი ქალისათვის განკუთვნილ სპეციალურ ნაგებობაში მყოფი), *მეკარე, კარსყოფი, გარეთყოფი*, რაც ძველი ქართული ცნების ამსახველი - *გარეშე მჯდომელის* (დედათწესის მქონე) (I) იდენტური ტერმინებია და ისევე როგორც მშობიარე და ნამშობიარები ქალის აღმნიშვნელი - *მექოხე* (სამშობიარო ქონში მყოფი), პირდაპირ მიუთითებს მათი ოჯახიდან *გარეთ* გასვლის ფაქტზე, ასახავს ერთი მხრივ ადგილობრივ კოსმოგონიურ რწმენა-წარმოდგენებს *შინასა და გარეს*, მოწესრიგებული და მოუწესრიგებელი სამყაროს, კეთილისა და ბოროტის, პოზიტიურისა და ნეგატიურის დაპირისპირებას, მეორე მხრივ

კი დედათწესიანი, მშობიარე და ნამშობიარები ე.ი. უწმიდური ქალების ამ სამყაროს მკვიდრებად, მათი ოჯახის ე.ი. შინას გარეთ არსებული სამრელოსა და ქოსის ბინადრებად მიჩნევას გულისხმობს.

ამგვარად, ბარში გავრცელებული თვიურიანი ქალის აღმნიშვნელი ტერმინები, ძირითადად ქალის ფიზიოლოგიური მდგომარეობის გამომსატველია. მაშინ, როდესაც მთაში ეს ტერმინები დედათწესიან, მშობიარე და ნამშობიარე ქალთან დაკავშირებულ რწმენა-წარმოდგენათა გარკვეულ სისტემასაც ასახავს.

ხალხურ ლექსიკაში ვერ დავამოწმეთ მეანის აღმნიშვნელი ძველი ქართული სახელწოდებები: დედათმოურავი, ამქუმელი, ყრმის ამქმელი და სხვ. საქართველოში მეანის აღმნიშვნელი ყველაზე მეტად გავრცელებული ტერმინია ბებია - ბებიაქალი, რომელიც XVII საუკუნეშიც, როგორც ჩანს, ამავე მნიშვნელობის ხალხური ტერმინი იყო, რადგან სულსან-საბას ლექსიკონის მიხედვით - "ბებიას გლესნი ყრმათ ამქმელს უწოდებენ (VIII; ტ I).

საინტერესოა გამოთქმა *წმინდა ავადმყოფი*. *წმინდა ავადმყოფად* ქვემო ქართლის მასალების მიხედვით, და ასეთი მასალები საქართველოს სხვა კუთხეებშიც მოწმდება, მიჩნეულია ქალი, რომელსაც მენსტრუაცია საერთოდ არ ჰქონია ან შეუწყდა უდროოდ დროს, ე.ი. 30 წლამდე. ამ გამოთქმაში ასახულია, როგორც რელიგიური წარმოდგენა, ისე სამედიცინო თვალსაზრისი. მსაზღვრელი *წმინდა უკავშირდება* მენსტრუაციის დროს ქალის უწმინდურად მიჩნევის ფაქტს - ე.ი. რადგან დედათწესიანი ქალი უწმინდურია - ქალი, რომელსაც ეს წესი არა აქვს - წმინდაა. ეს არის ტერმინის რელიგიური გააზრების ლოგიკა. ამავე დროს მოსახლეობისათვის კარგად არის ცნობილი, რომ მენსტრუაცია, როგორც აღვნიშნეთ, არის წესი, ქალისათვის აუცილებელი ნორმალური ფიზიოლოგიური მდგომარეობა და რადგან ნორმა, წესი ირღვევა, ე.ი. ირღვევა ქალის *სიმრთელე, ჯანმრთელობა*, ამიტომ იგი განიხილება ავადმყოფად. ამგვარად, გამოთქმაში *წმინდა ავადმყოფი*

ასახულია, როგორც რელიგიური, ისე სამედიცინო გააზრება.

თითქმის მთელ საქართველოში დამოწმებულია ქალის მიწაზე მშობიარობის უძველესი წესი. სვესურეთში ეს წესი XX საუკუნის I ნახევარშიც კი ფუნქციონალური იყო და რეალურად არსებობდა - მშობიარობა სდებოდა მიწის იატაკიან სპეციალურ სამშობიარო ქოსში. საქართველოს სხვა რეგიონებში ჩვენს ხელთ არსებული მასალის მიხედვით XX ს-ს დასაწყისში მიწაზე მშობიარობა რიტუალურ სასიათს ატარებდა. მიწა წარმოდგენილი იყო, როგორც რიტუალის ელემენტი სპეციალურად იყო დაყრილი იმ ადგილზე, სადაც ქალს უნდა ემშობიარა (თუ ქალი მიწურში არ მშობიარობდა) და სედ დაფენილი იყო ჩაღა. ე.ი. აქ რიტუალურად აღდგენილი იყო უძველესი და ბუნებრივი მშობიარობის წესი, რომელიც მიწის დედურ ბუნებას, მიწის ნაყოფიერების რწმენას უკავშირდება.

ყველა რეგიონში ქალი მენსტრუაციისა და მშობიარობის დროს, ასევე ლოგინობის პერიოდში - 40 დღე უწმინდურად ითვლებოდა და სდებოდა მისი იზოლირება. უწმინდურება ასსნილი იყო ამ პერიოდში ქალის საშოდან სისხლდენის ფაქტით. რაც, როგორც აღვნიშნეთ, საქართველოს მთაში გამოსატყულია სათანადო ტერმინებითაც. ეს წარმოდგენა ერთ-ერთ უძველეს რწმენა-წარმოდგენათა კატეგორიას განეკუთვნება და შენარჩუნებულია თანამედროვე მსოფლიო რელიგიებში.

საქართველოს მთისა და ბარის რეგიონებში განსხვავებული იყო დედათწესიანი და მელოგინე, ე.ი. უწმინდური ქალის იზოლირების ფორმები. ბარში ქალს მენსტრუაციის დროს დაასლოებით ერთი კვირა და მშობიარობის შემდეგ 40 დღე ეკრძალებოდა მსოლოდ გარკვეული ოჯახური საქმიანობა, ურთიერთობა მეუღლესთან, ყოველგვარი ურთიერთობა საკრალურთან. ამ აკრძალვებთან ერთად ნამშობიარები ქალი წესით 40 დღე *მელოგინე* - ე.ი. მწოლიარე იყო. მთაში ამ პერიოდში ქალი ოჯახსიდან, *შინიდან* გადის *გარეთ* და წყვეტს ურთიერთობას *შინას* მკვიდრებთან. *გარედან* მისი *შინ*, ოჯახში დაბრუნება სდება სტადიურად, განწმენდის ეტაპების გავლის

შედგებად - უმეტესად მშობიარობის შესამე, მეთხუთმეტე და მეორმოცე დღეს. ყურადსაღებია, რომ განწმენდის ყოველი ეტაპის შემდეგ გადასვლა ქონიდან სამრელოში (დედათწესიან ქალთა სამყოფში) თუ სამრელოდან სასლში ხდება *მზის ჩასვლის შემდეგ, საღამოს*, რაც დროის ისეთივე ნეგატიურ კატეგორიას განეკუთვნება როგორც - *გარე* - სივრცის. ქალის გარედან შინ დაბრუნებას, გაჯანაბრებას სივრცეში სჭირდება 4-6 კვირა (40 დღე), ხოლო საკრალურთან ურთიერთობის უფლების მოპოვებას, რაც სიმბოლურად მისი ჭერხოში (ხევესურული სასლის საკრალურ ნაწილში) ასვლაში გამოიხატება 9 კვირა.

ამგვარად, მთაში მოწმდება უწმინდური ქალის განწმენდის ჩამოყალიბებული სისტემა დროსა და სივრცეში. რაც მთიელთა რწმენა-წარმოდგენებისა და ემპირიული კოსმოგონიის ლოგიკური ასახვაა.

ბარში ქალის სივრცობრივი განცალკევება, მისი ოჯახიდან, *შინიდან გარეთ* გასვლა ვერ დავამოწმეთ. აქ უწმინდური (მელოგინე ქალის) იზოლირების სივრცული არე შეზღუდულია. მოსახლეობისათვის, ყოველ შემთხვევაში არისტოკრატიული, განათლებული საზოგადოებისათვის, XVIII საუკუნის მონაცემების მიხედვით, ეს ფაქტი მიუღებელია. რაზედაც უპირველეს ყოვლისა, მიუთითებს ვახუშტის შემდეგი ცნობა: "თუშები ბრძოლასა შემმართებულნი, მკნენი, ძლიერნი, მკვედარნი, წარმატებულნი და უსაქციელონი, ბრიყუნი. რამეთუ, ოდეს შობს დედაკაცი, არავინ მიეახლებს, არამედ განუტევენ შორს მარტოდ, და შობისა შემდგომად მ (40 ნ.მ.) დღეთა მოიყვანებენ შობილითურთ ..." (III:554).

ბარში ქალი ლოგინობის პერიოდში 40 დღე უნდა იწვეს - იგი *მელოგინეა*. ეს წესი უწინ მკაცრად იყო დაცული. რაც შეეხება დედათწესიან ქალს, იგი აქ რა თქმა უნდა, ოჯახიდან არ გადის, არც *მელოგინეა*, ე.ი. არც საწოლში წევს, მხოლოდ აქაც, როგორც ზემოთ აღვნიშნეთ, ითვლება უწმინდურად და ეკრძალება ურთიერთობა საკრალურთან. ურთიერთობა მეუღლესთან, რიგი ოჯახური საქმიანობა.

ნამშობიარები ქალის ეტაპობრივი განწყობის ფაქტები აღმოსავლეთ საქართველოს მთიანეთის გარდა, სხვაგან არ გვხვდება, მაგრამ მთაში დამოწმებული განწყობის ყოველი ეტაპის დრო ბარში გარკვეული სასით მაინც აღინიშნებოდა. მაგ., ვ. ბარდაველიძის მონაცემების მიხედვით, მშობიარობის შესამე დღეს ქართლ-კახეთში იმართებოდა *ძეობა*, სადაც მოპატიჟებულნი იყვნენ მხოლოდ ქალები. თუ ქალი ქმრის ოჯახში მშობიარობდა, მაშინ მელოგინის დედა და სტუმრები მიდიოდნენ სიძესთან, მიჰქონდათ *ლოგინობის ძვენი* სმა-ჭამის გარდა ძეობაზე იყო სიმღერა, ლხინი და ყოველგვარი გასართობი. ძეობისთვის ცხვებოდა განსაკუთრებული ე.წ. *მუსლის პური*, რომელსაც ოჯახის ბავშვებს შეაჭმევდნენ, ამავე დღეს იმერეთში აცსობდნენ სპეციალურ რიტუალურ ხაჭაპურს (II; 262, 264). ხოლო ვახტანგ ბატონიშვილის მიხედვით, "დღესა შესამესა" ქალი სამშობიარო ადგილიდან გადაჰყავდათ საწოლში, რაც განსაკუთრებით საყურადღებოა, ეს ხდებოდა "ჟამსა ბინდისასა", ე.ი. ისევე როგორც ხევსურეთში, მზის ჩასვლის შემდეგ. შესამე დღეს, აქაც იმართებოდა ლხინი, სადაც, როგორც ჩანს, პრიორიტეტი ქალებს ეკუთვნოდათ. მშობიარობიდან ორი კვირის შემდეგ (ვ. ბარდაველიძის მიხედვით ზოგჯერ მეშვიდე-მეცხრე დღეს) ხევსურეთში ხდებოდა *საწმინდარში გასვლა*, ტარდებოდა ქალის განწყობის მორიგი რიტუალი, როდესაც ქალი ნაწილობრივ განიწმინდებოდა და სიწმინდის ხარისხით ადიოდა *მესამრელოე დედათქვისიანი* ქალის დონეზე.

საინტერესოა, რომ ვახტანგ ბატონიშვილის მიხედვით ხდებოდა 15 დღე მშობიარე იქმნებოდა მცხედარსა ზედა ნიადაგ მწოლარე დღესა მეთხუთმეტესა წარმოსვიან იგი და დახურიან სხვა გვარი რამ სახურაჲი თვლითა და მარგარიტითა შეკობილი, რომელსა უწოდებენ ჭავლ* სარადუჯათ** ნიშნად ამისსა, რომელ არლარა იქნების სძლებრივის მდუმარეობისა ანუ მეტისა კრძალულებისა თანამდებ, არამედ სხვათა პატიოსანთა

*ჭავლი - სხილი ნაწნავი თმა (VIII; ტ II).

**სარადუჯი - ქალის თავსახურაჲი (VIII; ტ II).

დედაკაცთა შორის აღრაცხილ ... ს⁶ შესრულებადმდე ორმოცისა ქალი იგი იყვის ნიადაგ სახლსა თვისსა და ვერსად წარვიდის" (IV; 19).

ცხედარი ძველ ქართულში - ლოგინს, ტახტს, საწოლს, საკაცეს აღნიშნავდა (I). *მცხედარი, ცხედარი*, საბას განმარტებით, სარეცელისაგან განსხვავებით, არის საწოლი "შიშველი საგებელთაგან", ე.ი. უსაგებლო საწოლია. ცხედარსე, როგორც ეპიტანიე ბატონიშვილის ტექსტიდან ჩანს მელოგინეს, სოლო ძველი ქართული წყაროების მიხედვით ავაღმყოფებსაც ათავსებდნენ (X; 104, 115, 331).

ორი კვირის შემდეგ, როგორც ვხედავთ, ქალს აძლევდნენ საწოლში დაჯდომის უფლებას და თვალ-მარგალიტით გაწყობილ თავსაბურავს ასურავდნენ, ნიშნად იმისა, რომ იგი აღარ უნდა ყოფილიყო ასალი რძალივით მორიდებული* მღუპარე და მოკრძალებული ე.ი. შვილის გაჩენის შემდეგ ქალი ოჯახში სათანადო უფლებებს იმკვიდრებდა და ადიოდა პატიოსან**.

პატივისაცემ ქალთა რანგში. მაგრამ 40 დღე მელოგინეს სახლიდან გასვლის უფლება მაინც არ ჰქონდა.

საინტერესოა, რომ აფსაზეთში მშობიარობის რამდენიმე დღის შემდეგ სუთშაბათს ხდებოდა ქალის წამოყენება და ნაყოფიერების ღვთაების სახელსე იმართებოდა რიტუალი "აგილარა" იგივე "აგლასა", რომელშიც მსოლოდ ქალები მონაწილეობდნენ (V; 103-104).

ეთნოგრაფიული მასალის, საარქივო თუ ლიტერატურული მონაცემების მიხედვით, საქართველოს ზოგიერთ რეგიონში ქართლ-კახეთში, სამცხე-ჯავახეთში და სსვ. აღინიშნებოდა მშობიარობიდან მერვე დღეც.

ვ.ბარდაველიძის მიხედვით, "ქართლ-კახეთ-იმერეთის ძეობა, ხევსურეთის "ველებზე ასასხმელი", გურულების "ლოგინის აღება" ანუ "შიწის გაჯერება" და აფსაზეთის "აგლმასნ" (აგლასა - ნ.შ), -

* პატარძლის მორიდების (უპრასობის) ჩვეულება გავრცელებული იყო საქართველოს სხვადასხვა კუთხეში.

** პატიოსანი - პატივისაცემელი (VII; ტ I).

ყველა ეს ბავშვის დაბადებასთან დაკავშირებული რიტუალის ელემენტები წარმოადგენდნენ საქართველოს სხვადასხვა კუთხეში სხვადასხვა სახით და სასელწოდებით დაცულს ღვთაება "დედა - მიწის" მსახურების ფრაგმენტებს" (II: 277).

ჩვენ დავუმატებდით, რომ ამ რიტუალებში მიწის ნაყოფიერების კულტთან, ფუძის ანგელოზთან დაკავშირებულ რწმენა-წარმოდგენებთან ერთად, ასახულია წარმოდგენები ადამიანის მფარველი ანგელოზის შესახებ (ფშავ-ხევსურეთი).

მთელ საქართველოში ნამშობიარები ქალის, მისი ოჯახის წევრებისა და სახლის საბოლოო განწმენდის რიტუალი ტარდებოდა 40 დღის შემდეგ ოჯახში. მთაში ადგილობრივი სალოცავის უზენაესი მსახურის - ხუცესის მიერ, საკლავის სისწლით და ნაკურთხი წყლით, ბარში განწმენდის რიტუალს ატარებდა მღვდელი ჩვეულებრივი, ქრისტიანული წესით.

საქართველოს სხვადასხვა კუთხის მოსახლეობის რწმენა-წარმოდგენების მიხედვით, დედა და ახალშობილი 40 დღის მანძილზე ავი სულების ზემოქმედების საფრთხეში იყვნენ. ამ პერიოდში მათი დაცვა ავი სულებისაგან ხდებოდა ოფიციალური რელიგიის მიერ მიუღებელი სხვადასხვა მაგიური წესებითა და საშუალებებით. ეს ფაქტი კი იმის მაუწყებელია, რომ განწმენდამდე, ე.ი. 40 დღის მანძილზე დედა-შვილი და ახალშობილი, შესაძლებელია, უფრო დიდხანსაც - ჯვარში, ხატში მიბარებამდე (აღმოსავლეთ საქართველოს მთიანეთში) და მონათვლამდე (საქართველოს სხვა რეგიონები) არ ითვლებოდნენ, რელიგიური ცენტრის ჯვარის, ხატის (აღმოსავლეთ საქართველოს მთიანეთი) და ეკლესიის ირგვლივ გაერთიანებული, სოციალური ჯგუფის წევრებად. არ სარგებლობდნენ მათი მფარველობით.

ამგვარად, მშობიარობისა და ახალშობილის მოვლასთან დაკავშირებული წეს-ჩვეულებები სარწმუნოებრივად გარკვეულ სისტემას წარმოადგენს, სადაც შერწყმულია, როგორც არქაული რელიგიური პლასტები, ისე ქრისტიანული წესები.

ამ სისტემაში ძირითადად ფიგურირებს უძველესი რწმენა-წარმოდგენები მიწის დედური საწყისისა და ნაყოფიერების, ქალის უწმინდურობის, აე სულთა ზემოქმედების და სსჯათა შესასებ. რაც განსახიერებულია მიწაზე მშობიარობის წესებში (მთა) და მათ რიტუალურ სიმბოლიკაში (ბარი), განწმენდის ცერემონიებსა თუ ავი სულების საწინააღმდეგოდ მიმართულ ქმედებებსა და საშუალებებში.

მთაში არქაული წეს-ჩვეულებები დაცულია შედარებით სრული ფორმით და აქვს სისტემური ხასიათი. ბარში ეს წეს-ჩვეულებები ემეტესად შემორჩენილია ფრაგმენტების სახით და ზოგ შემთხვევაში აღდგენილია რიტუალურად გარკვეული სიმბოლოების საშუალებით.

საინტერესო შედეგებს იძლევა მშობიარობისა და ახალშობილის მოვლის ტრადიციული წესების განხილვა სამედიცინო მონაცემებთან შეჯერებით.

თუ ამ წესებს თანამედროვე მედიცინის თვალსაზრისით განვიხილავთ, ერთი შეხედვით, შესაძლებელია მათში დადებითი ბევრი ვერაფერი დავინახოთ.

მაგრამ, როგორც ყოველი ხალხური ტრადიცია, ისე ზემოთ აღწერილი წესები საქიროა შესწავლილ იქნას იმ გარემოსა და პირობების გათვალისწინებით, სადაც ისინი აღინიშნებოდნენ.

აქედან გამომდინარე, თუ მსედველობაში მივიღებთ, საქართველოს არაერთგვაროვან გეოგრაფიულ გარემოში მცხოვრები მოსახლეობის განსხვავებულ საცხოვრებელ პირობებსა და ცხოვრების თავისებურ წესს ვნახავთ, რომ საქართველოს სხვადასხვა რეგიონში ჩამოყალიბებული მუანობისა და გინეკოლოგიის ზოგჯერ თანაღმური ტრადიცია, ზოგ შემთხვევაში მედიცინას თვალსაზრისით გაუმართლებელიც კი, მკვიდრად იყო ფესმოკიდებული მოსახლეობის ყოფაში, რადგან, როგორც ჩანს, აკმაყოფილებდა ადგილობრივ მკვიდრთა გარკვეულ მოთხოვნილებებს. შეესაბამებოდა მათ საცხოვრებელ პირობებსა და სსვ. რა თქმა უნდა, დროის წინსვლისა თუ გარემოს ცვალებადობასთან ერთად ხდებოდა ამ ტრადიციათა მოდიფიცირება, ზოგ შემთხვევაში გაქრობაც. ამის ნათელ მაგალითს წარმოადგენს ის ფაქტი, რომ XX საუკუნის

დასაწყისში მაღალმთიანი სვესურეთის ყოფაში ჯერ კიდევ მოქმედი ბევრი მრავალსაუკუნოვანი ტრადიცია 1950-იან წლებში სვესურების ბარში (სოფ. გამარჯვება) ჩამოსასვლების შემდეგ მათ ყოფაში საერთოდ აღარ მოწმდება. მაგ., ქოსში მშობიარობისა თუ დედათწესიანი ქალის სამრელოში გასვლის წესმა სოფ. გამარჯვებაში ველარ მოიკიდა ფესი. შედარებით ჩვეულ გარემოში, მთისწინეთში ერწო-თიანეთში ჩამოსასვლელ სვესურებში* ქოს-სამრელოები საკმაოდ დიდხანს XX საუკუნის II ნახევრამდეც ფუნქციონირებდა.

განსაკუთრებით აღსანიშნავია ის ფაქტი, რომ მეანობის თუ ქალის დაავადებათა ხალსური მკურნალობის პრინციპები ზოგ შემთხვევაში შორს არ იდგა თანამედროვე სამედიცინო პრინციპებისაგან. ბუნებრივია სამკურნალო საშუალებები და მეთოდები მკვეთრად განსხვავდებოდა.

უნდა აღინიშნოს აგრეთვე, რომ ჩვენს მიერ შესწავლილი რეგიონების მოსასვლეობა მეტ-ნაკლებად ერკვეოდა ქალის ფიზიოლოგიაში.

განსაკუთრებით ხაზი უნდა გაესვას იმ გარემოებას, რომ ხდებოდა ქართული ოფიციალური სამედიცინო ცოდნის ინფილტრაცია ხალხში, ემპირიული სამკურნალო გამოცდილების შერწყმა ძველი ქართული წიგნიერი მედიცინის მონაცემებთან (უფრო მეტად ბარის რეგიონებში).

ეს ცოდნა ადგილობრივ მოსასვლეობას ესმარებოდა ახლგაზრდა ქალის დედობისათვის მომზადებაში, მშობიარობის დროს ქალისა და ბავშვის მშვიდობიან გადარჩენასა და ჯანსაღი თაობის აღზრდაში.

ჩვენ, როგორც არა სამედიცინო დარგის სპეციალისტებს, არ შეგვიძლია მეანობისა და გინეკოლოგიის ყველა ტრადიციული წესის თანამედროვე სამედიცინო თვალსაზრისით განსილება.

ჩვენს მიზანს, უპირველეს ყოვლისა, ხალსური ცოდნა - გამომცდილების გამოვლენა და ამ საკითხით სამეცნიერო წრეების დაინტერესება წარმოადგენს.

* სვესურთა ინტენსიური ჯგუფური ხასიათის გადასასვლელანი ერწო-თიანეთში და აქ მათ მიერ დასასვლელი რიგი ახალი სოფლების შექმნა XIX ს-ს II ნახევრიდან შეიმჩნევა (VII: 21).

მაგრამ თანამედროვე სამედიცინო კულტურაში, მეტ-ნაკლებად ჩასვლული ადამიანისთვისაც ბევრი ხალხური წესის მიზანშეწონილობა სრულიად აშკარაა.

პირველ რიგში ეს შეეხება გინეკოლოგიურ დაავადებათა პროფილაქტიკას. რასაც, უპირველეს ყოვლისა, ხელს უწყობდა მენსტრუაციისა და მშობიარობის შემდგომ პერიოდში ქალისათვის მძიმე შრომის თავიდან აცილება და, რაც მთავარია, სქესობრივი ურთიერთობის აკრძალვა. უნდა აღინიშნოს, რომ თანამედროვე მეცნიერებაში ამ წესის დაკანონებას ბიბლიური მოსეს ერთ-ერთ გენიალურ მიგნებად მიიჩნევენ (V; 85-86).

ამავე კატეგორიას განეკუთვნება ამ პერიოდში ელემენტარული ჰიგიენური ნორმების დაცვის წესის სახით ჩამოყალიბება. მაგ., მენსტრუაციის შემდეგ აუცილებელი განბანის წესი და სხვა.

პრინციპულად სწორი იყო საკვერცხეების ანთების დროს სითბური პროცედურების ჩატარება (თბილი აბაზანები, შეორთქლება), ე.წ. "წელის სისუსტის", მუცლის ზშირი მოწყვეტის შემთხვევაში "მაფიქსირებელი ნახვევის დადება". საშვილოსნოს გადასრის მასაჟითა და საშვილოსნოს დაწვეის "კოტოშებით" ამოწვეისა და ფიქსირებით, მკურნალობა და სხვა. საშვილოსნოდან ძლიერი სისხლის დენის ("ტაბასტა") შეწყვეტის მიზნით ცივი საფენების, აბაზანების გამოყენება და სხვ. ასევე ინტენსიური მოძრაობა უშუალოდ მშ. ბიარობის დაწყების წინ და მშობიარობის შემდეგ, სამი დღე უძრავად ყოფნა, რაც გარკვეული პროფილაქტიკა იყო ძლიერი სისხლის დენის თავიდან ასაცილებლად. განსაკუთრებით უნდა აღინიშნოს მძიმე მშობიარობის დროს საქართველოს ბარში ბებიაქალისა და მთაში გამოცდილი "დამსმარე ქალის" მიერ მომყოლის - პლაცენტას გამოდევნის, ბავშვის არასწორი მდებარეობის შეცვლის და მშობიარობის დაჩქარების, ჩვენს მიერ ზემოთ აღწერილი, სხვადასხვა ეფექტური მეთოდების გამოყენება. რა თქმა უნდა, გამართლებული იყო ფეხმძიმე ქალის დაზოგვა: მისთვის მძიმე სამუშაოს არიდება, უხერხული მოძრაობების შეზღუდვა, მსუბუქი დიეტის დაცვა და სხვ.

საზი უნდა გაეცვას იმ გარემოებასაც, რომ მძიმე მშობიარობის შემთხვევაში, განსაკუთრებით მაშინ, როდესაც

ქალის სიცოცხლეს საფრთხე ემუქრებოდა. ე.ი. ექსტრემალური სიტუაციის დროს, სდებოდა ოპერაციული ჩარევა, როგორც ადგილობრივი შეანების, ისე ცხოველებზე დასელოვნებული მწყემსების მიერ. განსაკუთრებით საშიშუნდა გაესვას იმ გარემოებას, რომ სევსურები, რომლებიც გამოირჩეოდნენ რელიგიური ნორმების დაცვის სიმკაცრით, ამ ნორმებს არღვევდნენ და მშობიარესთან - "უწმინდურ დედაკაცთან" - დასასმარებლად მიჰყავდათ გამოცდილი ქალი. სოგჯერ მაიაკაცოც (მწყემსი) კი, რაც ჩვეულებრივ პირობებში სასტიკად იკრძალებოდა.

უთუოდ გათვალისწინებულ უნდა იქნას, რომ მშობიარობის დროსა და შემდეგ მოსასლეობა განსაკუთრებულ ყურადღებას აქცევდა ფსიქოლოგიურ ფაქტორს და ცდილობდა ქალისათვის დადებითი ემოციური გარემოს შექმნას. ასეთი დამოკიდებულება განსსვაეებული იყო სსვადასსვა სოციალური წრისა და გეორგათიულ გარემოში მცსოერებ მოსასლეობას შორის. ვასტანგ ბატონიშვილის ცნობიდან ჩანს, რომ მშობიარობის დროს ქალს საგანგებოდ უკლიდა მთელი ოჯახი, ახლობლები და მოკეთებები, მის ირგვლივ ლსინი და გართობა იყო. სადაც პრიორიტეტი ქალებს ენიქებოდათ.

ჩვენს მიერ დამოწმებული მასალით საქართველოს ბარის რეგიონებში ქალი მშობიარობის დროს მარტო არ იყო, მას, ბებიაქალისა და ახლობლების გარემოცვაში - ზრუნვა და აღერსი არ აკლდა. ნამშობიარებ ქალთან პერიოდულად იმართებოდა ლსინი და ყურადღება ექცეოდა ქალისათვის დადებითი ემოციური გარემოს შქქმნას.

მთაში მიუსედავად იმისა, რომ საკმაოდ მძიმე პირობებში ქალი მარტო მშობიარობდა, იგი მაინც გრძნობდა ოჯახის წევრების ყურადღებასა და მზრუნველობას, რაც გამოიხატებოდა მისთვის ოჯახის წევრი მამაკაცების მიერ ღამისთევასა, თუ შესამრელოე დედაკაცების მოკითხვა-გამოსმაურებაში.

რაციონალურად უნდა ჩაითვლოს მშობიარობის წინა და შემდგომი პერიოდის ზოგიერთი წესი: მაგ., ძუძუს თავების წინასწარი დამუშაება, მასტიტის დროს მსუბუქი მასაჟი (ძუძუს სავარცხლით "ჩამოვარცხნის" ორიგინალური წესი) და სსვ.

ჯანსაღ მომავალ თაობაზე ზრუნვით იყო

განპირობებული ქორწინებამდე ქალის - მომავალი დედის წინაპართა ჯანმრთელობის "გაკითხვა" - მექვიდრეობით დააგზავნებოდათ თავიდან აცილების მიზნით.

ბავშვის ჯანმრთელობაზე ზრუნვით უნდა აისხნას აგრეთვე ის ფაქტი, რომ ასალშობილი, სამი დღე დედის უბეში იმყოფებოდა, როგორც ჩანს, სრულიად უცხო გარემოსთან თანდათანობით შეეუების მიზნით (სვესურეთი).

მშობიარობის შემდეგ ასალშობილის დედის მკერდზე დაწვენის წესი, როგორც ცნობილია, ამ უკანასკნელ ხანებში თანამედროვე მედიცინაში ფართოდ დაინერგა.

ცალკე გვინდა შევჩერდეთ დედის რძით ბავშვის კვების საკითხზე, რაც ქართულ სალსს ჯანსაღი თაობის გაზრდის ერთ-ერთ აუცილებელ პირობად მიაჩნდა.

ბუბუს წოვების რეჟიმი საქართველოში თავისუფალი იყო, ე.ი. ბავშვის კვების დრო წინასწარ არ განისაზღვრებოდა. ეს ჩვილის საკვებით დაკმაყოფილებას, მის სიმშვიდეს, დედისათვის რძის შენარჩუნებას უწყობდა სეულს. ამასთან ერთად ერიდებოდნენ ბუბუს მიცემას ღამე. ძველი ქართული მედიცინის მონაცემების მიხედვით: ყრმას (ჩვილს - ნ.მ.) დედა "ღამით სძესა არ აწოებდეს" (XI; 36).

აღსანიშნავია, რომ შიმშილი ყოველთვის არ ითვლებოდა ბავშვის ტირილის მიზეზად: "და თუ ყრმად დია ტიროდეს ჰნასოს, არ ყოველივე შიმშილისაგან ატირდების, ნუ თუ მუცელი სტკივოდეს, მაშინ დედამან მისმან თეთრი საკმეველ, ცოსნოს, და წუენი მისი პირსა ჩაუწთოს, ... და ეგების რომელ ყურიცა სტკიოდეს, მაშინ ცოტად სძე იისა ზეთსა გაურიოს და ყურსა ჩაუწთნონ (XI. 36), ე.ი. დედა ცდილობდა ბავშვის ტირილის მიზეზად დაეკენას და სათანადო ზომებს იღებდა.

როგორც ჩვესური, ისე ძველი ქართული ოფიციალური მედიცინის მისედევით, დამატებით საკვებს ჩვილს სწავათასხვა დროს აძლევდნენ, უმეტესწილად კბილის ამოსვლის შემდეგ. შესაბამისად კვების რაციონში მცირდებოდა დედის რძის რაოდენობა. წლინახევრის, 2 ან უფრო იშვიათად 3 წლის ბავშვი ბუბუს წოვას თავს საერთოდ ანებებდა. ბუბუდან მოწყვეტის საუკეთესო სეზონად გაზაფხული და შემოდგომა მიაჩნდათ: "... ბუბუსაგან ზამთარსა და ზაფხულსა შუა ნუ მოსწყვეტენ ყრმასა, რომელ საშიშოდ იქნების. და უკეთესი ჟამი ყრმისა მოწყვეტისად

გაზაფხულ და შემოდგომისა ჟამია" ... (XI: 36).

ხალხური შესედულებით, ზამთრის სიცივეში და ზაფხულის სიცხის დროს (ინფექციების აქტიურობის პერიოდში) ბავშვს დედის რძით გამაგრება სჭირდებოდა.

ზემომოყვანილიდან ნათელია, რომ ჩვილი ბავშვის კვების ტრადიციული სისტემა საქართველოში რაციონალურ ხასიათს ატარებდა.

იგივე შეიძლება ითქვას ბავშვის ჰიგიენის დაცვის ჩვენს მიერ ზემოაღწერილ წესებზე: ხშირი დაბანა, საგებლის გამოცვლა, ცივი წყლის გადავლება, აკვანში ჩაწვენამდე ახალშობილისა და მწოლიარე დედისათვის მოხერხებული საწოლის *ხოჭიჭისა* და *კორნეს* შერჩევა, ხოლო აკვანში წოვების დროს დედის ადგილმონაცვლეობა, აკენიდან ჩვილის ხშირი ამოყვანა, ფესების თავისუფლად შეკვრა (სვესურეთი) და სხვა ზომართული იყო აკვანში აღზრდის შედეგად მოსალოდნელი გართულების თავიდან აცილების თუ რამდენადმე შემსუბუქებისაკენ. არ არის გამორიცხული, რომ ახალდაბადებულის მოვლის გარკვეული ტრადიციები, მაგ., სვესურეთში დამოწმებული საკმაოდ უხეში წესები ხელს უწყობდა მთიანეთის მკაცრ ბუნებასა და ცხოვრების მძიმე პირობებთან ბავშვის თანდათან შეგუებას.

საზი გვინდა გაუსვათ საქართველოს მოსახლეობის ყოფაში (გამონაკლისია აღმოსავლეთ საქართველოს მთიანეთი) ბებიაქალების - ტრადიციული სამეანო ცოდნით აღჭურვილი სპეციალისტების ფართო პრაქტიკას, რაც ხალხური მკურნალების პროფესიონალებად ჩამოყალიბების ფაქტზე მიგვივითხებს.

ზემოგანსილული მასალიდან ჩანს, რომ მშობიარობისა და ახალშობილის მოვლის ხალხური ტრადიციები შეესაბამებოდა საქართველოს სწვადასწვა კუთხის მოსახლეობის საცხოვრებელ პირობებს, ცხოვრების წესს, რწმენა-წარმოდგენების სისტემას, აკმაყოფილებდა ადგილობრივ მკვიდრთა გარკვეულ მოთხოვნილებებს და როგორც ჩანს მათთვის ოპტიმალური იყო.

წყაროები და ლიტერატურა:

- I აბულაძე ილ., ძველი ქართული ენის ლექსიკონი, თბ., 1973.
- II ბარდაველიძე-ლოშია, ბავშვის დაბადებასთან დაკავშირებული რიტუალი მთიან ქართლში, საქართველოს მუზეუმის მოამბე IV, ტფ., 1928
- III ბატონიშვილი ვახუშტი, აღწერა სამეფოს საქართველოსა, ქართლის ცხოვრება IV, თბ., 1973
- IV ბატონიშვილი ვახტანგი, ისტორიებრი აღწერა ვახტანგის მიერ (კაკაბაძის გამოცემა) ტფ., 1914
- V Дбар С.А., Традиционные родильные обычаи и обряды абхазов и их трансформация в советские годы, ჟურნ. Советская Этнография, № 1, 1985
- VI თომსენი რ., ბიბლიის სამედიცინო სიბრძნე, თბ., 1991
- VII თოფჩიშვილი რ., აღმოსავლეთ საქართველოს მთიელთა მიგრაცია XVI-XX სს, თბ., 1984
- VIII ორბელიანი სულხან-საბა, ლექსიკონი ქართული, ტ. I, 1991, ტ. II, 1993
- IX სააკაშვილი მ., გელაშვილი ა., საქართველოს მედიცინის ისტორია, ტ. III, წ. II, თბ., 1958
- X ქართლის ცხოვრება, I, თბ., 1995
- XI წიგნი სააქიმოდ, თბ., 1936

Rites Connected with Childbirth and Nursing Babies in Georgia

(a historical-ethnological study)

Summary

The present collection consists of four articles and the afterword. The traditions of childbirth and baby nursing, witnessed in some highland and lowland regions of Georgia in the 19th and the first half of the 20th centuries are described and discussed in the papers. Some views presented in the afterword are based upon the comparison of the above-mentioned traditions and the generalisation of the conclusions made by the authors. Namely, the rites, habits and customs of childbirth and baby nursing form a certain religious system in which the Christian ideas and traditions are merged with the archaic religious layers.

The main conceptions of this system reflect the oldest ideas on the motherly origin and fertility of the earth, the impurity of a woman during the menstrual period and after childbirth, the influence of evil spirits, and so on. All this is represented in the rites of childbirth on earth (the highlands of Georgia) and their ritual symbols (the lowland of Georgia), in pre-Christian and Christian ceremonies of purification, in the activities directed against evil spirits, etc.

The principles of prevention and treatment of women's diseases and midwifery, witnessed in Georgian folk medicine, in certain cases are not far from those of modern medicine. The methods and means of treatment, naturally, were distinctly different but, in most cases, were expedient and quite efficient. For example, during the menses and in the post-delivery period the woman was not allowed to do hard work or to have intercourse, in case of difficult delivery use of original methods changing the position of the foetus and ejection of the placenta. Operational intervention in extreme cases, embryotomy carried out by local midwives or shepherds.

The free regime of sucking which besides full-value feeding, promoted the calmness of the child and preservation of the mother's milk should be specially mentioned.

The folk traditions of childbirth and the care of newborn children corresponded to the living conditions and mode of life of the local population in different regions of Georgia satisfied their needs and was apparently optimal.

ს ა რ ჩ ე ვ ი

შესავალი	5
ნუნუ მინდაძე. ბავშვის დაბადებასთან დაკავშირებული წეს-ჩვეულებები ხევსურეთში	7
ნანა გვათუა. მშობიარობისა და ჩვილ ბავშვთა მოვლის სალხური ტრადიციები ქვემო ქართლში	41
ნინო ჩირგაძე. მეანობისა და გინეკოლოგიურ დაავადებათა მკურნალობის სალხური ტრადიციები სამცხე-ჯავახეთში	75
მედეა ბურდული. მეანობისა და გინეკოლოგიურ დაავადებათა მკურნალობის სოგიერთი სალხური ტრადიცია - დასავლეთ საქართველოში	107
ბოლოსიტყვა	136
რეზიუმე (ინგლისური)	151

C o n t e n t s

Introduction	5
Nunu Mindadze. Rites connected with childbirth in Khevsureti	7
Nana Gvatua. Folk traditions of childbirth and nursing of babies in Kvemo Kartli	41
Nino Chirgadze. Folk traditions of midwifery and treatment of women's diseases in Samtskhe-Javakheti	75
Medea Burduli. Some folk traditions of midwifery and treatment of women's diseases in Western Georgia	107
Afterword	136
Summary	151

გამომცემლობის რედაქტორი: ლ. კოტრიკაძე

გადაეცა წარმოებას 26.02.97; ხელმოწერილია
დასაბეჭდად 26.02.97; ქალაქის ზომა 60X84^{1/16}
პირობითი ნაბეჭდი თაბახი 9,5; სააღრიცხეო-
საგამომცემლო თაბახი 8,84;

ფასი სახელმწიკრებზე

ტირაჟი 150

შეკვეთა № 49

საწარმო-საგამომცემლო
გაერთიანება „მეცნიერება“
თბილისი, 380060
გამრეკელის ქ. 19